




mit xxv K.

2.




















FLAMMVLÆ  
AMORIS

S. P. A V G V S T I N I

Versibus & Iconibus xxv.

Exornatæ.



*In memoriam*  
*E. V. T.*



D222  
29



DE  
FLAMMVLÆ  
AMORIS  
S. P. AVGVSTINI  
Versibus et Iconibus  
Exornatæ.

Auctore  
F. MICHAELE HOYERO  
Ordinis Eremit.  
S. Augustini

ANTVERPIÆ,  
Apud Henricum Aertisens  
Anno M.DC.XXIX.

*Superiorum permissu.*



Ms. B. 7. 5. 50  
1850, Dec. 27.

Gift of  
Edward Tuckerman, Esq.  
of Cambridge.












NOBILIBVS,  
Amplissimis , ac Reuerendis  
DOMINIS  
D. FRANCISCO  
vander  
EYCKEN

Sacellano Oratorij Serenissimæ  
Principis ISABELLÆ,  
&

DECANO Ecclesiæ Cathedralis S. MARTINI, in vrbe inclytâ IPRENSI,  
Cæterisque DD. eiusdem Ecclesiæ  
CANONICIS.

 Efert Plutarchus,  
VIRI AMPLIS-  
MI, Sappho Lesb-  
biam illam Mu-  
sam , tot veneres  
in suis poëmatis & carminibus



spirare, tot in legentium animis lenocinia, & prurientis petulantia faculas excitare, ut affirmare non vereatur eam, dum vitam coleret, arsisse interius,

*Quantum neque atro delibutus  
Hercules*

*Nessi cruore, nec Sicanâ feruida  
Furens in Ætnâ flamma.*

Quod ille acri vir ingenio in mollibus intemperantis huius puellæ illecebris, & amoribus agnouit, longè potiori iure id ipsum in alio ardoris genere de S. P. AVGVSTINO dicendum; eum videlicet ita eorū qui monumentis à se editis vacant animos, & mentes castis flammulis



lis corripere , vt meritò fateri liceat, quod cœlestis in ipsius stomacho æstuauerit flamma,

*Vt rapidus clausis fornacibus ignis.*

Argumento sint , ne quidquam affingere videar, *Meditationes, Soliloquia*, & id genus alia, vbi turture castiores gemitus, & ardentis animæ erga suum dilectum frequentia desideria, vltra omnes sub Veneris regno vapulantium delicias legimus, & admiramur. Quod Ordinis nostri lumen & ornamentum singulare B. THOMAS A VILLANOVA Inuictissimi Caroli V. Ecclesiastes, & Valentinus Archiepiscopus optimè testatur,

I 5

dum



dum S. Patrem debitis in cæ-  
lum laudibus efferens, ait, *Verè*  
*sub labijs eius sermo ignitus, fauo*  
*dulcior, lacte suavior, balsamo pre-*  
*tiosior mirâ copiam distillat.* Et paul-  
lò antè, *Quenam, obsecro, mater*  
*paruulo uteri sui filiolo, quem gre-*  
*mio fouet, tam tenerè loquitur, ita*  
*verbis applaudit, oculis arridet,*  
*gestibus exhilaratur, ut Deo suo,*  
*Redemptori suo, I E S U suo* AUGV-  
STINVS? Mox tanti Doctoris, &  
Patris sui encomia egregiè con-  
cludit dicens, *AUGUSTINVS*  
*quasi ignis, & verbum eius qua-*  
*si facula ardebat.* Eccles. 48.  
Ex cuius libellis hoc ego quasi  
florilegiū celeri manu excerpti,  
quod ad aram Nominis Vestri  
appen-



appendere, & consecrare ausus  
sum; qui in illo amplissimo di-  
gnitatis, & officij Ecclesiastici  
gradu, quem Vobis incredibilis  
Vestra Virtus, & summa Erudi-  
tio Dijs, hominibusque annuen-  
tibus meritò detulit, similes è  
dulci Musarū viridario ingenij  
foetus Vestri Nominis amplitu-  
dine indignos non soletis arbi-  
trari. Atque utinam, quemad-  
modum Vlyssi Mineruam ru-  
gas, caluitiem, deformitatem  
detraxisse Homerus sapientiæ  
antistes solertissimo ingenio  
comminiscitur, quo formæ di-  
gnitas ingrauescente ætate pro-  
pè iam exacta, & laborum innu-  
merabili serie deperdita reflores-  
ceret:



ceret : sic vernaculam , & ple-  
beiam huius opusculi speciem  
Vestri eloquij propè diuinus le-  
pos , & nitor solitâ vobis comi-  
tate eleuare , & polire dignetur.  
Interea, VIRI AMPLISSIMI,  
faxint Superi,

*Namque animas sæpè exaudire  
minores*

*Dicuntur,*

vt semper ad votum fluente  
fortunâ,

*eat lux Vestra per annos  
Iliacos, Pyliosque simul;*

& post exantlatam pro Dei  
Opt. Max. honore, & auitæ re-  
ligionis , cuius obseruantissimi  
estis,



estis , defensione , laborum &  
molestiarum iliada , Vos tan-  
dem supremus ille spectator &  
præmiator astris inferat æternâ  
laureâ decorandos.

Ita vouet , & precatur  
Vester in Christo Seruus

F. MICHAEL HOYERVS  
Augustinianus.

*Bruxellis post. Id. Nouemb.*  
*1628.*







SS. ac Æuiterni  
Numinis Inuocatio.

**N**Vtantem nimis, ah! meam Thaliā,  
Dūm se tollit humo, leuatq<sub>3</sub> sursum,  
Æuiterne Deus, perenne Numen,  
Subleua, ô bone, sospitante dextrâ,  
Impubemq<sub>3</sub> tene, & foue libenter.  
Te spirante sacra vigent Camæna,  
Haud spirante rigent; & Hippocrene  
Venâ, te sine, non fluente torpet,  
Nec Pimplæa suas profundit vndas.  
Tuq<sub>3</sub> ô priue Geni, Vialis Heros,  
Thesæâ mihi plus fide probate,  
Hic si te labor auspicante prodit,  
Sic te pagina prosperante creuit,  
Vt crepundiolis procul relictis,  
Tandem se foribus ferat paternis,  
Et foro ambulet in meridiano  
Faxis vt benè, prospereq<sub>3</sub> vertat.

# D. C.

**E** Brias Gnidio Deas falerno,  
 Aut plenam sale pruriente, Clusâ  
 Hoc à limine submoueto Nympham.  
 Hoc se virgineo ferat rosêto  
 Aut mollis Dryas, aut petulca Nâis?  
 Hoc libido soluta liliêto?  
 Ab! procul, procul euirata Musa,  
 Et quos parturit hic, & hic Amores,  
 Et quos Bilbilis, ediditq<sub>3</sub> Sulmo,  
 A nostro procul ite liliêto.  
 His puro pede saltitant virêtis,  
 Casti, floriduli, comatuliq<sub>3</sub>,  
 Magni delictum aetheris, Puelli.  
 Quarè si sapitis petulca turba,  
 Casto limine submouête passum,  
 Ne vos alite vindicent sagittâ  
 Qui puro pede lusitant Puelli.  
 Nemo impunè Deos laceffit vnquàm.



R. P. Michaeli Hoyero  
Magistro suo.

**D**Ecantent aliū tuam Leandre  
Flammā, extinguere quam nec ipse Nereus  
Omnibus potuisse fertur vndis;  
Quantò rectius, ô Poëta dulcis,  
Delicatioꝛ anseris medullā,  
Molliorqꝛe cuniculi capillo,  
A V R E L I tua Barbitos celebrat  
F L A M M A S, carmine quod vel ipsa saxa  
Auritasque potest mouere quercus.  
Sed quid Magne tuas volo M I C H A E L  
Stridenti stipulâ sonare laudes?  
Non Musæ mihi præsto sunt canenti,  
Bruxellas abiēre namque tecum.

ALBERTVS RVBENS  
Antuerpiensis.





## Ad eundem.

**Q**VI FLAMMVLAS AMORIS,  
Tam virgines sacrasque,  
Tam candidas, piasque,  
Quas Attico nitore,  
Et Palladis pudico  
Plenas ferunt meraco,  
Spectat, nec incalescit  
Vsque intimas medullas,  
Et truncus est, chalybsq<sup>3</sup>,  
Et marmor est, silexq<sup>3</sup>.

IACOBVS PHILIPPVS  
à Donghelberge Poëseos  
Auditor in Gym. S. Au-  
gustini Bruxellis.





## Ad eundem.

**H** Aud scio, Musa, tuos antestet an vlla lepôres,  
Tam liquidum promissum, PATER,  
ore melos:

At scio quod pauci poterunt superâre Poëtæ,  
Materiâ, numeros, nobiliore tuos.

---

## Aliud.

**D** Vm canis, AVRELI, tam terso car-  
mine FLAMMAS,  
Suavius his vsquam quid queat esse modis?

WINANDVS de BERLAYMONT  
Rhetor in Colleg. S. Aug.  
Bruxel.





R. P. Michaeli Hoyerō  
Magistro suo.

**A**VRELIANI pectoris durum gelu,  
Mentemque rupis instar, & triplex iecur,  
Quod sic PARENTIS anxie tristes aquas  
Despexit olim, qui lyrâ & plectro queat  
Cantare, dubitant an pares vllos habes.  
AVRELIANI pectoris castas faces,  
Et plena calo corda & affatus pios  
Anima astuantis, tam lyrâ molli canis,  
Vt iure dicant, quod pares paucos habes.

ANDREAS VAN KERRENBROECK  
Rhetor in Colleg.D. Augustini  
Bruxel.





Liber Primus.



*S. P. Augustinus.*  
*Guil. Collaert excud.*



# MAGNO PATRI S, AVGVSTINO

ANATHMA.

I.

**M**AGNE PATER, sacra decus im-  
mortale palaestra,  
Accipe Melpomenes dona pusilla mee.  
Dona pusilla quidem, pretiū si carmina praestant:  
Ingenuae verūm symbola mentis habe.  
Iavidit (quis enim neget?) arida venula fontes;  
Et Musa est studijs panē nouerca meis.  
Nec mihi Calliope, nec stirps Latonia sacras  
E gemino fudit vertice fontis aquas.  
Nunc tamen irrūpo (tanta est audacia) promat  
Non odiosa oculis, si mea Musa, tuis.  
Irrumpo, & scatebras Vatum subrimor, amicam  
Si nullus lympham suggerat arte labor.  
O! si (parce PATER votis puerilibus) ô! si  
Pegasis alueolo diuite vena fluat:  
O! si Pimplæo residens in culmine Phœbus,  
Nostra Aganippæis ora rigaret aquis,

A 2 Augu-

AVGVSTINE tuos canerem sine fine calores :

Hanc meus ad metam feruidus iret equus.

Seraphicum canerem cytharâ potiore furorem ,

Entheaq<sub>3</sub> aethereo corda perusta rogo.

Nunc agræ Matris lacrymas , nunc lubrica vitæ

( Sed raptim, & propero carmine ) fata tuæ ;

Turgentes animos, & inexorabile pectus,

Et Labyrinthæo deuia corda dolo.

Quis credat sobolē vsq; adeò explosisse parētem?

Quis data non sanis sibila plena iocis ?

Téne, inquam, miserāde Puer, téne optima Matris

Sic risisse, fides vera sit, ora tuæ?

Hoc soboles tam cara nefas ? velabat ocellos

Hæresis inde furor, temporis inde viror.

Damnabit tamen ista breui maturior etas ;

Et dabit hæc, pictas murice, spina rosas.

Ver hyemem, tenebrasq<sub>3</sub> Aurora fugabit; & istas,

Quæ malè quassa gemit cymba , relinquet  
aquas.

Mihi acclamabatur præ multis cœta-  
neis, & conlectoribus meis.

S. Aug. I. Conf. c. 17.

**Q**ualis ab Eois surgens penetralibus, alnum  
Puniceo pandit Bosphorus ore diem :  
Qua-



Qualis foeta nouo genialis Flora marito,  
 Florum reginas, parturit alma rosas:

Qualis in aërio cypressus vertice Pindi  
 Præ reliquis, celsum tollit in astra caput;  
 Talis eras, ô Magne Pater, vernantibus annis,  
 Sidoniæ princeps, faxq<sub>3</sub>, decusq<sub>3</sub> scholæ:

Viuaçi teneros superabas indole mystas,  
 Ut præit exiguas Cynthia plena faces,  
 Ut superat viles Erythreia bacca lapillos,  
 Ut figuli vincit lamina fulua lutum.  
 Primus Mnemosynes doctâ certare sub vmbra:  
 Primus obire sacra plectra canora lyra.

Si fors Ausonij vellet diuina poeta  
 Carmina, vel Lyrici texere vatis opus:  
 Ibant tam facili deducta poemata filo,  
 Ut geminum meritò vincere posset ebur.  
 Si rapida staret iaculari fulmina linguae;  
 Vis Suadae, reliquis omnibus, horror erat.  
 Iurabant vacuasse sacram Pimpleida, lauros  
 A cunis omnes promeruisse suis.

Luxuriam primâ spectans hanc Mater in herbâ,  
 Nescio quos fructus hæc, ait, herba dabit.  
 Quos fructus ager hic spondet, vix audeo fari;  
 Et si fortè velim, vix mihi danda fides.  
 Nam viror hic, tenero prius et si pullulet aruo,  
 Spes tamen ille meas, & mea vota præit.

8 FLAMMVLÆ AMORIS

*Sapè manu paruum prendens, mi melleæ, dixit,  
A teneris rectas illicò curre vias.*

*Si cultor primo virgam malè torserit auo;  
Facta arbos, talis postea semper erit.*

*Implumem quòd alit serpente ciconia natum,  
Grandior hic similes appetit ore cibos.*

*Et quia fert canibus passim, crucibusq<sub>3</sub> relictis  
Vulturius pullis pabula cruda suis:*

*Hinc illi sumptis ubi findunt aëra pennis,  
Dilaniantq<sub>3</sub> cruces, dilaniantq<sub>3</sub> canes.*

*Sic teneris quidquid benè, vel malè suèuimus an  
nis,*

*Vix vllum quondam deposuisse scies.*

*Quarè, Nate, vide ne te malus auferat error;  
Et quo plura potes, plura pericla time.*

*His plerumq<sub>3</sub> Parens acuebat pectora dictis;  
Aspiciens tantas, anxia, mentis opes.*

*Prodigium quoties timuit, pauitq<sub>3</sub> magister;  
Horruit exoriens tota palæstra iubar.*

*Nec temerè, capiebat enim variabilis etas  
Semina temporibus perniciofa suis.*

*Grandia libabat studijs elementa futuris:  
Sed furialis in hac Pallade pestis erat.*

*Pestis erat moritura breui; puduisset in istis  
Sordibus etatis ducere fila suæ.*



MIHI ACCLAMABATUR , PRAE  
 MULTIS COAETANEIS , ET  
 CONLECTORIBVS MEIS. *S. August.*  
*I. Confess. c. 17.*

**A** Ccipe confessiones , & gratiarum  
 actiones DEVS MEVS, de rebus innu-  
 merabilibus etiam in silentio. *9. Confess.*  
*cap. 8.*

Ego imbecillâ tunc ætate discebam li-  
 bros eloquentiæ , in quâ eminere cupie-  
 bam sine damnabili , & ventoso per gau-  
 dia vanitatis humanæ. *3. Confess. c. 4.*

Et quid mihi proderat , quod omnes  
 libros artium, quas liberales vocant, tunc  
 nequissimus malarum cupiditatum ser-  
 uus , per meipsum legi , & intellexi?  
*4. Conf. c. 16.*

DEVS, DEVS MEVS, quas misérias exper-  
 tus sum, ut in hoc sæculo florerem , & ex-  
 cellerem linguis artibus , ad honorem  
 hominum , & falsas diuitias famulanti-  
 bus! *I. Confess. c. 9.*

Sine me, DEVS MEVS, dicere aliquid, &

de ingenio meo, munere tuo, in quibus à me deliramētis atterebatur, 1. *Confess. c. 17.*

Non meliora eligens eram inobediens, sed amore ludendi, amans in certaminibus superbas victorias, & scalpi aures falsis fabellis, quo prurirent ardentius. 1. *Confess. c. 10.*

Gratias tibi dulcedo mea, & honor meus, & fiducia mea, DEVS MEVS; gratias tibi de donis tuis. 1. *Confess. c. 20.*

Maior eram in scholâ Rhetorum, & gaudebam superbè, & tumebam typho. 3. *Confess. c. 3.*

Ista omnia DEI MEI dona sunt, non mihi ego dedi hæc, & bona sunt, & hæc omnia ego. Bonus ergo est qui fecit me, & ipse est bonum meum, & illi exulto bonis omnibus, quibus etiam puer eram. 1. *Confess. c. 20.*

Illi non intuebantur quo referrem, qui me discere cogeant, præterquam ad satiandas insatiabiles cupiditates copiosæ inopiæ, & ignominiosæ gloriæ. 1. *Confess. c. 12.*

Et



Et tamen ego, DEVS MEVS, in cuius conspectu iam secura est recordatio mea, libenter hæc didici, & delectabar miser, & ob hoc bonæ spei puer appellabar. i. *Confess. c. 16.*

Quid enim miserius misero non miserante seipsum, & flente Didonis mortem, quæ fiebat amando Ænean, non flente autem mortem suam, quæ fiebat non amando te ? i. *Confess. c. 13.*





*Quid enim sum mihi sine te. <sup>tuus</sup>  
dux in p̄ceptis? S. Aug. 4. Conf. 2. 2.*

*Guil. Collaert excud.*



## I I.

Quid enim sum mihi sine te, nisi dux in  
præceps? S. August. 4. Conf. c. i.

**Q**UOD properas, inquit Mater, latet anguis in  
herbâ:

*Illâ licet vireat, supprimat ille caput.*

*Ab! mi Nate redi, referes dispendia tecum;*

*Quanta sub hoc, eheu! culmine monstra la-  
tent.*

*Hoc coluber, prout ipse vides, stabulatur in antro:*

*Hoc millena perijt naufraga turba iugo.*

*Hic flamma, hic glacies, hic sedes hospita mortis:*

*Hoc nullus toto peior in orbe locus.*

*Non sic Euboicis fugiendum cautibus equor,*

*Turbida quas cæcis occulit vnda vadis:*

*Non sic sunt Syrtes, non sic fugienda Charybdis;*

*Et canibus multum Scylla timenda suis:*

*Quàm primo fugienda tibi sunt protinus euo,*

*Hæc fato dixi, saxa parata tuo.*

*Surdior ille freto tantæ monita aurea Matris*

*Respuit, & mortis scandit, aditq; iugum.*

*Ferreus has lachrymas, & inexorabilis audit:*

*Nec molliit rigidum tam pia cura iecur.*

12 FLAMMVLÆ AMORIS

Proterit egregios mores , mandataq<sub>3</sub> Matris;  
 Et scelerum impurâ nobilitate tumet.  
 Nec vitij meta vna fuit , Venus additur; ignem  
 Hæresis hinc animo ventilat , inde Venus.  
 Vidisti tecti regnantes culmine flammæ?  
 Ardebat talis dura per ossa furor.  
 Deploratus erat ( quidenim nisi fata manebāt?)  
 Ignibus , heu! tantis , vlceribusq<sub>3</sub> iacens.  
 Aeger erat, morbusq<sub>3</sub> animo, flammæq<sub>3</sub> placebāt,  
 Sit propè supremum certus obire diem.  
 Vt scarabæus amat sordes , vt noctua noctem:  
 Quàm placet hac animo , tàm placet ille suo.  
 Quæ, bona Mater, erat tantis spes deniq<sub>3</sub> rebus?  
 Quis medicâ tantum tolleret arte malum?  
 Nullus erat, furiosus opem procul abijcit omnē:  
 Qui moribunda leuet pectora, nullus erat.  
 Ne mentem demitte tamen, furor iste quiescet:  
 Qui leo sic rugit, mitis vt agna gemet.

Tu DEVS vidisti de longinquo lapsantem  
 in lubrico. S. August. 4. Conf. c. 2.

**N**on sic Heliades percussus fulmine fratrem,  
 Nec Clymene natum fleuit in Eridano:  
 Non sic corporibus Niobe frigentibus hæsit,  
 Cum fuit in tristem versa dolore petram:

Non



Non sic Andromache crudelia fata mariti,  
 Aut missum aërijs Astyanacta iugis:  
 Quàm Nati fleuit Genitrix miseranda rui-  
 nam;  
 Quem Venus, & mentis vulsit ad ima tu-  
 mor.

Luciferos seu Phoebus agat per inane iugales,  
 Delia sublustres seu moderetur equos;  
 Assiduò tepidas oculo pluit vbere guttas:  
 Qualiter aestiuis Alpibus vnda cadit.  
 O! Nate, exclamat, pia Matris sarcina quondã,  
 O! patris, & vultus verior vmbra mei,  
 Quò te palantem salebrosa per inuia raptat,  
 Mille per amfractus frigida stella senis?  
 Quò te precipitem mala sors? ô! despice, quantũ  
 (Ni properè remeas) te manet exitium.  
 Quam fugis? annè tuã quæ flagitat anxia vitã?  
 Siste pedem, quæ te fusca volutat avis?  
 Quid facies hosti, qui non reuerêre parentem?  
 Hostis maternas audit & ipse preces.  
 Pulsus ob inuidiam dominâ Dux inclytus vrbe,  
 Obsedit muros, magne Quirine, tuos.  
 Conclamatum erat eternũ, ni prouida mater  
 Mollisset lacrymis ferrea corda suis.  
 Qui ciues ferro, patriam qui perdere flammis  
 Ardebat, matris non tulit ora suæ.

14 FLAMMVLÆ AMORIS

Quàm melius foret exemplis te talibus vti,  
 Et facili blandas accipere aure preces.  
 Nate redi, quæ te miserum dementia vexat?  
 Quô te circumagis turbine? Nate redi.  
 Res non parua, polus tibi luditur: illius ergo  
 Sedula cedentem subsequar vsq<sub>3</sub> gradum.  
 Lux mea, Nate, redi; per ego, te, viscera, & illa  
 Quæ roseis toties hausta fuere labris,  
 Oro, si quis inest precibus locus, exue mentem:  
 Vsq<sub>3</sub> adeo Matri ferreus esse potes?  
 Quàm vereor (fallant Superi) ne stamine rupto  
 Occumbam gelidâ flebile pondus humo.  
 Tum te dentato lacerabunt carmine passim;  
 Materniq<sub>3</sub> (malum!) funeris author eris.  
 Quid fuit vt patulâ diffunderet ilice vitam  
 Iesseides? patri nempè rebellis erat.  
 Cereus at præcepta Iacob quia sarta parentis  
 Tecta habuit, quantas hinc sibi clepsit opes?  
 Res est, crede mihi, longè gratissima Diuis,  
 Quando puer pendet matris ab ore suæ.  
 Vror amore tui, misera nec reddis amorem?  
 Vult pius, esse noui messis amoris, amor.  
 Si vitio vertis quod amem, quod te vnica curem;  
 Naturam, & Superos argue, crimen erunt.



QVID ENIM SUM MIHI SINE TE, NISI  
DVX IN PRAECEPTA? S. Aug. 4. Conf. c. 1.

**P**Ræceptis ibam tantâ cæcitate, vt inter  
coactaneos meos puderet me mino-  
ris dedecoris, quam audiebam eos ia-  
ctantes flagitia sua: & libebat facere, non  
solum libidine facti, verum etiam lau-  
dis. 2. Conf. cap. 3.

Efferbui miser, sequens impetum  
fluxus mei relicto te, & longè exula-  
bam à deliciis domus tuæ. 2. Conf. c. 2.

Rapiebat imbecillem ætatem per ab-  
rupta cupiditatum, atque mersabat gur-  
gite flagitiorum. *ibid.*

Non enim videbam voraginem turpi-  
tudinis, in quam proiectus eram ab oculis  
tuis. 1. Conf. c. 19.

Hoc tu dimisisti misericorditer, ser-  
uans me ab aquis maris plenum execran-  
dis sordibus, vsque ad aquam gratiæ tuæ.  
5. Conf. c. 8.

Quoties ego peccaui, & iste draco pa-  
ratus.

ratus fuit deglutire me, sed tu Domine  
DEVS MEVS defendisti me. *Sol. c. 28.*

Descendi enim vsque ad portas inferni, & ne illuc intrarem, tu me tenuisti.  
*ibid.*

Confitear tibi beneficia tua magna, quoniam eripuisti me de inferno inferiori semel, & secundò, & tertio, & centies, & millies, & ego semper ad infernum tendebam, & tu me semper reducebas.  
*ibid.*

Sic vitæ humanæ procellosam societatem ingressus sum. *1. Confess. c. 8.*

Quod si & in iniquitate conceptus sum, & in peccatis mater mea in utero me aluit, ubi oro te DEVS MEVS, ubi Domine ego seruus tuus, ubi, aut quando innocens ego fui! *1. Conf. c. 7.*

Tu verè bonus, ego malus; tu pius, ego impius; tu sanctus, ego miser; tu lux, ego cæcus; tu medicina, ego æger; tu gaudium, ego tristitia; tu summa veritas, ego vniuersa vanitas. *Sol. c. 2.*

Quo-



Quoties vt canis redij ad vomitum, & quasi sus repetij volutabrum. *Med. c. 3.*

Obsurdueram stridore catenæ mortalitatis meæ, & iactabar, & effundebar, & difflebam, & ebulliebam per fornicationes meas. 2. *Confess. c. 2.*

Væ mihi misero toties aberrato, quia tu via & ego sine te. *Sol. c. 4.*

Cum fui sine te, non fui, sed nihil fui; & ideo cæcus eram, quia eram sine te verâ luce, quæ illuminas omnem hominem venientem in hunc mundum. *Sol. c. 6.*





Retinebrut me nugæ nugærum, et  
vauitutes vanitatum. S. Aug. 8. Conf. c. 11.

Guil. Collaert excud.



## I I I.

Retinebant me nugæ nugarum, & vanitates vanitatum. S. August. 8. Confess. c. II.

**Q**uam ferus est maternus amor; Phaëton-  
tia frenâ

Soluerat emeritis cœrula Mater equis:

Quot frondes fruticeta gerūt, quot pascua flores,  
Ignea tot superis astra fuere choris.

Purior argento Phœbe radiabat & auro,

Menstrua coniunctâ cornua fronte gerens.

Hanc liquido infelix MONICE suspectat ocello;  
Infelix, lacrymis obruta pœnè suis.

Nunc Hyadas, Libycamq; feram, immanemq;  
Draconem,

Innocuam Erigonen, damnificumq; Canem,  
Mille, & mille alias oculo legit indice formas,

Area quâ medium pandit aperta polum.

Miratur vasti sinuosa volumina celi,

Tot depicta cauo fornice signa stupet.

O! patria, ô! Diuum sedes, ô! aurea Tempe,

O! desiderij, clamitat, aula mei.

O! tibi quàm dextro sors Hercule contigit, æuum  
Quisquis in Elysiâ sede beatus agis.

O! nate

O ! Nate ( *abrumpit surgentem lacryma vocem* )  
*Quid terræ adrepis languide ? linque solum.*  
*Hæc adedò cupidè de amare crepundia ? bullas,*  
*Et nubes auido prendere velle sinu ?*  
*Ista decent teneras puerilia ludicra mentes :*  
*Temporibus non sunt hæc modò digna tuis.*  
*Ah ! tibi quàm caderet tristi sors flebilis urnâ,*  
*Si superis rueres ad stygis ima locis.*  
*Si cœnum hoc rutilis præfers malè sedibus, istas*  
*Si malè, quisquiliæ, diligis, ante Deum.*  
*Dij Magni meliora ; manus ô porcite, voto*  
*Infelix mulier, supplice, poscit opem.*  
*Lactea cycneis candentior orbita plumis,*  
*Virgineum intactâ quæ niue lumen habes ;*  
*Quâ superis iter est ad regia tecta Tonantis,*  
*Tam puro nunquàm tramite Natus eat ?*  
*Nō vnquàm æquor eat tam claris nobile gemmis ?*  
*Non petet auricomæ deuius erro vias ?*  
*His dictis, geminum madidis mare nabat ocellis,*  
*Suspirans miserum pallida Mater Ityn.*  
*Quò se cumq̃ ferat videt argumenta doloris ;*  
*Et dolor est terram cernere, & astra dolor.*



Exceſſerant caput meum vepres libidinum, & nulla erat eradicans manus.  
*S. Aug. 2. Conf. c. 3.*

**P**Enelope quondam bello viduata biluſtri  
 Tantas defleuit nocte, dieq<sub>3</sub> moras.  
 Diruta fumarant Phœbæ mœnia Troiæ,  
 Lectaq<sub>3</sub> erat pingui plurima meſſis humo:  
 Pergama reſtabant miſeræ, Tritonia carum  
 Dùm ſuccenſa rotat, per duo luſtra, virum.  
 Exciderant mœrore genæ, decor aureus oris,  
 Plurimaq<sub>3</sub> in vultu ruga ſenilis erat.  
 Alea me ludit ſimilis; tornaui viriq<sub>3</sub>  
 Naſcenti, furuâ ſtamina Parca manu.  
 En ego deficio lacrymis; nec nubila plures  
 Fundit aquas Iuno, flumina fundit Hyas,  
 Quàm tristes fudère oculi, quèis gurgite ſucco  
 Vltèrius fontes arida vena negat.  
 Sic reor aſtra volunt; Superi moderamine  
 certo  
 Et nos, & vitæ tempora cuncta regunt.  
 Si poſt luſtificos ſoles, velut aurea Iacob,  
 Sic nobis olim ſuâuior aura micet.  
 Fleuerat hædino maculatam ſanguine veſtem;  
 Et nati falſas fleuerat exſequias.

*Quem*

*Quem fratrum rabies insontem (ô ! crimina)  
paruo*

*Mancipium properis fecerat are viris.*

*Ah ! vbi sancta fides : dum patri purior agno*

*Obsequitur, tali si perit inuidiâ.*

*Ausi etiam verbis patrium mulcere dolorem :*

*Et falsô infames imbre rigare genas.*

*Cedite, dicebat lacrymans, vox vlcus acerbatur*

*Ista meum, medicam plaga perhorret opem.*

*Descendam Patrum nunquam huc rediturus ad  
vmbas :*

*Sanguineam plorans, per loca mœsta, necem.*

*Crudelis fera ( claudabant suspiria linguam )*

*Ebria quæ nostro sanguine ludis, ait.*

*Ingluuias pretiosa mihi ! quin eminus hastâ,*

*Aut stricto cecidit cominus ense fera ?*

*Hæc genitor lamenta dabat, Memphitica nati*

*Nescius ad nutum sceptrâ futura sui.*

*Sceptrâ Deus, fasces, aurumq, parabat, & ostrû :*

*Ecquis ad hæc isthinc diceret esse viam ?*

*O ! si depositam rota me tam dextra leuaret ;*

*Et mihi par vnquàm splendeat orbe dies ?*

*Non peto fulgentes Phario de littore baccas ;*

*Non peto blanditias, Nile iocose, tuas.*

*Natus vt hæc habeat ? flammis daret arida ligna,*

*Istas, nequitia, qui superaddet opes.*

*Vnum*



*Vnum oro, liceat fufis erroribus, ipsum*

*Aspicere ad magni pergere castra Dei.*

*Quid sibi vult? toto subsultant corpore vena:*

*Candida q<sub>3</sub> argutum concinit omen auis?*

RETINEBANT ME NVGAE NV-  
GARVM, ET VANITATES VA-  
NITATVM. 8. *Confess. c. 11.*

**Q**Uam suaue mihi subito factum est,  
carere suauitatibus nugarum, & quas  
amittere metus fuerat, iam dimittere gau-  
dium erat. 9. *Confess. c. 11.*

Circuiui vicos, & plateas ciuitatis hu-  
ius mundi, quærens te, & non inueni:  
quia malè quærebam foris, quod erat in-  
tus. *Sol. c. 31.*

Serò te amaui pulchritudo tam anti-  
qua, & tam noua, serò te amaui. Væ  
tempori illi quando non amaui te. *Ibid.*

Velle meum tenebat inimicus, & inde  
mihi catenam fecerat, & astrinxerat me.  
Quippe ex voluntate peruersâ facta est  
libido

libido, & dum seruitur libidini facta est consuetudo, & dum consuetudini non resistitur, facta est necessitas, 8. *Confess. cap. 5.*

Libidinis seruus eram satellitio perdurantis consuetudinis. 6. *Confess. c. 15.*

Exhalabantur nebulæ de limosâ concupiscentiâ carnis, & scatebrâ pubertatis, & obnubilabant, atque obfuscabant cor meum, 2. *Confess. c. 2.*

Exarsi, & syluescere ausus sum, varijs & vmbrosis amoribus, & contabuit spes mea, & computrui coràm oculis tuis. 2. *Confess. c. 1.*

Spes mea à iuuentute meâ vbi mihi eras, & quò recesseras? ambulabam per tenebras, & lubricum, & quærebam te foris à me, & non inueniebam Deum cordis mei. 6. *Confess. c. 1.*

Miser eram, & miser est omnis animus



vinctus amicitia rerum mortalium. 6. Cō-  
fess. cap. 6.

O nimis inimica amicitia cum dicitur  
eamus, faciamus, & pudet non esse im-  
pudentem, 2. Conf. c. 9.





*In scabris in occultis meis Domine, flagella inge-  
minans pudoris, et timoris. S. Aug. 8. Conf. c. 11.*

*Guil. Collaert excud.*



## I V.

Instabas in oculis meis Domine, flagella ingeminans, timoris, & pudoris.

S. August. 8. Confess. c. II.

**Q**uas vltrix hominum conflata Rhamnusia  
pœnas;

Nullo stare queat mens scelerata loco:

Intus agunt Furia scuticâ tortore medullas;

Excuteuntq<sub>3</sub> novos nocte, dieq<sub>3</sub> metus.

Quis visis memoret trepidantem Penthea Diris?

Quis flammâ referat, tristis Oreste, tuas?

Quâ graue suppliciû scelus est! hoc perpete pœnâ,  
Vulturij fibras, alitis instar, edit.

Luna soporiferam præbens mortalibus vmbra,  
Dimidium liquidi fecerat orbis iter.

Occiduas currente rotâ dùm venit ad vndas,  
(Quò fessos molli gramine pascit equos)

Mira quies erat; vmbroso nisi culmine tecti  
Feralis gemeret flebile carmen, aus.

Præfica nostrorum nimis importuna malorum:  
Mundo deuotum, Dis superisq<sub>3</sub> caput.

Quò lessus vlula hæc, insit? quid deniq<sub>3</sub> restat?  
Vah! miserum nunquid me semel esse sat est?

Nec Cereris donis recreor, nec flore Lyæi,

Nec me Musa iuuat, nec iuuat vlla Venus.

Ecce insopito voluo mea corpora lecto;  
 Quæ iocus est alijs, est mihi pœna quies.  
 Quæ requies erit ergo meis (ô! fata) procellis,  
 Vltior si nos pontus, & aura vocant?  
 Hæc clamans, nunc fessa premit, nunc ora supinat  
 AVGVSTVS, stabili nescius esse loco.  
 Vritur, horribilem maculis testantibus æstus:  
 Nec regit vlla quies, nec lacryma vlla rogam.  
 Monstriparæ talis post cæsa piamina terræ  
 Hæc calis Oetæi sorbuit cæssa, rogam.  
 Lassa graui tandem subsedit turbine ceruix:  
 Et nigrâ clausit lumina nube sopor.  
 Vix oculos pressit, cum somnia turbida surgunt:  
 Et pingunt habili multa videnda manu.  
 Præ reliquis, SOLYMES claris errabat in oris;  
 Vrbs vbi finitimum territat ælia polum.  
 Miratur Parijs surgentia tecta columnis;  
 Et totâ errantes autumat vrbe Deas.  
 Miratur magni turrita palatia Regis,  
 Enthea, fatidicâ quem fide, Musa beat.  
 Hinc Iuuenis pubente genâ, decor ipse decorum,  
 Et Charitū ipsa Charis, & Venerū ipsa Venus  
 Luxuriante venit per eburnea colla ca. illo;  
 Vrbis honos, Cyriæ pullus, amo q<sub>3</sub> Deæ.  
 Ab! Solymis pretiosa seges quantum illa puellis;  
 Non paucis venum cum dabat ære comas.  
 Nescio



Nescio quos motus oculis, flammâsq; ciere  
Visus, & astantem cogere ad arma manum.  
At Pater, & nudus trabeâ, nudusque tiarâ,  
Postico egrediens limine, ab vrbe fugit.  
Infelix pater (ô! diræ spectacula sortis)  
Tessqua per, heu! sobolem, per salebrasq; fugit.  
Bina dein denso rutilabant agmine castra:  
Hinc Puer, inde Ioab, promptus vterq; mori.  
Par animus, forsâ puero feruentior; illum  
Ni grandi rabies inuida nube premat.  
Aera sonant, paribus pulchrè concurritur armis:  
Mars piter aratis cursat vtrimq; rotis.  
Iamq; labat fortuna: Puer quò tristis aberras?  
Quò tandem? forti comprime lora manu.  
Pegaseo superare putas discrimina dorso?  
Quò magè maturas, te magè fata premunt.  
Sta, dum virtuti locus est: statione relictâ  
Infamem quares, deuius erro, necem.  
Quà volitat, quercus totas exesa medullas  
Non procul expansis stabat aperta comis.  
Culta Palestinis auo meliore Napæis:  
Nunc miseri exitium triste futura viri.  
Visa queri, & subitò sua cogere brachia, visus  
Et liber, & radix, & trepidare come.  
Fertur in hæc Princeps tamen impete robora cæco:  
(Triste nescias) fati nescius arma sui.

Et miserum arreptis captiuat crinibus arbor;  
 Fortè leuis fuluam dùm leuat aura comam.  
 Vt sciuit pendêre Ioab, volat ocior Euro;  
 Vt volat audito tigris inanis equo.  
 Et citius molles (vab! effera dextra) medullas  
 Acriter infixio non semel ense fodit.  
 Ille calentem animam diuerso vulnere fundit:  
 Quàm vellet carum nunc coluisse patrem!  
 Hac PATRITIADEN sic somnus imagine terret  
 Vt multus toto corpore sudor eat.  
 Exitus angebat; & quàm miserabile fatum  
 Est, tali Iuuenem displicuisse patri.

INSTABAS IN OCCVLTIS MEIS DO-  
 MINE, FLAGELLA INGEMINANS  
 TIMORIS, ET PVBORIS. S. August. 8.  
 Confess. c. II.

**R**ecordari volo transactas fœditates  
 meas, & carnales corruptiones ani-  
 mæ meæ, non quod eas amem, sed vt a-  
 mem te, DEVS MEVS, 2. Confess. c. I.

Ego ne vituperarer vitiosior fiebam, &  
 vbi non suberat, quô admissio æquarer  
 perditis, fingebam me fecisse quod non  
 feceram, ne viderer abiectior, quo eram  
 inuo-



innocentior, & ne vilior haberer, quo eram castior, 2. *Conf. c. 3.*

Circumuolabat super me fidelis à longè misericordia tua. In quantas iniquitates distabui, & sacrilegam curiositatem secutus sum. 3. *Conf. c. 3.*

Non erat quod tibi responderem, nisi tantùm verba lenta, & somnolenta: Modò, ecce modò, sine paululum. Sed modò, & modò, non habebant modum, & sine paululum, in longum ibat. 8. *Confess. cap. 5.*

Illud placebat, & vincebat, hòc libebat, & vinciebat. 8. *Conf. 5.*

Ecce, DOMINE DEVS, salutis meæ, quid opponam nescio, quomodò respondeam ignoro. Nullum abs te confugium, nullum à te patet latibulum. *Med. c. 2.*

Non enim satis eloquor quid erga me habebat animi, & quantum maiore sollicitudine me parturiebat spiritu, quam carne pepererat. 5. *Confess. 9.*



*Sic ægeotabam, et excecuiabaz, voluens ac  
versans me in luctu meo. S. Aug. 8. Conf. c. 11.*

*Guil. Coliaert excud.*



## V.

Sic ægrotabam, & excruciar, voluens,  
ac versans me in vinculo meo. S. Aug.  
8. Conf. c. II.

**A**ërias Genius dum fortè perambulat auras;  
Et superum pennâ remige sulcat iter:  
Idalio argentes, AVRELLI, frigore fibras  
Vidit, & errorum perdita corda gelu.  
Vidit, & immane ingemuit: nunquam, heu!  
miser, aiens,  
Cœlituum, glacies, solibus, ista cadet?  
O! miser, apricos flat Gratia Diva tepores:  
Et tua mortifero frigore membra rigent.  
Quò tandem? arrectis hæc auribus accipe, an  
omnis  
Vitali verè cecidit ab ore calor?  
Dicebat, molliq; prehensâ pollice dextrâ,  
Nullus in exanimo corpore pulsus erat.  
Cesserat aura levis, sed & ossa, cutisq; rigeant;  
Tantalus ut Sipyli vertice petra riget.  
Mox positis pharetris, facie stans versus Olympū,  
Nubilus, & tanto funere tristis ait:  
Pœcla tibi quoties, succos, herbasq; paravi,  
Nec placuere labris illa, vel illa tuis.

*Et fomenta ager stomachus cane peius, & atro  
Pæoniam peius oderat angue manum.*

*Ah! vide quò tandem, quò te furor improbus egit:  
Iàm te sarcophagus, iam stygis antra manent.*

*Sic tenebras plenis velis properatur ad iras:  
Vis quasi non animi dignior vlla foret.*

*Nulla quasi extarent cognati semina cali:*

*Quæ sub membrorum cortice clausa silent.*

*Vah! quoties spinaſq; premis, graderiſq; per ignes  
Mater ait, madidos imbre rigata sinus.*

*Castiganſq; tuos verax Cassandra furores,  
Impleuit lacrymis talia dicta suis.*

*Nate caue, vide ne pereas, furit improba Cypris;  
Hæreſis & rabido flamine miscet aquas.*

*Ecce gemit tua prora feris allisa procellis;  
Ecce natant medio naufraga membra mari.*

*Si potes, ô! tabulam cape, ſpes hæc vna ſalutis;  
Obruet, heu! miſerum, ni facis, vnda caput.*

*Hæc, & plura oculis effata fluentibus, huius  
Præſâgo cecinit carmine dira necis.*

*Vera fuit vates, partem probat exitus: ô ſi  
Partem aliam ſinerent aſtra benigna ratam.*

*Hanc queſo miſeræ Matri Tithonia coniux  
Actutum roſeo proferat ore diem.*



Mater pro me quotidie tibi rigabat terram sub vultu suo. S. Aug. 5. Conf. c. 8.

**V**Mbrosâ vitrei dùm fortè crepidine fontis  
 Sidonios, MONICE tabida lustrat, agros;  
 Tabida tot lacrymis, tot anhelis agra querelis,  
 Tandem floriferâ fessa resedit humo.  
 Iuxtâ Natus erat ( sic Dî voluistis ) acerbus  
 ( O ! scelus ) ille adamas, Noricus ille chalybs.  
 Nullâ Nate, refert, eris exorabilis arte;  
 Continuiq; mihi funeris author eris?  
 Si durum cordis silicem, quernasq; medullas,  
 Quas nequeunt lacryma vincere, vincat amor.  
 Omnia vincit amor; quid enim non vinceret ille,  
 Qui debellato sciuit ouare Deo?  
 Hyrcanâ quid tigre magis crudele? quid vrsus?  
 Adsit amor, furias ponet vterq; suas.  
 Ille auium resonare gregem sudo aëre cogit  
 Mille iocos, animi gaudia mille Deus.  
 His dictis, fessæ rostrata ciconia matri,  
 Talia portabat per loca, fortè dapem.  
 Aspicias hanc tranare polum? rectè, auspice calo,  
 Commoda propositis remigat illa meis.  
 Hæc tibi natura, morumq; ait, apta magistra est:  
 Ne pudeat, mores arguet illa tuos.

Cerne libens ex hac reuerentia quanta parentum :

Officij noscas bruta magistra tui.  
 Emeritis vitæ quærens authoribus escam,  
 Exemplum sobolis te docet esse bonæ.  
 Aspicias ut volitet per agros, per flumina, reddat  
 Vectigal cunis ut geniale suis ?  
 Et tu me refugis vitæ peramica monentem;  
 Et dictis perstas durior usq; meis.  
 Scilicet ista decent Lucinam præmia nostram;  
 Hæc sunt ob curas munia digna meas.  
 Nobilis Aemonium citharam Centaurus alumnus

Dùm docet, offendunt Herculis arma senem.  
 Arma venenosi tabentia sanguine Nessi,  
 Lernæ nuper quem sociârat Hydræ.  
 Mollibus alloquijs ægrum demulsit Achilles;  
 Et fouit medicâ, quâ potis, arte malum.  
 Sæpè ferunt guttis maduisse tepentibus ora:  
 Sæpè scatens trepidâ pus posuisse manu.  
 Phyllyrides blando obsequium spectabat ocello;  
 Si qua fides, clausit latior inde diem.  
 Heroïum sectare pios toto impete mores:  
 Exemplum primi nominis ecce damus.  
 Ne aded turpe est quam fastidire parentem;  
 Omnis in hoc vili crimine noxa latet.

Quid



*Quid me, quid gemitus caperatâ fronte pererras?*

*Quæ non materno bellua amore furit?*

*Et leo lasciuir toruæ super vbera matris:*

*Et minor effrenæ pullus adheret eque.*

*Hoc equidem miror, quod inexorabilis hæres,*

*Cùm scelus est nullum, præter amare, meum.*

SIC AEGROTABAM, ET EXCRV-  
CIABAR MISER, VOLVENS,  
AC VERSANS ME IN VINCV-  
LO MEO. *S. August. 8. Confess. c. 11.*

**D** Electatus morbo carnis, & morti-  
ferâ suauitate, trahebam catenam  
meam, & quasi concusso vulnere repel-  
lens verba benè suadentis tanquam ma-  
num soluentis. *6. Conf. c. 12.*

Quæ diuina solidauerat medicina, mea  
resoluit prurigo phrenetica. *Med c. 3.*

Vulnera vulneribus inflexi, quia sce-  
lera sceleribus addere non timui. *ibid.*

Aciem mentis de profundo educe-  
re conatus mergebar iterum, & sæpe co-  
natus mergebar iterum, atque iterum.  
*7. Conf. ss. 3.*

Circumstrepebat me vndique sartago flagitiosorum amorum. 3. *Confess. c. 1.*

Dilata est mundatio, quasi necesse esset, ut adhuc sordidarer si viuerem. 1. *Confess. cap. 11.*

Infelix pecus aberrans à grege tuo, & impatiens custodiæ tuæ turpi scabie fœdabar. 3. *Confess. c. 2.*

Id erat peccatum insanabilius, quo me peccatorem non esse arbitrabar. 5. *Conf. cap. 10.*

Cogitabam hæc, & aderas mihi; suspirabam, & audiebas me; fluctuabam, & gubernabas me; ibam per viam sæculi, nec deserebas me. 6. *Confess. c. 5.*

Medicinam misericordiæ tuæ ad eandem infirmitatem sanandam non cogitabam, quia expertus non eram, & propriarum virium credebam esse continentiam. 6. *Confess. c. 11.*

Cum quis odio dignus sit, quâ fronte gratiam requirit? cui pœna debetur, quâ temeritate gloriam deposcit? La-  
cessit



cessit iudicem, qui postpositâ satisfactione delicti, quærit præmijs honorari.  
*Med. cap. 3.*

Meritò mihi spes valida in illo est, quia sanabis omnes languores meos, per eum qui sedet ad dexteram tuam, & interpellat pro nobis. *Med. cap. 13.*



Fames



*Fames mihi erat intus, ab interiori cibo  
tempso Deus meus. S. Aug. 3. Conf. c. 1.*

*Guil. Collaert excud.*



## V I.

Fames mihi erat intus, ab interiori cibo  
teipso, DEVS MEVS, 3. *Confess. c. 4.*

**D** Iua, soror Phœbi, solitos emensa labores,  
Oceani niueum merserat amne caput.  
Surgentem MONICE terris quam vidit  
Eois;

Occidere Hesperijs hanc quoq<sub>3</sub> vidit aquis.  
Quid faceret, quæris? rorabat perpete venâ  
Et spondam, & thalami plumea strata sui.  
Stragula stillabant, madidis ceu carbasa vêtis:  
Visaq<sub>3</sub> de molli balnea facta toro.  
Tot lacrymas generabat Amor; quis credere  
posset

Hunc fontem tantis luctibus esse Deum?  
Dum roseas Aurora fores pulcherrima pandit;  
Et sua caelesti purpurat ora croco:  
Aspersit tandem facilis, multumq<sub>3</sub> petitus  
Fessa, papauereo, lumina rore Deus.  
Iamq<sub>3</sub> quiescebant mœstæ suspiria Matris:  
Mens tamen ad luctus visa redire suos.  
Vt redit ad Musas Vates, ad pralia miles;  
Cum posuere leui membra leuanda toro.

Hic

42 FLAMMVLÆ AMORIS

*Hic pinxit varijs nox praeceps somnia formis,  
Sensa animi mirâ pingere sueta manu.  
Non thalamo quales vidisti calibe formas  
Laodamia, oculis arida facta tuis.*

*Qualia vidit amans simulacra miserrima  
Dido,*

*Demirata Phrygis verba, oculosq; viri.*

*PRODIGVS heredes effrons deposcere gazas  
Visus, & à patriâ perditus ire domo.*

*Ibat euans alacri Iuuenum stipante cateruâ,  
Alterius longas orbis ad vsq; plagas.*

*Iamq; in lustra ruit ambas perpotus ad aures:  
Lux Baccho, Veneri seruit amica quies.*

*Perge scelus, perge! es, bibe; rem disperde, ne-  
potum*

*Gurges, & abdomen tendè, retende tuum.*

*Pergracare, rosas inter, mollesq; choreas;*

*Exsugat nummos vilis amica tuos:*

*Atria tinge mero, centenaq; basia iunge,*

*Implicitet intonsas myrtus amœna comas;*

*Delicijs iàm finis erit: vilissima ventrem*

*Pabula, iàm coget poscere, dira fames.*

*Scilicet hæc primi dederunt elementa magistri?*

*Hæc pater à teneris vnguibus ipse dedit?*

*Infelix pater, an tu non magè perditus? ô! si*

*Ante oculos subeat fabula tota tuos.*

*Hinc*



Hinc Venus, indè Ceres, emunctum diuite zonâ,  
 Et nudum, nigro fornice, lena trahit.  
 Mox stimulante fame duras quatit ilice  
 glandes;

Et suis indignos quæritat esse cibos.  
 Ah! vbi myrrhato carchesia plena Lyæo;  
 Ostreaq; ignoto quatibi lata mari?  
 Mollis vbi prurigo Cupidinis? oscula mille?  
 Mille ioci? innumeris conscia luna probris?  
 Hæc varijs MONICÆ remeabant somnia for-  
 mis:

Et verè ante oculos fabula visa geri.  
 Iam videt æstiuus torreri solibus ora:  
 Contracta hiberno iam Ioue membra quati.  
 Nunc fortunatos (ô! coelum, ô! aquora) alūnos  
 Faucibus impastis dicere sæpè suos.  
 Tandem post dubios sedet hæc sententia fluctus:  
 Se patris in medium præcipitare sinum.  
 O! Pater (vndâbant gemini, quasi flumina,  
 riui)

O! Pater (elinguis vinxerat ora stupor)  
 Erratum est Pater: ah! quod me vesania; quod  
 me

Impulit, heu! caco caca iuuenta pede.  
 Quod ruis? amplecti tu me? fuge stringere labris  
 Ora probrosa, genis ora nefasta tuis.

His

44 FLAMMVLÆ AMORIS

*His subitò MONICE monst̃ris exterrita: Natus,  
Natus adest, (clamat) hei! mihi Nate re-  
dis?*

*Mille, & mille tuis infigam basia labris;  
Mille & mille oculis basia, mille genis.  
Semisopita suos vbi tandem soluit ocellos:  
Vmbra, & fumos hac simulacra videt.  
Credebat verè hac tabulâ sibi Morphea som-  
num,  
Prolem, eiuratis, exhibuisse probris.  
Nec vanus tibi Zeuxis erat, sanctiſſima Mater:  
Lac non sic lacti quadrat, vt illa tibi.*

*Circumstrepebat me vndique sartago  
flagitiosorum amorum. 3. Confess.  
cap. I.*

*A Spicis vt fluidæ repant cita tempora vitæ;  
Et celer, effrenis passibus, annus eat?  
Hora diem trudit, noctem lux altera pellit:  
Nec tibi lapsa dies, nec leuis hora redit.  
Quid facis hîc, primæ dùm ver geniale iu-  
uentæ  
Mille rosas reliquis, dùm ioca mille parit?  
Vade Cytheræ per amana rosaria Diuæ:  
Est locus, ætatem qui decet ille, tuam.*

*Vecti-*



*Vestigal pendunt iuuehesq̃, senesq̃ Diônæ;  
 A tanto solus tu, grege, liber eris?  
 Mollia florenti flarescant tempora myrto:  
 Et Paphies toto pectore numen ama.  
 Debita turba sumus tantæ, mihi crede, Pa-  
 renti:  
 Et regit hæc iuuenes, & regit illa senes.  
 Quis, nisi mentis inops, primo non rideat ævo,  
 Et carpat celerem, dum valet, vngue ro-  
 sam?  
 Ipsi, quos verita est longis Stoa docta capillis,  
 Dicuntur Puero cella dedisse Deo.  
 Sic mortale genus multos durauit ad annos:  
 Talia si demas gaudia, terra perit.*

FAMES MIHI ERAT INTVS, AB  
 INTERIORI CIBO TEIPSO  
 DEVS MEVS. S. August. 3. Confess.  
 cap. I.

**D**Efluxi abste ego, & erravi, DEVS  
 MEVS, nimis deuius à ciuitate tuâ  
 in adolescentiâ, & factus sum mihi regio  
 egestatis. 2. Confess. cap.

Fames mihi erat intus ab interiori  
 cibo

ciboteipso DEVS MEVS, & eâ fame non esuriebam, sed eram sine desiderio alimentorum incorruptibilium, non quia plenus eis eram, sed quô inanior, eô fastidiosior. 3. *Conf. c. 1.*

Longè peregrinabar abs te, exclusus & à filiquis porcorum, quos de filiquis pascebam. 3. *Conf. c. 6.*

Itaque mihi non ad vsum, sed ad perniciem valebat, quia tam bonam partem substantiæ meæ sategi habere in potestate, & profectus sum abs te in longinquam regionem, vt eam dissiparem in meretricias cupiditates. 4. *Conf. cap. 16.*

Lacrymas excutit gaudium solemnitatis domus tuæ, cum legitur in domo tuâ de minore filio, quoniam mortuus erat, & reuixit, perierat, & inuentus est. 8. *Conf. c. 3.*

Longè à vultu tuo ieram in affectu tenebroso. Non enim pedibus, & spacijs locorum itur abs te, aut reditur ad te. Aut verò filius ille tuus minor equos, aut currus,

rus, vel naues quæsiuit, aut auolauit pennâ visibili, aut moto poplite iter egit, vt in longinquâ regione viuens prodigè dissiparet, quod dederas proficiscenti? Dulcis PATER, quia dederas, & egeno redeunti dulcior. 1. *Confess. c. 18.*

Esuriens cepi quærere te, ne deserar ieiunus à te. Famelicus accessi, ne recedam ieiunus. Pauper veni ad diuitem, miser ad misericordem, ne recedam vacuus & contemptus. *Man. c. 31.*



Quam-





*Quamdiu? Quamdiu? Quare non hac hora  
finis tuæ pituitudinis meæ? S. Aug. 8. Conf. c. 12.*

## V I I.

Quamdiu? Quamdiu? Quare non hæc  
 horâ finis turpitudinis meæ? Lib. 8.  
 Confess. c. 12.

**C**ompedibus semper stringemur: aen ea collo-  
 Mancipiū infelix, vincula semper ages?  
 Non vnquàm cadet hoc miseris velamen  
 ocellis?

Non vnquàm rutilum prendere posse diem?  
 Me miserum! quantis agitor, versorq; procellis:  
Quod volo, mox nolo; quod fugit, ipse sequor.  
 Corda catenat Amor, tumida vs Palladis ora  
 Strangulat, & fatis blandior vsq; meis.

Crastina blanda Venus semper mihi tempora  
 spondet:

Crastina sed forsân tempora nulla dabit.  
 Quæ nos segnities igitur tam sera moratur?  
 Naufragus in medijs quid malè iactor æ-  
 quis?

Lux vbi curta semel cadet, eheu! crastina nus-  
quàm

Tempora, non vllus surget in orbe dies.

Ergo meo quæ finis erit, quæ meta furori?

Si me quæ perimunt, sic mihi tela placent?

C

Aspidis



50 FLAMMVLÆ AMORIS

*Aspidis exsugo (& sapit hoc) furiale venenum:  
 Et quæ dat Colchis toxica, vina reor.  
 Aestus, & vnda, quies animo sunt: ipsa vorago  
 Iàm mihi delicia, iàm mihi fluctus, amor.  
 Ah! quæ nascenti torquistis stamina Parca:  
 Omina non alba quæ cecinistis aues?  
 Ut mihi sic misero fortuna tenaciter instet;  
 Et premat hoc semper dira procella caput?  
 Posse Deos credam tantis gaudere ruinis;  
 Concedam tantis se recreare malis?  
 Haud ita: nam magno terras molimine curat;  
 De Superis aliter credere grande nefas.  
 Has ergò tenebras, hanc nubem soluite magni  
 Calicula, & pedibus stricta metalla meis.  
 Thebano nunquid sors hæc magè dura tyrāno?  
 Cui tamen inferior crimine vita mea est.  
 Ille, feras inter, noctem tolerauit acerbam,  
 Auulsis rabido fortiter vngue fibris:  
 Sorte pari damnor, nec cali cernere lumen,  
 Nec minimâ possum parte videre diem.  
 Et quasi sit nostris istum læ casibus; ecce  
 Stricta grauant collū vincula, stricta pedes.  
 At facite, ut possim tandem compage solutâ,  
 Ad vos assertas tollere ritè manus.  
 Et tauro rigidus quondam iuga demit arator:  
 Duraq; defessis frena reponit equis.*

Turpi-



Turpiter exacto melioris temporis aeo  
 Militia repetam pristina signa mea?  
 Et repetam victus madidam gladiator arenā?  
 Et repetet saevas naufraga puppis aquas?  
 Hoc DEVS alme veta, supplex te deprecor, & me  
 Tolle neci, merito ne peream ipse meo.  
 Infames niueo furias absolue lapillo:  
 Nec nigra me damnet Iudicis vrna reum.  
 Suspirabam ligatus non ferro alieno, sed  
 meâ ferreâ voluntate. Lib. 8. Conf. c. 5.

**M** Anè erat, & verno recreauerat vbere terrā  
 Pubentes lactans, Lutea Diua, rosas.  
 Nunquàm hilares adeò credam prodijſſe sub  
 auras:

Nunquàm adeò pingui nube pluiffe merum?  
 Pandebat cunctos, quia ver erat, aurea Mater  
 Thesauros, & opes luxuriosa suas.  
 Naiades hîc agitâre choros, viridesq; Napæ,  
 Arboreæ subter frondea tecta comæ.  
 Ipse nouas ather visus ductare choreas:  
 Et terra insuētam carpere visa facem.  
 Ast PVER infelix, pesti deuotus acerbae,  
 Has Veneres animo turbidiorè videt.  
 Insomni egrediens thalamo suspiria ductat;  
 Et læuum educens, sternuit ore, pedem.

12 FLAMMULÆ AMORIS

Sponte ( quis hoc vidit ? ) torrens currebat  
aquarum:

Qualiter hiberno, per sata, Sole fluunt.

Mens erat ingentes solari Pallade motus:

Diua sacerdotem fugerat alma suum.

Siue leues vellet numeros, seu grandia Suâda

Munia, Pieriam Diua negabat opem.

Iratus lacerat pluteum, laceratq; papyrum,

Et nigris oleum deuouet omne locis.

Mæstus adit pictos millenis floribus hortos;

Quos puro nutrit purior vnda vitro.

Quò properas? feret aura tuos leuis ista dolo-  
res;

Et furias animi gemmea prata tui?

An fugiet regnans torto Metarcea flagello,

Dulcis vbi liquidas Flora profundet opes?

Nil agis, augebis cupiens sedare furorem;

Quò magè te motas, hoc magè flâma calet.

Fortè loco ramis residens frondentibus isto,

Attica, caelesti voce, canebat auis.

Nunc flexū, nunc acre sonans, nunc ore pusillo

Cunctos Musarum visa cière modos.

Quas non blanditias Eōis ebria guttis,

Quas non mollities, ô lyra viua, dabas?

Hanc IUVENIS patulâ nixus, dū suspicit, orno,

Quàm melior, clamat, sors tua sorte meâ est.

Sors



*Sors nimium dispar, ô cali lumen Aëdon:*

*Me miserum, lepidam te tua fata iubent.*

*Depromis tremulo mellitas gutture voces;*

*Aeternum gemitus dum madido ore traho.*

*Rides, & dio celebras tua gaudia plectro:*

*More niuis lacrymas sole madentis ago.*

*O! Pandionia ter felix gloria gentis*

*Quàm (miserum!) melior sors tua, sorte  
meâ est.*

*Viue diu, Dryas ipsa lares tibi grata ministrat:*

*Terra dapes, fontes depluit æthra suos.*

*Aurite properant per tesqua, per inuia Nym-  
phæ;*

*Nec possunt saturis auribus ire domum.*

*Crescit amor cantus, plus est audire voluptas:*

*Nec saties magnas accipit vlla Deas.*

*Te resonante, leui quoties pede gramina pub-  
sant;*

*Et varios ductant, per nemus omne, choros.*

*Viue diu; non te Mauortius excitat horror;*

*Non scelerata ferus clangor ad arma vocat.*

*Non agitat te cura, catenatiq; furores;*

*Quàm (miserum!) melior sors tua, sorte  
meâ est.*

*Seu cadat Hesperijs, seu surgat Phœbus Eois;*

*Virumq; arguto pectine tempus agis.*



Nos verò iunctis suspiria ducimus vndis;  
*Singultim necat*, heu! nos sine fine dolor.  
*Viue diu, tuus omnis ager, nemus omne; sereni*  
*Carminis hoc semper dulce minerval habes.*

QVAMDIU? QVAMDIU? QVARE  
 NON HAC HORA FINIS TUR-  
 PITVDINIS MEAE? S. August. 8.  
*Confess. c. 12.*

CONsuetudo satiandæ insatiabilis  
 concupiscentiæ me captum excru-  
 ciabat. 6. *Confess. c. 13.*

Æstuabam, suspirabam, flebam, tur-  
 babar, nec requies erat, nec consilium.  
 4. *Conf. c. 7.*

Intuentibus nobis finem, occurre-  
 bant tenebræ, & auersabamur gemen-  
 tes, & dicebamus quamdiu hæc? & hoc  
 crebrò dicebamus, & dicentes non relin-  
 quebamus ea. 6. *Conf. c. 10.*

Cum hæc dicebam, & alternaba nth  
 venti, & impellebant huc, atque illuc cor  
 meum, transibant tempora, & tardabam  
 conuerti ad Dominum DEVM, & diffe-  
 rebam

rebam de die in diem viuere in te, & non  
differebam quotidie in memetipso mori.  
*ibid.*

Dicebam apud me intus, ecce modò  
fiat, modò fiat. Et cum verbo iam ibam in  
placitum; iam pœnè faciebam, & non  
faciebam, nec relabebam tamen in pristi-  
na, sed de proximo stabam, & respira-  
bam. 8. *Conf. c. II.*

Conabar abigere circumuolantem  
turbam immunditiæ ab acie mentis meæ,  
& vix dimota in ictu oculi ecce conglo-  
bata rursus aderat, & irruebat in aspe-  
ctum meum, & obnubilabat eum. 7.  
*Conf. c. I.*

Qui de veniâ peccatorum desperat,  
negat Deum esse misericordem. *Man.  
cap. 23.*

Pereant omnia, & dimittamus hæc  
vana, & inania: vita hæc misera est, mors  
incerta: si subitò obrepat, quomodo hinc  
exibimus? 6. *Conf. cap. 10.*

Quid faciam miser ego, grauedine  
compedis mortalitatis meæ constrictus?  
*Med. c. 37.*





*Tolle lege, tolle lege. S. Aug. 18 Conf. c. 12.*

*Guil. Collaert excud.*



## VIII.

Tolle, lege; Tolle, lege. Lib. 8. confess.  
cap. 12.

**F**ertilis & pomis, & pictis floribus hortus  
Non procul à Ligurum luxuriabat agro.  
Mollis ubi innumeros Zephyrus spirabat odores;  
Efflabat tennes aura marita rosas.

Delicias superabat ager; genialiter illic  
Nam natura suas fuderat vber opes.

Hic PATRITIADES comitatus Achate ge-  
mebat;

Imbre per humentes usq; fluente genas.

Quis modus, ô, Superi, nostris quæ meta pro-  
cellis?

An sine fine licet, quod sine fine nocet?

Cras; heu! cras quoties, nec adhuc cras emicat  
vllum;

Quò mihi cras istud, quò glaciale riget?

Memnonios toties thalamos, & plena rosarum

Atria, puniceo pandit Eòus equo,

Et cras istud abest; toties rota lucida Solis

Adfuit, & mihi cras non vehit illa meum.

Ergone perpetuâ noctis mœrebitur umbrâ,

Crastina blanditijs dum venit hora meis?

Vsq<sub>3</sub> adedne meæ fallax dabo verba saluti;  
 Quæq<sub>3</sub> iacet longè spes mihi semper erit?  
 Vmbroso patula recubans sub tegmine fici,  
 Edebat tales tristior ille sonos.  
 Hæc manalis erāt lapis; vndiq<sub>3</sub>, & vndiq<sub>3</sub> guttas  
 Elicit , & largo proluit imbres solum.  
 Enumera segetes Libyæ , baccasq<sub>3</sub> Venafri,  
 Quot Tmolus botros, quot parit Hybla fauos,  
 Et quot aues motis percurrant aëra pennis,  
 Quanta maris findat cerula turba vias;  
 Nec numerabis adhuc lacrymas , quas pectore  
 fudit,  
 Vt grauida æstiuis nubibus vnda cadit.  
 Fixus humi , muto similis , quasi carcere passo,  
 Currebant oculis flumina bina suis.  
 Dixisses plusquàm materno funere tristem:  
 Si non hic scelerum lugubre funus erat.  
 O! quoties gemitus , quoties suspiria rupit;  
 Ficulnasq<sub>3</sub> fidit voxq<sub>3</sub>, iecurq<sub>3</sub> comas.  
 O! quoties Dryades singultibus implorâre:  
 Miscuit & gemitus garrula Diua suos.  
 Et numerò vox lapsa domo disuerberat aures  
 (Aethereo si non vox ea lapsa polo)  
 Tolle lege, (exâguis voluit sua lumina circū)  
 Et liquidò inclamat altera, Tolle lege.  
 Obstupuit, steterunt gemitus, lacrymaq<sub>3</sub> cadētes;  
 Nescius hanc Suâdam ferre salutis opem.

*Heret, an hæc blanda trivialia carmina pupæ,*

*Heret an hæc pueri ludicra fortè canant.*

*Nec videt hæc pueros, nec promere carmina  
pupas;*

*Arcanum sed inest, hîc mihi numen, ait.*

*Fortè sacros Superi mandant referare libellos;*

*Et mandant, certè verba iubentis erant.*

*Continuò currit, legit; & mirabile dictu*

*Obuia sunt animo calica sensa suo.*

*Quanta tuæ sunt, MAGNE DEVS, miracula  
dextra:*

*Momentò tabulas cepit, & alter abit.*

TV NON POTERIS, QVOD ISTI,  
ET ISTÆ? Lib. 8. confess. cap. II.

**Q**uid vecors dubitas? quid huc, & illuc  
Aeger consiliij labas, ruisq?

Nunc libet, modò quod libet relinquis,

Vertumno magè mobilis marino,

Et magis folijs levis caducis.

An pedem trahit, auocatq? sensus

Vallis sanguine quod cruenta mu'to,

Quod rotæ, gladij, cruces, & hæstæ hîc

Cadmeis quasi pullulent in agris?

Nugæ: Nam violæq? fl. sculiq?



## 60 FLAMMVLÆ AMORIS

Puri, virginei, tenelluliq;  
 Et quidquid Charis elegantiarum,  
 Et quod Flora parit suauitatum  
 In hoc, quod trepidas, virent vireto,  
 Istis, quæ fugis, emicant in agris.  
 Aude: quid ruis, & timore torpes,  
 Despondesq; animum, euolasq; retrò?  
 An tu non poteris quod isti, & ista?  
 Quod possunt tremuli senes, anusq;  
 Matronæ, pueriq; Virginesq;  
 Excors ô nimis, & magis columbâ,  
 Et ceruo magè palpitans, & agno,  
 Si quod matris ab vbere & puella,  
 Et cunis pueri queunt ab ipsis,  
 Tu recto, & solido virore firmus,  
 Hoc, celo auspice, posse te negabis.  
 Tantùm aude, & posito timore perge.  
 Sursum te videt, & vocat Brabeutes,  
 Parans laureolam, paransq; multis  
 Aurum tortile, lucidumq; gemmis.  
 Ausculta Genio, & Deo vocanti;  
 Mox rotas, gladios, cruces, & hastas,  
 Quæ frangunt animum, videbis esse  
 Rosæ, & violâ, croco, atq; myrrhâ,  
 Et dulci magè delicata nardo.  
 Hec docto modulans sonabat ore

Casto,

*Casto, quæ Dea, castior columbo,  
Lilio quoq; purior nivoso.*

TOLLE LEGE, TOLLE LEGE,

&

TV NON POTERIS QVOD ISTI.  
ET ISTAE?

*S. Aug. 8. Conf. c. 11. & 12.*

**D**Electatus morbo carnis, & mortife-  
râ suauitate, trahebam catenam  
meam solui timens. 6. *Confess. c. 12.*

Et pondus hoc consuetudo carnalis. 7.  
*cap. 17.*

Iam, iamque attingebam, nec tene-  
bam; & non ibi eram, nec attingebam,  
nec tenebam, hæsitans mori morti, & vi-  
tæ viuere: plusque in me valebat dete-  
rius inolitum, quam melius insolitum.  
8. *Confess. c. 11.*

Ego sub quadam fici arbore strauī, &  
dimisi habenas lacrymis, & proruperunt  
flumina oculorum meorum. Et ecce au-  
dio vocem de vicinâ domo cum cantu  
dicentis, & crebrò repetentis, quasi pue-  
ri,

ii, an puellæ nescio, TOLLE, LEGE; TOLLE  
LEGE. Repressoque impetu lacrymarum  
surrexi, nihil aliud interpretans, nisi di-  
uinitus, vt aperirem codicem. Arripui,  
aperui, & legi, Rom. 13. *Non in comessatio-  
nibus, & ebrietatibus; non in cubilibus, & im-  
pudicijs; non in contentione & emulatione,  
sed induimini Dominum IESVM CHRISTVM.*  
8. *Confess. cap. 12.*

Aperiebatur etiam casta dignitas Con-  
tinentiæ honestè blandiens, vt venirem,  
neque dubitarem. Et irridebat me irri-  
sione exhortatoriâ quasi diceret, Tu non  
poteris quod isti, & istæ? An verò isti, &  
istæ in semetipsis possunt, ac non in Do-  
mino DEO suo? Quid in te stas, & non  
stas? Projice te securus, non se subtrahet  
vt cadas. 8. *Confess. c. 11.*

Ego iam abrupi me ab illâ spe nostrâ,  
& DEO seruire statui, & hoc ex hac horâ,  
in hoc loco aggredior. 8. *Confess. c. 6.*

Non enim erat quod tibi responde-  
rem,



rem , nisi tantum verba lenta , & somno-  
lenta , modò , ecce modò , sine paululum :  
sed modò , & modò non habebant mo-  
dum , & sine paululum , ibat in longum.

8. Confess. c. 5.



Fames



*Rapiunt indocti Caelū, et nos cū doctrinis nostris  
vbi volutamur? in carne et sanguine. S. Aug. 8. Conf. c. 8.*

*Guil. Collaert excud.*

## I X.

Rapiunt indocti cælum, & nos cum doctrinis nostris ubi volutamur? in carne, & sanguine. *Lib. 8. Conf. c. 8.*

**N**Octes, atq; dies Gnidio torpemus in antro  
 Et placet in Gnidio segniter esse luto.  
 Opprimit, & penetrat viuis mea corda sagittis  
 Igneus ille Puer, lethifer ille Deus,  
 Nec volo discedant ferales pectore flammæ;  
 Nec volo discedat quod mihi virus obest.  
 Interea magnis ascendunt passibus astra,  
 Quæis duxi in toto vilius orbe nihil.  
 Astra giganteo Pygmaeos scandere passu,  
 Et superas specto vi reserare fores.  
 Et pleno spargunt nobis conuicia plaustro;  
 Hæc est Palladio nectare plena cohors.  
 Pallade digna cohors, clamant, quæ Cypridos  
 aris  
 Sacra facit, Baccho turpia sacra Deo.  
 Quid Phœbum coluisse iuuat? quid tempore  
 multo  
 Vos sacris prodest inuigilasse choris?

Atlan-



*Atlantas pueri praeunt, ô ! mascula corda ;  
 O ! Phryges, ô Paphia turba ministra Deae.  
 Dicite quæ Circe vestros emasculat artus ?*

*An quia prægredimur, vos pudet ire viam ?  
 His alacres nos explodunt, agitantq; cauillis ;  
 Et quia præcedunt, ista licere putant.  
 Recordes edere quid me fouistis inertem ;*

*Si studio sunt hæc accipienda meo ?  
 Nocturnis ideo volui pallefcere chartis,  
 Aonias studio sollicitare Deas ;  
 Ut sordes inter ducam miserabilis æuum ?*

*In medijs vt me mens mea mergat aquis ?  
 Haud equidem credent, sed res certissima,  
 mentis*

*Dadala vis, nostrum perdidit ipsa caput.  
 Sic onerata nimis, nimis acta ferentibus Euris  
 Obruitur medio sæpè carina mari.*

*Sic domus, & turris pluuiò quæ vapulat Austro  
 Mole suâ, & nimio pondere pressa ruunt.*

*Ter decies messor Cereri libauit aristas ;  
 Cornigeroq; dedit dulcia musta Deo,  
 Quo Paphijs ( quis enim nescit ? ) malè milito  
 castris :*

*Et signis mereo foeda Volupta tuis.  
 Ah ! oculo quoties turbauit Lesbia pectus :  
 Incendit flammis salsa Corinna suis.*

*Nunc*

Nunc aderat mirâ laqueatis arte capillis;  
 Nunc aderat pictis vafra, salaxq<sub>3</sub> genis.  
 Quid facimus? non sunt sincera hæc gaudia,  
 dixi

Ille suis malè nos perdet, & illa bonis.  
 Spurcities tamen hæc placuit, nec posse puta-  
 bam

Viuerè, fœda Venus sordibus absq<sub>3</sub> tuis.  
 O! pudor amplecti, quasi dulcia cinnama,  
 cœnum,  
 Et siliquis animum pascere, corda luto.

Volutabar in cœno platearum Babylo-  
 niæ, tanquam in cinnamomis, & vn-  
 guentis pretiosis. Confess. lib. 2. c. 3.

**P**Hœbe caput celi, radio qui præpete spectas  
 Oceanum, totam qui vagus ambit hu-  
 mum;

Dic mihi, flammiferâ vidisti lampade, plura  
 Vnquam nequitijis, & grauiora meis?  
 Ianua laxata est vitijis, quo tempore liqui  
 Lacteolas matris paruus ephēbus aquas.  
 Enumerem vetitâ demptos ex arbore fœtus?  
 Vt Pomōna tuas depopulabar opes?



*An Graia referam dictêria iacta Minerua;  
Maonias suetum rodere dente Deas?*

*An ferula extendisse manum poscente magistro?  
Pinxerit vt teneram plurima sylua cutem?  
Quod pila plus animo saperet, quam Pallas; &  
ipse,*

*Qui leuis inflicto verberare, turbo volat?  
Hæc elementa meis sunt prima furoribus, illo  
Crenit, & aucta fuit mens animata modo.  
Et quamuis exosa, tamen quia vera fatebor:  
Et fiam mundo nunc quoq; teste reus.  
Audiet & Medum tostus qui potat Hydasspen;  
Et qui Caucaseâ sub niue torpet iners.  
Nec fuerit vulgare pudor; pudor exulet à te,  
Qui commissa doles, qui cupis esse pius.  
Prô! quoties finxi, parerent quæ facta rubo-  
rem:*

*Et mens in fraudes ingeniosa fuit.  
De vitij certamen erat; palmam ille tenebat,  
Cui minimum sancti cura pudoris erat.  
Hæc erat in nostro lis acriter acta senatu,  
(Sit mihi narranti talia, vera fides)  
Flagitijs qui polleret grauioribus, illam  
Ocius emerito tollere in astra sono.  
Dij Superi! quantâ caligine voluimur: altâ,  
Vt primæ ætatis tempora, nocte iacent.*

*Nil*



Nil mihi ridebat nisi Thisbe, & Pyramus : &  
 quæ

Nasonis docto Musa calore crepat.

Nunc Phaëtontæos mirabar perditus axes;

Et valuisse patris poscere Solis equos

Magnanimum duxi; placuere pericula tanta.

Et mihi tam miserâ sorte beatus erat.

Icarij visa est generosa audacia cursus :

Ceruleis etsi merferit ora vadis.

Testes Pegasides, quondâ mea numina, mentem

Vt rapuit Siren Virgiliana meam.

Sic incendebat gratâ dulcedine sensus;

Ebria ut hoc dio nectare penna foret.

Sæpe meis ibat lacrymarum pontus ocellis,

Cum legerem Didus fata cruenta sua.

Hospitis ingrati non exorabile pectus

Deuoui, & properâ quod trabe fecit iter.

Versabam tener alterius pro funere fontes :

Nec mihi, iam casso lumine, mæror erat.

RAPIVNT INDOCTI COELVM, ET  
 NOS CVM DOCTRINIS NOSTRIS  
 VBI VOLVTAMVR? IN CARNE  
 ET SANGVINE. *S. August. 8. Con-  
 fess. cap. 8.*

**Q**Vomodò ardebam DEVS MEVS, quo-  
 modò ardebam reuolare à terrenis  
 ad te, & nesciebam quid ageres me-  
 cum 3. *Confess. c. 4.*

Iàm mortua erat adolescentia mea  
 mala, & nefanda, & ibam in iuuentu-  
 tem, quantò ætate maior, tantò vani-  
 tate turpior. 7. *Confess. c. 1.*

Fremebam spiritu indignans turbu-  
 lentissimâ indignatione, quod non irem  
 in placitum, & pactum tecum, DEVS  
 MEVS. *ibidem.*

Væ, væ tenebris meis in quibus ia-  
 cui! Væ, væ cæcitari illi, in quâ videre  
 non poteram lumen cæli! Væ, væ præ-  
 teritæ ignorantiaæ meæ, quando non co-  
 gnoscebam te Domine. *Sol. c. 33.*

F I N I S

Ecce

# Liber Secundus.





*Ecce Cor meum Deus, ecce Cor meum quod  
miseratus es in imo abyssi. S. Aug. 2. Conf. c. 4.*

*Guil. Collaert excud.*

## X.

Ecce cor meum DEVS, Ecce cor meum  
quod miseratus es in imo abyssi. *S. Aug.*  
*Conf. lib. 2. c. 4.*

**T**Andem proripui limoso gurgite, tandem  
Absoluit miseros arcta catasta pedes.  
O! utinàm ( quid enim non deprecet? ) im-  
pia letho

Vincula venissent ferius illa meo.  
Quantum mœroris properatâ morte perisset;  
Dempta forent oculis, flumina quanta, meis.  
Tunc poteram cum laude mori benè; quæ mi-  
hi Parca

Posteà deduxit stamina, culpa fuit.  
Sed benè consuluit nostro Metanœa labori;  
Cruribus exiliit crimen, onusq<sub>3</sub> meis.  
Afferuit iam se mea mens, iam compede fra-  
ctâ

Cor abit, & rectâ tendit in astra viâ.  
Quis memoret tua dona Deus? retinebar abyssi  
Faucibus, en fracto carcere liber eo.  
Et quæ dulce fuit quondàm mihi vincula ferre,  
Iam pudet, & grauitè ista tulisse nocet.  
Ocius ergo Dÿs grates pro munere tanto  
Redde, noui nî vis criminis esse reus.

D

Sed



74 FLAMMVLÆ AMORIS

*Sed quæ casa sacros nunc imbuet hostia cultros?  
 Obruit, heu! cunctas, tã graue munus, opes.  
 An dabis Eöas, pretiosa peculia, gemmas?  
 An dabis admixto nardina multa croco?  
 Hæc si fortè Deo dare vis, quidnam dabis? vno  
 Omnia nam nutu condidit illa suo.  
 Quod viuus, quod sis liber, quod faucibus Orci  
 Ereptus, ploras vincula, id omne suum est.  
 Magdala gēmato lacrymantia balsama nimbo  
 Ad Domini nudos, obtulit vda, pedes.  
 Abrâmus voluit, calo monstrante, paternas.  
 Vnigenæ iugulo commaculare manus.  
 O! Superi, ô! sparsus nostro si sanguine cespes  
 Cælesti gratum fumet arôma choro.  
 Si per frustra chalybs, si me malè deuoret ignis;  
 Et magno moriar victima sacra Deo.  
 Sed quid agis? quò te mentis vagus arripit æstus?  
 Dona cor, gratus si cupis esse Deo.  
 Cor petit, ô! felix partem hanc qui destinat  
 astris:  
 Quam sursùm telo præpete mittit Amor.*



Serò te amaui pulchritudo tam anti-  
qua, & tam noua, serò te amaui.  
*S. August. Lib. 10. Confess. c. 8.*

**F**OECundo matura seges velut ardet in agro,  
Dum Cereale coquit Sirius igne solum :  
AETnaus veluti torret ( si credere fas est  
Vatibus ) Enceladi corpora vasta rogos ;  
Torrui AVRELI sic enthea flamma medullas :  
Et propè, præ nimio, mortuus igne fuit.  
Vix benè gustarat quid Amor, nouus aduena,  
posset :

Cum totum in flammis illicò pectus ÿt,  
Vt verò se vis animi, feruorq, remisit ;  
Mens quoties tales est iaculata faces.  
Serò nimis, mea Vita, tuis ebullio flammis ;  
Figo tuis plantis oscula serò nimis.  
Heu ! pereo, quia te perij sine, te sine vixi :  
Damna voluptatis quàm pretiosa mea.  
Has ego delicias ( geminos siccabat ocellos )  
Contempsisti ? his potui stultus abesse bonis ?  
Quis credet ? quis non dementem dicet, &  
istam

Damnabit risu tempus in omne moram ?  
Hoc est quod nostras pungit, cruciatq, medullas :  
Hæ mihi iam tristes sunt in amore moræ.

76 -FLAMMVLÆ AMORIS

*Ite oculi, vitreis fontes effundite claustris;  
Ite, mei fontes signa doloris erunt.*

*Segnities ô! amara meis, ô! acerba medullis:  
Segnities tantis inuidiosa bonis.*

*Hac PATER eximio flagrans ardore gemebat;  
Vt gemit occiso casta columba viro.*

*Siue diem Titan pandat, seu Cynthia noctem;  
Nox erat vda, & erat fletibus vda dies.*

*Plorabat sine fine sacræ dispendia flammæ:  
Nec lacrymis requies, nec mora visa fuit.*

*Non semel hos feruore nouo quasi perditus, atq;  
Languidus igne pios protulit ore sonos.*

*Ergò ego te tandem video, ô pulcherrime rerû?  
An fallit vultus vmbra cupita meos?*

*Ergò ego te video, & teneo, ô flos aureus orbis;  
Et licet æthereo molliter ore frui?*

*O! Superi, tun' noster eris, tun' basia nobis?  
(Cor trepidat, languent viscera, labra silent)*

*Et tu noster eris mea Lux, mea Vita? placetq;  
Immundos huius cordis adire lares?*

*Depuber si te, mea sera, at magna voluptas  
Vidissem, quos non res daret ista iocos.*

*Si saltem, si te nosses maturior atas:  
Duxisset niueam quàm mihi Parca colum.*

*Sed damnum reparabit Amor, duplicabitur ardor;  
Iuro fidereas, per tua tela, faces,*

Serò

*Serò licet , mea Vita , tuis ebullio flammis ,  
Iacturam ardenti fœnore restituam.*

ECCE COR MEVM DEVS, ECCE  
COR MEVM, QVOD MISERATVS  
ES IN IMO ABYSSI. S. Augustin.  
2. Confess. c. 4.

**D**iligam te Domine , & gratias agam,  
& confitear nomini tuo , quoniam  
tanta dimisisti mihi mala , & nefaria o-  
pera mea. Gratia tua deputo , & mise-  
ricordia tua quod peccata mea tan-  
quam glaciem soluisti. 2. Conf. c. 7.

Quis vnquam, bone IESV, de tuâ mi-  
sericordiâ diffidat, qui cum inimici tui  
essemus, redemisti nos in sanguine tuo,  
& reconciliasti nos Deo? Med. c. 39.

O Domine, ego seruus tuus, ego ser-  
uus tuus, & filius ancillæ tuæ. Dirupisti  
vincula mea, tibi sacrificabo hostiam  
laudis. Laudet te cor meum, & lingua  
mea, & omnia ossa mea 9. Confess. c. 1.



Nunc tibi inhæreat anima mea, quam de visco tam tenaci mortis exuisti. *6. Confess. c. 6.*

Ego peccaui, tu me visitasti, ego cecidi, tu me erexisti; ego ignoravi, tu me docuisti; ego non vidi, tu me illuminasti. *Sol. c. 6.*

Totus spiritus, totum cor, totum corpus, tota vita mea viuat tibi, vita mea dulcis; quoniam totum me liberaisti, vt totum me possideres; totum me refecisti, vt totum me rehaberes. *Sol. c. 18.*

Dissolue me à vinculis quibus constrictus teneor, vt relinquens omnia ista, tibi seruiam, tibi soli inhæream, tibi soli intendam. *Man. c. 5.*

Et nunc eruis de hoc immanissimo profundo, quarentem te animam, & sicientem delectationes tuas. *1. Conf. c. 18.*

Tene cor meum manu tuâ, quia sine te ad altiora non rapitur. *Med. c. 37.*

Domine DEVS MEVS, da cordi meo te  
desiderare, desiderando quærere, quæ-  
rendo inuenire, inueniendo amare.  
*Med. c. i.*

Totis medullis cordis, toto visu men-  
tis, rogo te omnipotens Pater, cum di-  
lectissimo filio tuo, teque dulcissima  
proles, cum serenissimo inuoco Para-  
cleto, trahe me post te, curram in odo-  
rem vnguentorum tuorum dulciter.  
*Med. c. 4.*





*Quis accepit manum meam, vt ex tenebris,  
quas amabam me educeret? S. Aug. Sol. l. 37.*

*Guil. Collaert excud.*



## X I.

Quis accepit manum meam, vt ex te-  
nebris, quas amabam, me educeret?  
*S. August. Sol. c. 37.*

**N**on ita Cimmerias fuscatur nox lurida gen-  
tes,

Vnde suos Phœbus semper abegit equos:  
Quàm piceo vixi circumdatus vndiq<sub>3</sub> velo,  
Florida dùm primi tempora veris erant.  
Dirceum tali nunquàm caligine Vatem  
Damnauit, magni nupta, sororq<sub>3</sub> Iouis.  
Nunquàm post geminis auulsos sedibus orbes,  
Tàm fuit vmbra tuis, Oedipe, cæca genis.  
Vah! quoties viridi dùm turpe vagamur in æuo,  
Et regit affectus cæca Libido meos;  
Cernuus impactâ cecidi ceruice ( Voluptas  
Sic erat apta mea duxq<sub>3</sub>, comesq<sub>3</sub> via )  
Et modò me Cypris, modò me prosternit Iacchus,  
Et nata in casus cetera turba meos.  
His septi nebulis primos exegimus annos;  
Lapsi sunt primi fata per ista dies.  
Quæ quoties animo subeunt, tristiorq<sub>3</sub>, gemoq<sub>3</sub>,  
Et lacrymæ, rapidi fluminis instar, eunt.

D S

Nunc

Nunc verò pulsâ scelerum caligine, puri  
 Redduntur nobis, & sine nube dies.  
 Estis, iò, Superi (nec enim me prendere possum,  
 Nec referare meo gaudia tanta sinu)  
 Estis, iò, bis iò; quid enim iucundius vnquàm,  
 Quid possent homini ditius astra dare?  
 Hæc & Erythraeo lux est signanda lapillo;  
 Hæc Cilicū, hæc Arabum munere digna dies.  
 Non ita Troiano gausus Atrida triumpho,  
 Cum Priami celsas, verteret ignis, opes:  
 Non ita post longos terraq̃, mariq̃ labores  
 Intraſti patriam, letus Vlyſſe, domum;  
 Quàm feror, & tantâ rapior dulcedine, quod nec  
 Pingere penna queat, lingua nec ipsa loqui.  
 Tu DEVS hoc, nostris tutamen, & aura periclis,  
 Quô sine iam premeret nox inimica caput,  
 Feciſti, cū me dextrâ, leuâq̃ prehensum  
 Soluiſti, rumpens vincula tetra Stygis.  
 Quæ mihi durabunt imis sine fine medullis;  
 Perpetuumq̃ memor muneris huius ero.  
 Antè tenebroſum Titan reget igneus axem,  
 Et feret auratum pallida Luna diem:  
 Scylla prius placidum præbebit nauibus æquor,  
 Et quæ commiſſas ore retorquet aquas;  
 Quàm ſurdis pietas veletur tanta tenebris;  
 Et meriti fiat gratia cœca tui.

Tribue mihi vt laudet te cor meum, &  
lingua mea, & omnia ossa mea. S. Aug.  
Man. c. 5.

**Q**uæ Musa, Vatum quæ lyra maximûm,  
Dignis valeret carminibus tuas  
Cantare virtutes, potentûm,  
Magne Deorum, hominumq; Rector?  
Non si superbas Mæonius sonet  
Fides Homerus; Callimachi licet,  
Sapphusq; , & Alcæi tenellis  
Metra parent grauiora chordis.  
Tu maior omni principio Pater,  
Et finis expers immemorabilis,  
Rerum nitentûm tu repertor,  
Et stygiÿ domitor tyranni.  
Tu mortis antehâc insuperabiles  
Portas tremendâ vi superans, leuas  
Fractis, triumphator, catenis  
Innumeram super astra turmam.  
Tu caussi vitæ, tu fidei sator,  
Tu fons salatis, quem polus, & mare,  
Et bruta tellus expauescit  
Cuncta supercilio regentem.  
Quod clara fixo cardine machina  
Orbes perennet; proximior suo

Diana



Diana fratri, quòd latentis  
Damna queat reparare vultus;  
Quòd vere primo parturiant agri,  
Nec iàm caducum sustineant onus  
Pomi laborantes, nouoq;  
Prela fluant rubicunda vino;  
Hac sunt stupenda monstra potentie,  
Quâ nostra pastu corpora recreas,  
Immane guttur quâ ferarum  
In medijs reficis cauernis.  
Hac & profestis lucibus, & sacris,  
Vernis reuinctus tempora floribus,  
Altare propter personabo  
Egregio meditatus ore.  
Hac inter agros compositis modis,  
Saltusq; dicam; nec mea Bosphoro  
Nascente cessabit Camœna,  
Nec profugo latitante Phœbo.

QVIS ACCEPIT MANVM MEAM,  
VT EX TENEBRIS, QVAS A-  
MABAM ME EDVCERET? S. Au-  
gust. sol. c. 37.

**T**Aceat laudes tuas, qui miserationes  
tuas non considerat, quæ tibi de me-  
duillis meis confitentur. 6. Conf. c. 7.

Tibi laus, tibi gloria, fons misericor-  
diarum. Ego fiebam miserior, & tu pro-  
pinquior: aderat iamque dextera tua  
ereptura me de cæno, & ablutura, &  
ignorabam. Nec me reuocabat à profun-  
diore voluptatum carnalium gurgite, nisi  
metus mortis, & iudicij futuri tui. 6.  
Conf. c. 16.

Cogitabam hæc, & aderas mihi: sus-  
pirabam, & audiebas me: fluctuabam, &  
gubernabas me. Ibam per viam sæculi  
latam, nec deserebas me. 6. Confess. c. 5.

Nunc ergo video hæc, DOMINE DEVS  
meus, & deficit anima mea in misericor-  
diâ tuâ magnâ, quæ est super me; quo-

niam eripuisti animam meam ex inferno inferiori, & me ad vitā reduxisti. *Sol. c. 18.*

Serò te cognoui, lumen verum, serò te cognoui. Erat autem nubes magna, & tenebrosa ante oculos vanitatis meæ, ita vt videre non possem solem iustitiæ, & lumen veritatis. *Sol. c. 33.*

Confiteantur etiam hanc tibi intimis visceribus animæ meæ miserationes tuæ DEVS MEVS. Tu enim tu omninò, nam quis alius à morte omnis erroris reuocat nos, nisi vita quæ mori nescit? 7. *Conf. c. 6.*

Quoties iàm me absorbuerat ille draco, & tu DOMINE ab ore eius extraxisti me. *Sol. c. 18.*

O lux mentis, ô lucens veritas, ô vera charitas, expelle tenebras de super faciem abyssi mentis meæ, vt videat te intelligendo, vt cognoscat te comprehendendo, vt diligat te cognoscendo. *Sol. c. 1.*

Si quando steti, per te steti: sed quando cecidi, per me cecidi; & semper in luto iacuisssem, nisi tu me erexisses; semper  
cæcus



cæcus fuisset, nisi tu me illuminasses. *Sol. cap. 15.*

DEVS MEVS, cornu salutis meæ, & susceptor mei, ego infelix, ego te irritaui, ego malum coram te feci, furorem tuum prouocaui, iram promerui: peccaui, & passus es; deliqui & adhuc sustines. Si pœniteo, parcis: si reuertor, suscipis; insuper dum differo, præstolaris. *Med. c. 2.*

Tene, & rege spiritum meum, & assume illum secundum voluntatem tuam, vt te duce ascendat in illam regionem vbertatis, vbi pascis Israel in æternum pabulo veritatis. *Med. c. 37.*





*Inebria cor meum sobriâ ebrietate  
amoris tui. S. Aug. Medit. c. 37.*

## X I I.

Inebria cor meum sobriâ ebrietate amoris tui. *S. August. Medit. c. 37.*

**V**ina quæ Cyprijs fluunt papillis,  
 Quæ Puer Deus assatim propinat,  
 Quæ Siren levis, & maligna Circe  
 Cunctis gemmifero exhibent in auro,  
 Non sunt talia vina, sed venena,  
 Sed tristi fel amarius cicutâ,  
 Et si quid magis asperum veneno,  
 Et si quid magis horridum cicutâ.  
 Illis Penelope impudica fiet,  
 Fiet Hippolytus salax Priapus,  
 Et fiet Cato mollior cinædo.  
 Hoc qui non sobrius madet merâco  
 Olet dentibus, & salivâ, & ore,  
 Hirsutis redolet quod hircus alis,  
 Profundæ quod anhelitus carinæ,  
 Quod serpens fera, quod recens olêtum.  
 Has pestes ego deperire possem,  
 Meis sugere virus hoc labellis?  
 Ah! sortis piget, & pudet prioris,  
 Cum turpi scelerum sedens tabernâ

Et



90 FLAMMVLÆ AMORIS

Et mei immemor, & meæ salutis  
 Tales belluo viperas vorabam,  
 Tali me poteram replere vino.  
 Nunc, ô MAGNE DEVS, pluyente gutto,  
 Cor locum scelerum riga meorum,  
 Cor sedem scelerum laua meorum;  
 Et quo fel magis appetiuit istud,  
 Hoc celi magis hauriat liquores,  
 Hoc tuis magis elauetur vndis.  
 Non sic lassa canum sequente turbâ,  
 Fontis cerua sacros anhelat amnes;  
 Vt te noctu animus, diuq<sup>3</sup> quærit,  
 Suspirat, rogat, & meri beati  
 Optat delicias perenniores,  
 Optat plenus onyx micante gemmâ  
 Quas deorsum pluit, eliquatq<sup>3</sup> guttas,  
 Staeten, & casiam, crocum, atque nar-  
 dum.

Quid tibi sum ipse, vt amari te iubeas  
 à me, & nisi faciam irascaris mihi?  
 S. August. Confess. l. i. c. 5.

S Vauielo, ter MAGNE DEVS, mihi sua-  
 uior omni,  
 Mellee mi, dulci dulcior ambrosiâ,

Quod

Quod te (pae tuâ) deludit amabile crimen;  
 An cadit in magnum crimen, amorq; Deū?  
 Tu miserum flammis quia me vehementibus  
 ardes,

Vis animus simili flagret amore meus.  
 Nec modò vis, grandes etiam minitare pro-  
 cellas;

Et spondes iræ fulmina certa tuæ.  
 O animi saties, ô! gaudia cordis, ô! astrum,  
 O ori, IESV, melq;, merumq; meo,  
 Vnde tuam turbo sic vilis homuncio mentem,  
 Ut sine me vix te viuere posse putes?  
 Virginis eximia speciem, moresq; pudicos  
 Insolitis Iacob scimus amâsse modis.

Siue gregem tenui per montes pasceret herbâ,  
 Seu procul occultas quæreret amnis aquas:  
 Ante suos oculos stabat radiantior astro

Et decor, & domina gratia mira suæ.  
 Nunc labra plena rosis, niuei nunc lilia vultus,  
 Nunc Charitum quales fingimus esse pedes,  
 Nunc nullâ positos spectabat lege capillos,  
 Nunc oculorum acres, sed sine felle, sinus.

O quoties patruī reputans periuria dixit,  
 Consta, iàm pretium grande laboris erit.  
 Iam voto potiêre tuo, iàm lactea stringes  
 Colla, premes roseis iàm tua labra labris.

Digna

Digna puella tuis est illa laboribus, & si  
 Plura queas, digna est, & grauiora pati.  
 Dura per arma alij placitas rapuere puellas,  
 Nullius illa tibi caussa doloris erit?

Tales ille suo promebat pectore voces,  
 Dilati solans tadia longa tori.

Et meritò, quid enim Rachele venustius vn-  
 quàm,

Ambobus vidit subdita terra polis?

Me tamen & flagras magis, & magis ignibus  
 istis,

Cùm pice sim nigrâ nigrior, vsq<sub>3</sub> petis.

Ab! vide quid facias; flammâ nimis impare  
 ferues:

Tam malè conformes nos sociaret Amor?

Cùm subit aeterni maiestas Numinis, & me  
 Despicio, horribili frigore membra tremunt.

Tu stellata poli laquearia fulgere mandas;  
 Et magnas Solem deproperare vias.

Turba beata tuis sic vndiq<sub>3</sub> vultibus ardet;  
 Pæstano veluti flosculus ardet agro.

Pascua graminibus vestis, & floribus hortos:  
 Leta Ceres squalet te sine, letus ager.

Me tamen ( vt Pylades furiosum amplexus  
 Orestem )

Amplecti totis viribus vsq<sub>3</sub> petis.



*Pirithous non sic Aegiden sensit amicum:*

*Vt tu sollicitus nosceris esse mei.*

*Quis credat? nisi quod tuus est quasi perditus  
æstro,*

*Et ratione carens, qui nimis exstat, Amor.*

*Si fugiam, commota manus mihi preparat  
ignes:*

*Si faciam, præstò gaudia mille paras.*

*Dispeream nisi te penitis deamauero fibris,*

*O IESV, ô! animi melq<sub>3</sub>, merumq<sub>3</sub> mei.*

INEBRIA COR MEVM SOBRIA  
EBRIETATE AMORIS TVI.

*Med. c. 37.*

**O** Fons vitæ, vena aquarum viuentium, quando veniam ad aquas dulcedinis tuæ de terrâ desertâ, & inuiâ, & inaquosâ, vt videam virtutem tuam, & gloriam tuam, & satiem ex aquis misericordiæ tuæ sitim meam? *Sol. c. 35.*

Quis mihi dabit, vt venias in cor meum, & inebries illud, vt obliuiscar mala mea, & vnum bonum meum amplectar te? *1. Confess. c. 5.*

Quàm

Quàm mira suauitas amoris tui, quo perfruuntur illi, qui nihil præter te diligunt, nihil quærunt, nihil etiam cogitare concupiscunt. *Med. c. 37.*

Inhiabamus ore cordis in superna fluenta fontis tui, fontis vitæ, qui est apud te. 9. *Conf. c. 10.*

Et nunc ecce redeo æstuans, & anhelans ad fontem tuum. Nemo me prohibeat, hunc bibam, & tunc viuam. 12. *Confess. c. 10.*

Pota me torrente voluptatis tuæ, vt nihil iam mundanorum degustare liceat venenatæ dulcedinis. *Med. c. 9.*

Dulcissime, benignissime, desideratissime, pulcherrime infunde, obsecro, multitudinem dulcedinis tuæ, & charitatis tuæ pectori meo; vt nihil terrenum, nihil carnale desiderem, vel cogitem; sed te solum amem, te solum habeam in corde, & in ore meo. *Med. c. 36.*

Descen-

Descendat, DOMINE, descendat precor,  
 descendat in cor meum odor tui suavis-  
 simus, ingrediatur amor tui mellifluus.  
 Veniat mihi tui amoris mira & inenarra-  
 bilis fragrantia, quæ sempiternas in me  
 suscitet concupiscentias, & ex corde meo  
 perducatur venas salientis aquæ in vitam  
 æternam. *Med. c. 35.*

Sicut ergo nulla hora est, vel punctum  
 in omni vitâ meâ, quo tuo beneficio non  
 utar: sic nullum debet esse momentum,  
 quo te non habeam ante oculos in meâ  
 memoriâ, & te non diligam ex omni for-  
 titudine meâ. *Sol. c. 18.*

Verbum tuum DEVS, fons vitæ æter-  
 næ est. 13. *Confess. c. 24.*

Per-





*Percute Domine hanc mentem pia  
cuspidē dilectionis tuæ. S. Aug. Medit. c. 37.*

*Guil. Collaert excud.*

## XIII.

Percute DOMINE hanc mentem pia  
 cuspide dilectionis tuæ. S. August.  
 Med. c. 37.

**I**Esule, fax animæ, mi melleæ pupule, cordis  
 O & delictum suaue, decusq; mei,  
 Igniuomis quamdiu liquefient viscera telis;  
 Incendet nostrum dulcis arundo iecur?  
 Si tibi sum carus, vel da mi melleæ fontem,  
 Vel mea discedat, qui cremat ossa, calor.  
 Tolle manum, faculasq; tuas; moriemur a-  
 mantes?

Et Libitina mei scœnus amoris erit?  
 Exstinguar, quia te noctes suspiro, diesq;  
 Vt gemit ab,entem casta columba torum?  
 Vel tua tela moue, vel me moderantius  
 vrat,

Quæ nimis in nostro pectore flamma viget.  
 Parce precor, ne te subsannent carmine Vates:  
 Nec me materiam lusibus esse velis.

Namq; vbi me densâ nox lugubris opprimeret  
 umbrâ;

Et mors marmoreo claudet auara specu:

E

He



Hæc odiosa meo scribent elementa sepulchro;

Qui iacet hîc, nimio tostus amore perijt.

Hoc pueriq<sub>3</sub>, senesq<sub>3</sub> legent: hoc posthuma no-  
scent

Tempora, ni facias, heu! tibi crimen ero.

Sed quid ago, quò me tandem vis egit a-  
mantem?

Res est extremi plena furoris Amor.

Ah! melius; torre mi flammee pupule, nostri

Delicium cordis, delictumq<sub>3</sub> animi,

Vre, patent mea corda, patent mea viscera, telis

Mens, animusq<sub>3</sub> patet, corq<sub>3</sub>, iecurq<sub>3</sub> tuis.

O! bone flammanti fode fortiter ilia ferro;

Ilia vulneribus non satianda tuis.

Tàm dulces nunquid miseri spernemus amores?

Tàm dulcem celo diuite luxuriem?

Peruia blanditijs fugiemus gaudia tantis?

Ah! mea Lux, geminis carior vsq<sub>3</sub> oculis,

Quo fine nil est dulce, meis nil suaue medullis,

Qui mihi deliciae, qui mihi solus amor,

Alme DEVS, DEVS alme, simillima Patris  
imago,

O cor, ô! & vitæ vita, animusq<sub>3</sub> mea,

Vre, patent mea corda, patent mea viscera, telis

Mens, animusq<sub>3</sub> patet, corq<sub>3</sub> iecurq<sub>3</sub> tuis.



Bone IESV, fac vt sicut flamma vrens  
 totus ardeam in tui Amoris dulcedi-  
 ne. S. August. Med. c. 35.

**A**H! mea Lux, mea Vita, tuis ita amori-  
 bus angi?

Et credam faciles esse in amore Deos?

Et credam ambrosium depasci nectar amātes;

Mel credam Superos esse, merumq<sub>3</sub> merum?

Falleris, etherio qui potus ab vbere, manna

Nescio quod iactas, rorisfluumq<sub>3</sub> penu.

Qui rutilis clamas aulea micanta gemmis:

Vt polus Hyblæis innatet omnis aquis.

Quod foliata fluāt, quod sudet balsama ligno;

Quod salit hinc lactis, nectaris indè liquor.

Et ferrugineâ in violâ, molliq<sub>3</sub> amarantho

Exsultim saturos ludere mille Deos.

Nosq<sub>3</sub> fauo vesci liquido, nos semper Amātes

Distendi ambrosiâ, nectareoq<sub>3</sub> mero.

Illecebræ sunt hæc, & crustula danda puellis;

Simplicitas trahitur talibus illa modis.

Felle suos satiat, & amaris, credite, succis

Dius Amor, nato par Cypri foeda tuo.

Pascitur & luctu, & lacrymis, gemituq<sub>3</sub>, que-  
 relisq<sub>3</sub>,

Et surdâ nostras ebibit aure preces.

100 FLAMMVLÆ AMORIS

Mordaci quoties apsinthia triuit aceto:

Et viuâ incendit corpora nostra face.

Pennatâ quoties violauit arundine pectus;

Et multus fosso pectore sanguis igit.

Me miserum, quæ sacrilego profudimus ore?

Sic agitas dominos impia lingua Deos?

Lurida sic atro despumas corde venena?

Ah! nequam, ah! Stygias digna subire domos.

O amor, ô IESV, mea spes, ignosce, furentis

Impetus ille fuit, pectoris ille calor.

Mens mea si cecidit, cecidit quia mobilis æstro,

Et propiore tuo Numine victa fuit.

Errauit fateor, sed quæ malè prouida dixit;

Et dolet, & culpæ poenitet vsq<sub>3</sub> suæ.

Et dicit quod Amore tuo nil dulcius: illi

Vsq<sub>3</sub> columbatim basia casta litans.

Fallor, an ergò tuis fruor, ô! mea Vita, labellis?

Fallor, an æthereum mens bibit ipsa Deum?

Ah! quæ flâma meas, lambitq<sub>3</sub>, voratq<sub>3</sub> medullas;

Quis me pascit Amor, quis mihi reptat odos?

Astringam plus, plusq<sub>3</sub> tuas mea Vita corollas;

Implicitemq<sub>3</sub> pedes, implicitemq<sub>3</sub> manus:

Plurima gemmis fluo defigens suauiâ cordi,

Plurima mox plantis, plurima moxq<sub>3</sub> genis.

His semper fruor, his flagrem sine fine fauillis:

Elagrat in immensis vt Salamandra rogis.

PER-

PERCVTE DOMINE HANC MEN-  
TEM PIA CVSPIDE DILECTIO-  
NIS TVAE. *Med. c. 37.*

**R**Ogo te per illa salutifera vulnera tua,  
quæ passus es in cruce pro salute no-  
strâ, è quibus emanavit ille preciosus san-  
guis quo sumus redempti, vulnera  
hanc animam meam peccatricem, pro  
quâ etiam mori dignatus es, vulnera  
eam igneo, & potentissimo telo tuæ ni-  
miæ charitatis. *Med. c. 37.*

Dulcis CHRISTE, bone IESV, reple  
semper quæso cor meum inextinguibili  
dilectione tui, continuâ recordatione  
tuâ, adeo vt sicut flamma vrens totus ar-  
deam in tui amoris dulcedine. *Med. c. 35.*

Quia tui valida est, vt mors, dilectio,  
absorbeat quæso mentem meam, ab om-  
nibus quæ sub cælo sunt, ignita & mel-  
lisua vis amoris, vt tibi soli inhæream, so-  
lâque tuæ suauitatis memoriâ pascar.  
*ibid.*



Saucia interioris hominis arcana tui amoris iaculo, & torpentis medullas iecoris flammis salutaribus penetrando succende, sanctique feruoris igne illustrando, intimæ mentis & corporis vniuersa depasce. *Med. c. 9.*

Tu sagitta electa, & gladius acutissimus, qui durum scutum humani cordis penetrare tuâ potentiâ vales, confige cor meum iaculo tui amoris, vt dicat tibi anima mea charitate tuâ vulnerata sum. *Med. c. 37.*

Sagittaueras tu cor nostrum charitate tuâ, & gestabamus verba tua transfixa visceribus. *9. Conf. c. 2.*

Quâ dilectione, quo studio, quo feruore anima, quam desponsasti tibi fide, & miserationibus, debet diligere te verum DEVM, & pulcherrimum sponsum, qui nos sic amasti, & saluasti, qui pro nobis tot, tanta, & talia fecisti? *Med. c. 35.*

Memoria tua sancta, & dulcedo tua  
beatissi-

beatissima , possideat totam animam  
meam, atque in inuisibilem amorem ra-  
piat eam. *Med. c. 33.*

Perdit quod viuit, qui non diligit. Qui  
autem diligit, oculos suos semper habet  
ad DEVM, quem diligit, quem desiderat,  
in quo meditatur, in quo delectatur, in  
quo pascitur, in quo impinguatur. *Man.  
cap. 19.*





*Amor ubi venerit ceteros in se omnes  
traducit, et captivat affectus. S. Aug. Man. c. 18.*

*Guil. Collaert excud.*



## XIV.

Amor ubi venerit, ceteros in se omnes  
traducit, & captivat affectus. *S. August.*  
*Manu. c. 18.*

**Q**uam barbara diritas, Amantis.  
Vultum nubere, corculumq<sup>3</sup> castis

Non vulgariter astuans fauillis,

Imo vellere pectoris recessu,

Vt tristi cauea gemat latebrâ?

Per Deum Fidium efferus tyrannus

Omni durior es Nerone, & illo

Falsum torruit igne qui iuencum,

Et illo satiare qui caballos

Humanâ solitus suos saginâ.

Quin si stat miseram, per omne vitæ

Tempus perdere, clade tam molestâ,

Vno protinus expedita letho

Ad plures eat; optimum, & suaue est

Metam tangere funerum suorum,

Metam cernere cladium suarum.

Quid me sic facie ferociente,

Et supercilio minante lustras?

Vmbra si tibi comitatis vlla est,

E S

Nes

Nec de tigride natus es Sicanâ,  
 Clathris exime corculum, diemq;  
 Hanc quæ turture purior pudicâ,  
 Et castâ magè continens columbâ.  
 Amotis nebulis sine intueri.  
 Vel da, quid modò moliare rerum?  
 Tùm pulchro Puer hæc profatus ore.  
 Nescis quid sit Amor, suaue nunquam  
 Gustasti DOMINI iugum, nec istam  
 Quam tu sic peragis ream catenam.  
 Si sit barbaries suauius illa est,  
 Quæ firmo similes catenat are  
 Et vultu, & studio, & calore mentes.  
 Quæ lenocinijs, facetijsq;  
 Iusu, blanditijs, amoribusq;  
 (Dum primâ niue puriora cuncta,  
 Et castis magè casta sint ligustris)  
 Conformes animos, pares Amantes  
 Gratâ compede, vinculisq; vincit.  
 Quare pone modum tuis querelis,  
 Qui tantum Cypriæ Alitem Diones  
 Laudas, & canis, & deoscularis:  
 Nec vim dente nigro laceffe nostram,  
 Quâ nil liberius, beatiusq;  
 Nil optabilius, suauiusq;.

Quæ cantica! Quæ organa! Quæ cantilenæ! Quæ melodiæ ibi sine fine decantantur. S. August. Man. c. 6.

**Q**uo thyrso Superi, melicâ quâ voce beat-  
tur?

Quos chelys attenuat insatianda modos,  
O Amor, ô! inter niueos, pars magna, Quirites,  
Tam miti frenas qui mea colla iugo,  
Da precor (hic paries nos turbâ segregat omni;  
In simili quoties adfuit ade Deus?)

Quenâm Calituum torrent ita gaudia mētes;  
Quæ tot vena sales, tot parit aula iocos?  
Hoc nostras toties, totiesq; iteratur ad aures;  
Nil vestris vsquâm mollius esse locis.

Aeternam clamant illic florere iuuentam:  
Aeternis plateas luxuriare rosis.

Et plura his, & plura canunt; ô! amatio cordis,  
Dic isto quæ sint orgia festa loco?

Ille caput palpo (limis ridebat ocellis)  
Percutiens, tales edidit ore sonos.

Digne Puer, centum radies licet Argus ocellis,  
Tot tibi sint aures, quot rubet Hybla rosis:

Haud tamē his nosset oculis, his auribus vnquā,  
Quod sonat Elysio semper in orbe melos.



Mente putas, animoq<sub>3</sub> (nihil tamen acrius illis)

Mellifluas Diuûm prendere posse dapes?

Chlorida cinnameas halantem gutture nubes;

Et venâ saliens perpete dulce merum?

Hesperia pretium vix enarrabile syluæ;

Et Cræsi, & magni Laomedontis opes:

Et quæ Magnus Iber aurato aduectat Eöo,

Non sunt ad nostros fatilis ymbra lares.

Hic viuus ardet laquear, pariesq<sub>3</sub> smaragdis:

Hic mirum spargunt gemmea strata iubar.

Nil nisi nectareus pluit altis nubibus imber:

Nil nisi myrrhatum ventilat aura crocon.

Arida canicies nostris procul exul ab oris,

Et capularis hyems, & glacialis anus.

Sed molles animas ibi ver exhalat, & ether;

Perpetuisq<sub>3</sub> viret dia Iuuenta genis.

Eloquar vt Genius pulchro magè splendet  
astro;

Pegaseâ vt liquidas transuolet arte vias?

Non chalybem, non ardentem timet igne sa-  
gittam:

O! quam felici tempora sorte trahit.

Nunc propter streperis salientē rupibus vndâ,

Atibidis arrecta percipit aure melos.

Nunc agiles plaudit choreas, nūc carmina dicit;

Carmina non vllis deuoluenda modis.

Aspicias

*Aspicias alios genialia nablia mixtim*

*Percutere, hos habili tinnula sinistra manu.*

*Hic tremulas aptat viridi sub pegmate chordas;*

*Hic resonum facili pollice pulsat ebur.*

*Quot sunt deliciae, quot sunt his gaudia regnis,*

*Si vis ingenio prendere, disce prius;*

*Quot producat Hymettus apes, quot pascua  
flores;*

*Quot parit Hybla rosas, terra Cilissa crocos:*

*Enumera claro radiant quot sydera celo,*

*Quot frondes habeat sylva, quot vna comas*

*Tum poteris superæ comprehendere gaudia sedis;*

*Et quæ sint nostris orgia leta locis.*

AMOR VBI VENERIT, CETEROS IN  
SE OMNES TRADVCIT, ET CA-  
PTIVAT AFFECTVS. S. Augustin.  
Man. c. 18.

**A** More anima secedit, & excedit à cor-  
poreis sensibus, vt sese non sentiat,  
quæ DEVM sentit. Man. c. 20.

In quo amor Dei est, quando sedet,  
quando ambulat, quando requiescit, vel  
quando aliquid agit, cor à DEO non re-  
cedit. Man. c. 28.

Fac

Fac me, dulcis CHRISTE, bone IESV,  
fac me rogo amore, & desiderio tui de-  
ponere onus carnalium desideriorum, &  
terrenarum concupiscentiarum. *Man. c. 5.*

Amor facit vnum spiritum de duo-  
bus. Amor facit idem velle, & idem nol-  
le. *Man. c. 18.*

Hæc omnia facit amor, si anima ex-  
hibeat se similem Deo per voluntatem,  
cui similis est per naturam, diligens sicut  
dilecta est. *Ibid.*

Amor dat familiaritatem DEI, fami-  
liaritas ausum, ausus gustum, gustus fa-  
mem. *Man. c. 20.*

Anima amans suis renunciat affectio-  
nibus, & tota soli incumbit amor: vt  
possit respondere amor in redhibendo  
amore. *ibid.*

Hæc charitas, & hæc dilectio aliquid  
simile requirit in nobis, scilicet charita-  
tem, quâ velut quadam affinitate con-  
san-



sanguinitatis ei sociemur, & coniungamur. *Man. c. 19.*

Amor qui semper ardes, dulcis Christe, bone IESV, charitas, DEVS MEVS, accende me totum igne tuo, suauitate & dulcedine tuâ, voluptate & concupiscentiâ tuâ, quæ sancta est & bona, casta & munda, vt totus dulcedine amoris tui plenus, totus flammâ charitatis tuæ succensus, diligam te DEVM MEVM ex toto corde meo, totisq̃ue medullis præcordiorum meorum. *Med c. 35.*

Væ miseræ animæ quæ Christum non quærit nec amat, arida manet & misera. Perdit quod viuit, qui te Deum non diligit. *Man. c. 4.*

Fecisti



*Fecisti nos ad te, et inquietum est cor nostrum  
Domine, donec requiescat in te. S. Aug. 1. Conf. c. 1.*

*Guil. Collaert excud.*

Fecisti nos ad te, & inquietum est cor  
 nostrum DOMINE, donec requiescat  
 in te. S. Aug. I. Confess. c. I.

**N**Umq̃uam tuta quies, numquã pax cer-  
 ta sub astris :

*Mille animo curas nox q̃, diſq̃ parit.*

Hoc SALOMON vidit, folio cum clarus eburno

*Laxauit votis omnia frena ſuis.*

Iam, ſibi dicebat, ſatiabor murice, & auro;

*His ſaties rebus grandis inefſe ſolet.*

An te delectat ſpecies prædiuitis horti?

*Penſilis hic omni flore virebit ager.*

An vino, gemmiſq̃ graues crateras anhelas?

*Hic vinum ambroſijs purius ibit aquis.*

Velificare tuis, mea mens, affectibus, inquit;

*Opta, ſors homini quod dare dextra, poteſt.*

Quod cupis, hora dabit, nullã patiẽre repulſã:

*Copia viſ cornu diuite fundat opes?*

Spondeo Perſarum montes, & ditis Ibêri

*Gazas, & Graiũm robora, reſq̃ Phrygum.*

Quidquid apud claros Seras reſplendet, & Indos,

*Vina ſub extremo littore ſiqua placent,*

Omne tuum cenſe; ſpoliabo Nerea gemmis,

*Quas vicina rubri littoris vnda parit.*



*Auratâ Parium marmor tibi splendet in arce,  
 Citrea trabs, Libani gloria, tecta tenet.  
 Nil parsi votis; tibi nauibus, atq; quadrigis  
 Quasiui gemino quidquid in orbe micat.  
 His mea mens gaude, tua sunt; quid stulta  
 paratas*

*Et fugis, & torto lumine cernis opes?  
 Hæc Rex, ingenij flumen cæleste, canebat;  
 His reperire studens otia vera bonis.  
 Sed curis ubi se vidit grauioribus angi,  
 Stultitiam culpans talia dicta dedit:  
 Fumus opes, & fumus honos, & citrea fumus  
 Tecta, meri fumus pocula, fumus amor;  
 Forma, decorq; vitro magè futilis, omnia fumus,  
 Si cautè videas, omnia fumus erunt.  
 Hæc mentem curis soluent, hæc nubila pellent,  
 Quæ sunt incerto mobilia freto?  
 Præter amare Deum pax nulla, nec otia cordi,  
 Omnia sunt turba, præter amare Deum.  
 Illic vera quies: vis mundi euadere fluctus?  
 Effuge tot nugas, te quoq; iunge Deo.  
 Hæc omnes barathri fugies statione procellas:  
 Hic est fixa tuis ancora sacra malis.*

Tædeat me dulcis IESV gaudere sine te,  
 & delectet contristari pro te. S. Aug.  
 Med. c. 7.

**O** ! mea spes, ô ! ocelle animæ, ô ! flammula cordis,

O IESV votis meta, scopusq; meis :

O ! cupidis vbi te perstringens fortiter vlnis,  
 Immoriar labris pendulus erro tuis ?

Et suavi soluam gemitu languentia vitæ  
 ( Tam pia defugens suavia ) pensa meæ ?

O IESV, Charitum myrmecia, quando sacratis  
 Halitibus pascas, ô ! mea Vita, tuis ?

Quando bibam tenuem pectus quam prodigit  
 vndam ?

Quando meam explebit roscida plaga samē  
 Luce mihi, IESV, patulis versaris ocellis :

Nocte meo dormis, pupule chare, sinu.

Quàm iuuat hoc totum me lasciuire roseto;  
 Et lenocinijs pandere vela meis.

Non ego tùm cupiam Phrygiæ conuiuia mensæ:  
 Inuideam ué tuo, Iuppiter alme, throno.

Puniceas dextrâ læuâq; prebendo corollas;  
 Et quæ mellifluo vulnera fonte scatent.

Emoriar, si non hoc nectâr inebriat artus;  
 Emoriar siquid lætius esse potest.



Si me blanda fides, si barbitos allicit, icta  
 Barbitos, & IESVM pangit, & icta fides.  
 Est laurus liquidi propter caput ardua fontis,  
 Mista vbi pallidulis floribus herba virescit:  
 Hic citharâ si forte leuo modulante dolores,  
 Vocalisq; meum Musa maritat ebur:  
 Nil cano, nil arguto, nisi mea gaudia IESVM;  
 Principium est plectris, finis, & ille meus.  
 Inscripti quoties tenero tua nomina libro:  
 Creuit & in viridi cortice noster amor.  
 Laure, precor, bona viue diu, quæ nobile IESV  
 (Fortè tibi inuideant sidera) nomen habes.  
 Te non ledat hiems, æstas non vratur, & istas  
 Non turgent vnquam tela trifida comas.  
 Hic ætate grauis renouet sua tempora Phoenix:  
 His postrema canat carmina cygnus aquis,  
 Te nunquam cernam, quin figam basia; mille  
 Tam sanctis properè basia corticibus.  
 Quin casia frondes, costog, thymog, coronem:  
 Et ducam festis orgia leta choris.  
 Laure, precor, bona viue, diu, quæ nobile IESV  
 (Fortè tibi inuideant sidera) nomen habes.  
 Viue diu, nostriq; simul viuetis amores:  
 A nutu pendet nam mea flamma tuo.



FECISTI NOS AD TE, ET IN-  
 QVIETVM EST COR NOSTRVM,  
 DONEC REQVIESCAT IN TE.  
*S. August. Conf. I. c. I.*

**E**N ad te clamamus redempti tui, sed  
 & nunc exules tui, quos precioso  
 sanguine redemisti. In mari turbulento  
 versamur, tu in littore stans aspice pe-  
 ricula nostra: saluos nos fac propter  
 nomen tuum. *Sol. c. 36.*

In hoc enim magno huius vitæ dilu-  
 tio, vbi circumstantibus agitamur pro-  
 cellis, & non inuenitur fida statio, &  
 locus eminentior, vbi pes columbæ va-  
 leat aliquatenus requiescere, nusquàm  
 tuta pax, nusquàm secura quies; vbiq;  
 bella, & lites, vbiq; hostes; foris pugnae,  
 intus timores. *Med. c. 37.*

Infelices, heu! nos miseri, qui per hu-  
 ius maris magni fluctus, procellosasque  
 voragines nauem trahimus, ignorantes  
 an

an ad portum salutis peruenire valeamus. *Sol.c.35.*

Felices qui de periculo maris huius educti, ad te DEVM, portum tutissimum, peruenire meruerunt. O! verè felices, qui de pelago ad littus, de exilio ad patriam, de carcere ad palatium peruenerunt. *Ibid.*

Tu autem Domine expectatio Israel, desiderium ad quod suspirat cor nostrum quotidiè, festina ne tardaueris, usquequò perueniamus ad montem sanctum tuum Oreb. *Sol.c.23.*

Quando veniet dies lætitiæ, & exultationis, in quâ ingrediar in locum tabernaculi admirabilis, usque ad domum DEI, vt videam videntem me facie ad faciem, & satietur desiderium meum? *Sol. c. 34.*

Da mihi te, DEVS MEVS, redde te mihi. Te enim amo, & si parum est, amem validius. 13. *Confess. c.8.*

Hoc

Hoc tantum scio, quia malè mihi est  
præter te, non solum extra me, sed & in  
meipso: & omnis mihi copia, quæ DEVS  
non est, egestas est. 13. *Confess. c. 8.*

Dulcissime, amantissime, benignissi-  
me, quando transibo in illam admirabi-  
lem, & pulcherrimam domum tuam, vbi  
personat vox lætitiæ; & exultationis in  
tabernaculis iustorum? *Med. c. 37.*







*Polum penetabo mente, et desiderio  
tecum ero. S. Aug. Man. c. 14.*

*Guil. Collaert excud.*

## XVI.

Polum penetrabo mente, & desiderio  
tecum ero. S. Aug. Manu. c. 14.

**E**ffe quidem fateor tristissima tempora belli,  
Cum dites populat miles, & vrit agros;  
Et tristis multum rapida vis vltima Parca,  
Funereo absumit corpora quando toro;  
Sed mea sunt istis magè nubila tempora rebus,  
Dùm tacitâ clades mente voluto meas.  
Tot curis vror, maceror tot deniq; votis,  
Vt mihi sit vitam viuere, poenè mori.  
Naso Tomitanas non sic eiectus in oras  
Exilij luxit tempora dura sui;  
Quàm queror, & lacrymis mea funera pro-  
sequor vdis,  
Nec lux grata meis luctibus vlla venit.  
Quo me cunq; fero, pax nulla doloribus, omni  
Terra fit in gemitus ingeniosa meos.  
Multa dies abijt, spatium mihi longius æuo,  
Quò petij superas scandere posse domos.  
Oranti surdas celum sed præbuit aures;  
Abstulit & longè spem leuis aura meam.



322 FLAMMVLÆ AMORIS

*Sapè, gemēs, dixi, quàm plena doloribus hæc sunt:  
 Mortes mille parit nox mihi, mille dies.  
 Nec video qui me tam multo funere soluat;  
 Vel fomenta meis prabeat vlla malis.  
 Si, quia non merui, Superi me tollere nolunt,  
 Et durâ accipiunt supplicis aure preces;  
 Curre cor, & sacras motu pete præpete sedes;  
 Exiguum tribuent, vt reor, astra locum.  
 Nec pete Gorgonei collum frenare caballi:  
 Nec pete Triptolemi ducere posse rotas.  
 Si te torret Amor, pennas dabit ille volucres:  
 Vt Deus ille leuis, sic leuis ales eris.  
 Cum tamen intrâris superûm penetrale Deorû,  
 Ne migrare velis, vel remeare, caue.  
 Non est in toto sedes magis aurea mundo,  
 Quâ polus immensam cerulus ambit humû.  
 Illic lata fluunt fragranti balsama ligno;  
 Et fluit innumeris myrrha Sabæa locis.  
 Quacumq; incedes, & murice pictus Adonis,  
 Et Narcissus erit, purpureusq; crocus.  
 Deniq; talis in his vernat seges aurea terris,  
 Luxuries omnem vincat vt ipsa modum.  
 Ocyus ergo vola, nobis habitabitur, eheu!  
 A tantis multum terra remota bonis.*



Sit mihi nomen tuum IESV refocillatio,  
 & memoria tui consolatio. S. August.  
 Med. c. 7.

**E**Xtinctos platanus calebs prius umbret  
 ocellos;

Antè tegat cineres frigida testa meos;  
 Quàm pereat tua fixa mea præsentia menti,  
 Et longâ facies excidat ista die.

Te nec Centimanus furui dominator Auerni,  
 Te nec Parca suâ tollet auara manu.

Quàm mihi dulce mori tecum, quâ viuere dulce;  
 Dulce mihi tecum viuere, dulce mori.

Hæc omnes penitus sepelit dulcedo dolores;  
 Hoc omnem nectar pellit amaritiem.

Excitat infamem pruritum Cypria? IESVM  
 Mente voluto, statim Cyprius ardor abit.

Expugnare parat nostram draco letifer arcem?  
 Hoc, draco, Palladium, letifer ille timet.

Irruat innumeris si styx armata cerastis?  
 Non flectar, quia me calicus umbo tegit.

Quàm, mea Vita, tuis securus obambulo castris:  
 Hic mihi quàm faustæ tempora pacis eunt.

Repperit & turre, & inexpugnabile vallum  
 Sacra tui quisquis limina cordis adit.

Hæc viam intrepidus, viam securus asylo,  
 Cuius Amor vigilans excubat ante fores.

224. FLAMMVLÆ AMORIS

*Hic ferro Aeaciden anteibo, Nestora sensu ;  
 Hostilis si me motus ad arma vocet  
 Credite munificis ita vitam ducimus astris,  
 Ut votum præstent numina magna meum.  
 Currimus inflatis velis Aquilone secundo;  
 Dant placidam puppi cœrula salsa viam.  
 Vndinagâ rutilat præfixus in arbore IESVS;  
 Ignitis radiat crinibus inde ratem.  
 Et furias, hiemesq; animi feruentis amicat  
 Ille meæ Pollux, & Cynosura scaphæ.  
 O! me felicem, qui nobilis hospite tanto,  
 Lenimen dubijs haurio præstò malis.  
 Nec te complexu foueam? nec eburnea, nomen,  
 Argutis celebrent plectra, manusq; modis?  
 Non dabo puniceo depictos murice flores;  
 Non fluet è manibus nardina spica meis?  
 Pandet opes Amor, & Syrios tibi noster odores;  
 Pinget Apellæâ florea ferta manu.  
 Purpureis scribetq; rosis (ô! littera felix)  
 Et violâ, IESVM, versicolôre meum.  
 Iamq; graui factis studio, curâq; corollis  
 Vnus hic inferius versus, & alter erit.  
 Floride mi IESV, violarie pusio, tecum  
 Dulce mihi IESV viuere, dulce mori.  
 Mox vbi deficient moribundo corpora lecto,  
 Funereâq; metet forfice Parca celum:*

Tunc



*Tunc ego gemmifluis decerpam basia palmis;  
Et lateri, & cordi basia mille tuo.*

*Basia tunc labris figam, tunc basia plantis:  
Tali oculos claudam tostus ab igne meos.*

*Deficiens tamen antè canam tua nomina, IESV,  
O! IESV, ô! animo spesq̃, animusq̃ meo.*

POLVM PENETRABO MENTE, ET  
DESIDERIO TECVM ERO. S. Au-  
gustin. Man. c. 14.

**B**eatissimus qui sedet solitarius, & tacet, &  
stat super custodiam suam iugiter  
die, ac nocte: vt adhuc in hoc fragili  
corpufculo positus, prælibare valeat ali-  
quatenus dulcedinem tuam. Med. c. 36.

Putasné videbo diem illam, diem iu-  
cunditatis, & lætitiæ, diem quam fecit  
Dominus, vt exulemus, & lætemur in  
ea. Sol. c. 35.

O quàm mira, quàm pulchra, quàm  
acceptabilia sunt domus tuæ habitacula  
Domine virtutum! concupiscit intrare  
in ea hæc peccatrix anima mea. Quan-



dò veniam, & apparebo ante faciem tuam? quando videbo DEVM MEVM, quem fitit anima mea? *Med. c.31.*

Quæ cantica, quæ organa, quæ cantilenæ, quæ melodix ibi sine fine decantantur! *Man c.6.*

Eia, DOMINE, moriar vt te videam; videam vt hic moriar; nolo viuere, volo mori; dissolui cupio, & esse cum CHRISTO. Mori desidero, vt videam CHRISTVM; viuere renuo, vt viuam cum CHRISTO. *Sol. c. 1.*

O Hierusalem domus DEI æterna, tu esto lætitia & consolatio mea; dulcis memoria beati nominis sit releuatio mæroris, tædiorumque meorum. *Med. cap. 20.*

Felix anima, quæ terreno resoluta corpore libera cælum petit: secura est, & tranquilla, non timet hostem, neque mortem. *Med. c.23.*

Iam enim me nulla delectant, præ dulcedine tua, & decore domus tuæ, quam dilexi. 8. *Confess. cap. 1.*

Neque enim vlla anima vnquam potuit, poteritue cogitare aliquid, quod sit te melius, qui summum, & optimum bonum es. 7. *Confess. c. 4.*

Heu! mihi rex meus, & DEVS MEVS, quia incolatus meus prolongatus est. *Med. c. 4.*

Intrem in cubile meum, & cantem tibi amatoria, gemens inenarrabiles gemitus in peregrinatione meâ, & recordans Hierusalem extento in eam sursum corde, Hierusalem patriam meam, Hierusalem matrem meam. 12. *Conf. cap. 16.*

O regnum beatitudinis sempiternæ, vbi tu Domine, spes Sanctorum, & diadema gloriæ, facie ad faciem videris à Sanctis. *Sol. c. 35.*



*Fons vitæ, da sitienti animæ meæ.  
Semper ex te bibere. S. Aug. Med. c. 37.*

*Guil. Collaert excud.*



## XVII.

Fons vitæ, da sitienti animæ meæ semper  
bibere ex te. S. August. Med. c. 37.

**L** Imosâ morior mundi stagnantis in vluâ;  
Nec liquidam, præstò est, qui ferat vl-  
lus, opem.

Sapè quidem volui Babylonia sumere stagna;  
Nostra sed increuit, stagna per illa, sitis.  
Ergo vbi tristis hiems vitalem exstinxerit au-  
ram,

Effugietq<sub>3</sub> suum spiritus ante diem:  
Enodes inter iuncos, cannasq<sub>3</sub> palustres,  
Depascent auida viscera nostra feræ.  
Ah! procul ite (mei pars optima cordis) Amores;  
Quos potui innumeris demeruisse modis.  
Non ego vos posthàc strictis amplectar in vlnis;  
Rorabunt vestram balsama nulla comam.  
Pactilibus variare rosis, variare corollis,  
Et vestram Syriâ nube rigare stolam,  
Hic eat, indulgent cui plenos astra calores;  
Fortuna fulsit altera stella mea.  
Torreor, ardenti, ceu Syrius astifer, astro  
Culta, sitibundis, feruida torret, agris.

E S

Iam

Iam propè deficio; si tandem cælite nimbo  
 Decideret labris gutta vel vna meis.  
 Tristis Agar puerum reficit putealibus vndis;  
 Ignotam monstrat dum Puer Ales aquam.  
 Innumeram potuit Moses recreare cateruam,  
 Dum siccam subitis replet erêmon aquis:  
 Et nos arentes morimur; nec profluus humor,  
 Nec labris venit Naïs amica meis.  
 Lux mea, cui quinis emanat lymphæ scatebris,  
 Qui roseas viuo gurgite fundis aquas,  
 Irriguam sitienti animæ pande, Optime, venam:  
 Exstinguar liquidas sobrius inter opes?  
 An rursus satiabor aquâ Babylonide? rursus  
 Ambabus malis fœtida stagna bibam?  
 Fons vitæ, sine me pasci lateralibus vndis:  
 Nil nisi de patulo, flumina, corde fluunt.  
 His Genio indulgere meo, his satiarier vndis,  
 O! si vel modicum me tua dextra sinat:  
 Ebria mens, sine fine suos resonabit Amores;  
 Vt resonat flammæ Atthis amœna suas.  
 Possideam te beatitudo sempiterna, possi-  
 deâ te in medio cordis mei. S. Aug. sol. c. 1.

**M**AGNE DEVS, rerumq; parens, & origo  
 mearum,  
 Quò nihil æthereus dulcius orbis habet,



Dà tua complexu teneam iunctissimus ora;  
 Hospitioq<sub>3</sub> tui, tempora, cordis agam.

Et si fortè meæ non sunt tibi tedia flammæ,  
 Mansuros nostro pectore fige lares.

Non ita post hiemes, & versas æquoris vndas,  
 Nauta petit patriam lassus adire domum:

Non ita puniceos Aurora flagitat ortus,  
 Dum pragrande parat ire viator iter:

Quàm peto te terraq<sub>3</sub>, mariq<sub>3</sub>, domiq<sub>3</sub>, forisq<sub>3</sub>;  
 Ad tua quàm tendo, Numina, sæpè manus.

Nec mirum, quid enim te maius continet or-  
 bis;

Aut quid amore tuo suavius esse queat?  
 Siue petam vndâtes Zephyri spiramine sylvas,  
 Siue petam pictis plena vireta rosis:

Cuncta mihi sordent, nec sylvis recreor vllis,  
 Nec capiunt animum picta vireta meum.

Sic odit mirâ stratam dulcedine mensam;  
 Cui morbo periit dulcis in ore sapor.

Magdalis hoc sensit, Cyprîs quæ trās fuga castris,  
 Sub signis meruit digna virago tuis.

Nam teneras carpsit postquàm noua flamma  
 medullas,

Et pia iam sponso cepit adesse suo:  
 Coccina famosæ pretium, procul exuit, artis;  
 Et flauis gemmas, quas tulit antè, comis.



Delicia tu solus eras, tu sola voluptas,  
 Tu mentis requies, solus & vnus Amor.  
 Audierat Dominum tectis splendentibus isse,  
 Vt Pharisee tuas sumeret ore dapes:  
 Nil risus, vrbisq<sub>3</sub> iocos, postesq<sub>3</sub> superbos,  
 Nil domini curans grande supercilium,  
 Ilicet excurrit, celeres Amor addidit alas:  
 (Tantus in egregiâ virgine feruor erat)  
 Excurrit, subiitq<sub>3</sub> leui penetralia passu,  
 Fusus vbi picto murice sponsus erat.  
 Tùm verò ingenti præcorda saucia flammâ,  
 Incepit nudos stringere tota pedes.  
 Tùm lacrymas vndare, sacras tū tergere plantas;  
 Tùm dare cum Syrio diues arôma croco.  
 Oscula mox sanctis infigere millia plantis,  
 Et post hæc, rursus millia plura dare.  
 Non sic appositis nectuntur vitibus vlni:  
 Nexuit vt sponso brachia casta suo.  
 Vt verò Dominus iacuit post funera mortis,  
 Et sacra marmoreus condidit ossa specus:  
 Ocius exiliit, pernicibus excita curis,  
 Vt clauso raperet corpora cara specu.  
 Nulla polo clarum præbebat Cynthia lumen:  
 Illa tamen Solymis longius ibat agris.  
 Audacem faciebat Amor, quod tela, nec enses,  
 Non horret tenebras, hoc faciebat Amor.

*Vt cautè vigiles fallat, vigilabat & ipsa ;  
 Armag<sup>3</sup>, si sit opus, dura pararat amor.  
 Si potuit tantum, quia magnis ignibus arsi ;  
 Fac mea mens simili protinus igne flagret.  
 Eac tua complexu teneam iunctissimus ora,  
 Hospitioq<sup>2</sup> tui, tempora, cordis, agam.*

FONS VITAE, DA SITIENTI  
 ANIMAE MEAE SEMPER BIBE-  
 RE EX TE. *S. August. Med. c. 37.*

**F**ons vitæ, reple mentem meam tor-  
 rente voluptatis tuæ, inebria cor  
 meum sobriâ ebrietate amoris tui, vt ob-  
 liuiscar quæ vana, & terrena, & te solum  
 iugiter habeam in memoriâ meâ. *Med.  
 cap. 37.*

Tu melle dulcior, lacte & niue candi-  
 dior, nectare suavior, gemmis, & auro  
 pretiosior, cunctisque terrarum diuitijs,  
 & honoribus mihi charior. *Med. c. 35.*

Dulcissime, desideratissime, amabilis-  
 sime trahe os sitientis te animæ, in super-  
 na fluenta æternæ satietatis: immo trahe  
 me



te, fontem viuum, vt inde bibam, vnde  
semperviuam, DEVS MEVS, vita mea.  
*Med. c. 37.*

Quando venies consolator meus?  
quem expectabo? ô si satiabor, cum ap-  
paruerit gloria mea, quam esurio! ô si  
inebriabor ab vbertate domus tuæ, ad  
quam suspiro! si potabis me torrente  
voluptatis tuæ, quam sitio! *Med. c. 41.*

Tribue pro pietate, & bonitate tuâ,  
vt iste calix tuus inebrians, & præclarus  
satiæt sitim meam, vt inhiet tibi spiritus  
meus, & ardeat mens mea in amore tui,  
oblitus vanitatis, & miseræ. *Med. c. 36.*

Ibi dabis mihi vbera abundantius, &  
perfectius, & satiabis me satietate mirifi-  
câ, ita vt nec esuriam, nec sitiam in æter-  
num. *Med. c. 25.*

Inueniam te desiderium cordis mei,  
teneam te, amor animæ meæ. Amplectar  
te, sponse cælestis, exultatio mea summa  
intus, & extra. *Sol c. 1.*

Tota



Tota spes mea non nisi in magnâ val-  
de misericordiâ tuâ DOMINE DEVS. Da  
quod iubes, & iube quod vis. 10. *Confess.*  
*cap. 29.*

Amo te, DEVS MEVS, magisq̃ue sem-  
per amare cupio; quia tu es reuerâ omni  
melle dulcior, omni lacte nutritibilior, &  
omni luce clarior. Idcirco super omne  
aurû, & argentum, & lapidem preciosum  
es mihi carior. *Sol. c. 19.*



Amor



*Lubrica ætatis motus, actusque  
lenes coequet. S. Aug. Man. c. 19.*

*Guil. Collaert excud.*

## XVIII.

Amor lubricæ ætatis motus, actusque  
leues coërcet. S. August. Man. 6. 19.

**H**Oc vita, rapidis teritur quod passibus,  
aquor,

Mille mali species, mille laboris habet.

Lubrica sic glacies non est, sic lubricus ab-  
guis;

Lubrica quàm vita semita tota tue.

Respice quàm crebro signata sit orbita lapsu;

Hic ubi ceruicem fregit, ubi ille pedem:

Et dices, hæc sunt millenis plena periclis,

Vix qui ritè cauet, sat cauet ille tamen.

Innumeros narrare velis si carmine casus:

Tentabis, plus quàm res finit ipsa, loqui.

Precipitem quia tàm multi fecêre ruinam,

Doctrinâq; graues, & pietate viri:

Vt citius Libyæ flauas numerâris arenas,

Nix citius Scythico quanta sub axe iacet;

Quàm numeres casus, prostrataq; corpora,  
quando

Innumero numerus deficit ipse suo.

Hic



*Hic Salomon cecidit , quò non sapientior al-  
ter :*

*Hic David solymi rexq<sub>3</sub>, decusq<sub>3</sub> soli.*

*Hic nimis externa Samson confusus amica:*

*Hic hominum primus, lapsus, in orbe pa-  
rens.*

*Sic latet occultè, fallitq<sub>3</sub> volubilis error,*

*Vt satis hæc pauci damna cauere queant.*

*Certa quis hæc igitur inter discrimina, ductor*

*Qui me sustentet, ne malè labar, erit?*

*Quis mihi porget opem titubanti? quis mihi  
tendet,*

*Vt dare sæpè solent per vada cæca, manū?*

*Hæc ego clamabam, cum Penniger aureus ore,*

*Multaq<sub>3</sub> promittens visus adesse mihi.*

*Porrectaq<sub>3</sub> manu trepidantem, & magna pa-  
uentem*

*Solari cœpit talibus inde modis.*

*Pone metum, duce me casus superaueris om-  
nes:*

*Tu sectare meos, ipse præibo, gradus.*

*Si callis non firma satis vestigia fallat;*

*Nil paueas, humeris nitere, tutus eris.*

*Inter inhumanos, teneras ego sæpè puel-  
las,*

*Carnifices duxi, per graue mortis iter.*

B A R -

BARBARA , quæq; micat geminas exerta  
mamillas,

Et sata quæ Cossi sanguine DIVA fuit;  
Et Latias inter , sax CÆCILIS alma , puel-  
las,

Et reliquæ, quas nunc cærulea tēpla tenent,  
Me duce calcarunt flammæ, gladiosq; , rotasq;  
Calcaruntq; tuas, æquore Nata, faces.

Quarè pone metum , duce me tutissimus ibis;  
Ponè meos sollers tu modò, ponè gradus.

Melius est mihi non esse, quàm sine IESV  
esse. S. August. Med. c. 39.

**N**I te plus oculis deamem, mea Vita, re-  
pentè

In deforme ruat, corpus inane, chaos.

Te sinè respirem ? sinè te iubar ætheris alti.

Hauriam, & obscurâ lumina nocte premâ?  
Sulphureas prius, ô mea Lux, detrudat ad vndas,

Quàm mihi sacra tui nominis vmbra cadat.  
Antè gemat tostum flammâ Phlegetontide pe-  
ctus,

Tartareis fiam præda perennis aquis:

Quàm sine te viuâ, quâ millea sensibus vnquâ  
Excidat æterni nominis aura tui.

Quas



Quas hic mollicies labris exsugimus vdis;  
 Quo distenta calent pectora nostra mero.  
 Mens vbi cumq; meum radio legit indice IESVM,  
 Protinus aërium cursitat ales iter:  
 Et putres linquens latebras, velut enthea, thyrsos  
 Totas incendi sentit, & igne fibras.  
 O & delicias, & amica cupedia, IESVS  
 Quæ menti sternit nocte, dieq; meus.  
 Et gazas venaris adhuc miser Euclio, & hircus  
 Putris oles Paphia furta, salesq; Dea?  
 Et te lacteolâ delectant ostrea carne,  
 Scrupea muriceis quæ tegit ora vadis?  
 Ah! pereat quisquis præter, mea fercula, IESVM,  
 Delicias vlllo concipit esse cibo.  
 Ah! pereat quisquis præter, mea gaudia, IESVM,  
 Diuitias vlllo sustinet esse loco.  
 Sterne mihi saliare epulum, mensasq; Deorum,  
 Massica gemmatus vina refundat onyx,  
 Transcendant mea vota Midam, si desit IESVS,  
 Omnia erunt animo nausea pura meo.  
 Nudus opum vinam plusquàm miserabilis Irus,  
 Nec ventrem satient mureida frustra meum:  
 Strangulet esuries fauces, exhibo serenâ  
 Fronte, meâ tantum sit comes ille neci.  
 Si te Seraphicæ venerantur, amantq; cohortes;  
 Si decor ipse soli, si decor ipse poli:



Si pro me tantos voluisti ferre labores,  
 Haerit vt dura pesq̃, manusq̃ trahi,  
 Non ego te feruens magno venerabor amore;  
 Non eris ô animâ dulcior vsq̃ meâ?  
 Donec erunt equidem vitæ mihi tempora, nulla  
 Te sine lux surget, te sine nulla cadet.

AMOR LVBRICAE AETATIS MO-  
 TVS, ACTVSQVE LEVES COER-  
 CET. Man. c. 19.

**B**eneficia tua magna sunt hæc, quibus  
 nos honorificasti, dans nobis Ange-  
 los tuos spiritus, in ministerium nostrum.  
 Sol. c. 27.

Grandis est eis cura de nobis: ma-  
 gnus est effectus dilectionis eorum ei-  
 gâ nos, & hoc totum propter honorem tuæ  
 inæstimabilis charitatis, quâ dilexisti nos.  
 Ibidem.

Insper facis Angelos tuos spiritus  
 propter me, quibus mandasti, vt custo-  
 dian

diant me in omnibus vijs meis , ne fortè offendam ad lapidem pedē meum. *ibid.*

O DOMINE DEVS noster , in velamento alarum tuarum speremus, & protege nos , quoniam infirmitas nostra quando tu es, tunc est firmitas , cum autem nostra est , infirmitas est. 4. *Confess. cap. 16.*

Diligunt nempe conciuēs suos , per quos suæ ruinæ scissuras restaurari expectant. Ideoque magnâ curâ, & vigilantī studio adsunt nobis omnibus horis, & locis, succurrentes, & prouidentes necessitatibus nostris, & solliciti discurrentes inter nos, & te DOMINE, gemitus nostros, atque suspiria referentes ad te, vt impetrent nobis facilem tuæ benignitatis propitiationem, & referant ad nos desideratam tuæ gratiæ benedictionem. *Sol. c. 27.*

Minus enim te amat, qui tecum aliquid amat , quod non propter te amat.

O amor

O amor qui semper ardes, & nunquam  
extingueris, Charitas, DEVS MEVS, ac-  
cende me! Continentiam iubes, da  
quod iubes, & iube quod vis. 10. *Confess.*  
*cap. 29.*



Libros





*Libros de Trinitate quos suscepit S. Augustinus  
puculi monitu relinquit. A.A. varij.*

*Guil. Collaert excud.*

## X I X.

Libros de Trinitate, quos susceperat S.  
A V G V S T I N V S, Pueruli monitu relin-  
quit. A. A. varij.

**T**HÉOLOGÂ PATER exhaustus, fractusq;  
palæstrâ,

Dum Triados vastas mente volutat opes,  
Liquit opus, serâ fumosus lampade, tantâ  
Exanguis ferimè, deficiensq; morâ.

Cynthia iàm tacitum peragrarat lucida cur-  
sum,

Iàm croceis celo Bosphorus ibat equis:

Cum fessus, studijsq; nimis vehementibus ager,  
Museum morso deserit vngue, suum.

Mons erat hîc alto protensus in aëra dorso,  
A Centum-Cellis non procul vrbe iacens.

Mons ingens, auibsq; ferisq; rapacibus hospes;  
Quô grauis irati frangitur vnda maris.

Multa PATER voluens hac dùm spatatur in  
orâ,

Et sepelit curas, aura marina, graues;  
Ecce Puer maris in ripâ, cui lactea ceruix,  
Vicissent violas lumina, labra rosas.



Dispositis illi vestis pulcerrima gemmis,  
Ebria Sidonio quæ fuit antè cado.

Et capiti virides bacca, viridesq<sub>3</sub> pyropi,  
Et collo è medio, lecta coralla mari.

Vel similis, vel adhuc longè formosior illo,  
Qui Cypriâ natus fingitur esse Deâ.

Paruulus hic sudore madens infundere paruum  
In puteum cunctas fortè parabat aquas.

Res superâsq<sub>3</sub> fidem, multo quoq<sub>3</sub> digna cachinno,  
In paruam, Oceanum ponere velle, scrobem.

Hunc Patritiades spectans ita substitit, angue  
Vt sistit viso, grande, viator iter.

Ire tamen libuit, caussamq<sub>3</sub> exquirere facti,  
Nam res insoliti plena stuporis erat.

Ac prior, heus mi melleæ pupule, dà bone, cla-  
mat,

Vnde, quis, & studio sudor hic vnde tuo?  
Subridens leni formosulus ille labello,

Ipse vides, studiij quod mare caussa mei.  
Si placet, hæc oculis metire volumina ponti,

Ceruleus quantas Nereus vndet aquas:  
Accipiet locus hic omnes quas videris vndas,

Et quas vltèrius mente videre potes.  
Hoc opus, hic labor est. Risit PATER optimus

illi,  
Mirans sollertem pectore desidiem.

Namq<sub>3</sub>



Namq<sub>3</sub> videbat vti cumulos properabat aquârũ  
 Hoc minimo, feruens, intumulâre specu.  
 Cui videt Hybla, parem cū corpora luce carentiũ  
 Non procul à tecto, sedula condit apis.  
 Irrequies tamen vrget opus, properatq<sub>3</sub>, ruitq<sub>3</sub>  
 Exhaustire cauâ, cœrula vastâ, manu.  
 Vt PATER hæc multo vidit dignissima risu,  
 Increpuit studium talibus indè modis.  
 Næ, mi pupe, operam perdis; quĩ fossula tantas  
 Oceani capiat, ne digitalis, aquas?  
 Hoc est velle polum longo quasi findere ferro;  
 Et plenum aquoreis piscibus esse solum.  
 Quarè parce tuis, mi belle, laboribus; ista  
 Est humeris moles non capienda tuis.  
 In caput antè suas regeret Tagus aurifer vndas;  
 Sol noctem faciet, Hesperus ipse diem;  
 Lucidus antè nigro miscebitur axis Auerno,  
 Et seges in medio crescet opima mari:  
 Quàm pelagus (liquet id, mi mellitissime, cūctis)  
 Hac vnquàm clausum videris esse specu.  
 Dixerat; ille tamen pensum quod ceperat antè  
 Vrgebat magnâ sedulitate suum.  
 Tùm quasi commoto vultu se sustulit, atq<sub>3</sub>  
 Hos pulcro cecinit dulciter ore sonos.  
 Das vitio PATER, & studium te iudice nostrũ  
 Desipit, at nugis non mala caussa meis.

*Si præbere reo facilem mihi comiter aurem*

*Non piget, hoc multum faxo probabis opus.*

*Nam quod stultitiæ falso me crimine carpis,*

*Te veri arguerem criminis esse reum.*

*Quis te scribendi modus insanabilis vrget,*

*Macrum, omni quod te Delia nocte, videt?*

*Vis tenui, credo, vastum mare currere limbo;*

*Noctua vis clarum prendere cæca diem.*

*Strenua, prò! quàm te malè vexat inertia, nisi*

*Aurea dum simili, plumbeus, astra petis.*

*Quid facias, tacitâ tecum circumspice mente:*

*Exitus his quondam non bonus esse potest.*

*Dum petit infirmis nimium sublimia  
pennis*

*Icarus, Icariis nomina fecit aquis.*

*Hec te, si versas animo benè, fabula tangit:*

*Historijs vera est omnibus illa magis.*

*Nè puerum, toruâ nè me precor aspice fronte:*

*Et DEVS in parvis rebus inesse potest.*

*Viuaci nunquam penetrabis acumine mentis*

*Horrendæ Triados, tam citò, grande iubar:*

*Quàm mare, quàm pisces scrobs tantula sor-  
beat omnes,*

*Et sicco sedeant pinea texta freto.*

*Crede mihi, non tã citus æthere labitur imber,*

*Aut stupam arentem deuorat ignis edax;*

*Quàm*



*Quàm dicto citius puteo claudentur in isto  
Oceani innumera, Nereidumq<sub>3</sub> domus.*

*Quod te ergò cacoëthes habet? quô concitus  
æstro,*

*Tam parvis tentas ista stupenda modis?  
Non si Smyrna suas lauros, & Mantua donet;  
Non si Celituum Pallade plenus eas,  
Digna canes; ieiuna nimis tua Barbitos, omne  
Hic fide, & arguto pollice mutit ebur.  
Sors tua mortalis, non est mortale quod  
optas:*

*Grandia propositi contrahere frena tui.  
Hæc ubi dicta, polum petijt pernicibus alis;  
Candidior Phœbo, quâ volat, aura fuit.  
Hæc PATER & nouitate rei, monstrisq<sub>3</sub>  
Deorum*

*Elinguis, muto reppetit ore larem:  
Admirans verniq<sub>3</sub> rosas, & lilia vultus,  
Attonitoq<sub>3</sub> stupens pectore grande sophos.*



LIBROS DE SS. TRINITATE  
 QVOS SVSCEPERAT S. AVGV-  
 STINVS PVERVLI MONITV RE-  
 LINQVIT. AA. varij.

**H**Vius mysterij immensam profundi-  
 tatem mens humana concipere non  
 potest, nec oratoria lingua enarrare, ne-  
 que diffusi sermones, nec bibliotheca-  
 rum volumina queunt explicare. Si to-  
 tum mundum libri repleant, tua scientia  
 inenarrabilis explicari non potest, quo-  
 niam verè indicibilis es; nullo modo scri-  
 bi potes, neque concludi, qui es fons lu-  
 cis diuinæ, & Sol claritatis æternæ. *Med.*  
*cap. 29.*

Nonne tu es DEVS absconditus, & in-  
 perscrutabilis maiestatis, solus tui-ipsius  
 maximus cognitor, & mirabilis contem-  
 plator? *Sol. c. 33.*

Soli quidem tibi Trinitas integrè no-  
 ta est: Trinitas sancta, superinenarrabilis,  
 & superincomprehensibilis, superessen-  
 tialiter exsuperans omnem sensum, om-  
 nem

nem rationem, omnem intellectum, omnem intelligentiam, quam neque dicere, neque cogitare, neque intelligere, neque cognoscere possibile est, etiam oculis Angelorum. *Sol. c. 31.*

Inperscrutabiliter habitas in teipso, vbi lux inaccessibilis, & lumen imperscrutabile, & inprehensibile, & inenarrabile, ad quod non attingit aliquod lumen. *ibid.*

Te inuoco beata, & benedicta, & gloriosa vna Trinitas, Pater, & filius, & Spiritus Sanctus, DEVS, DOMINVS, paracletus, charitas, gratia, communicatio. *Med. cap. 31.*

Immensitas diuinæ magnitudinis tuæ ista est, vt intelligamus te intra omnia sed non inclusum, extra omnia, sed non exclusum. *Med. c. 30.*

O æterna veritas, & vera charitas, & chara æternitas tu es DEVS MEVS, ad te suspiro nocte ac die, tibi inhio, tibi intendo, ad te peruenire desidero. Qui nouit te, nouit veritatē, nouit æternitatē. *Med. c. 33.*





*Coe humanum in desiderio atternitatis non  
fixum, nunquam stabile potest esse. S. Aug. Med. c. 25.*

*Guil. Collaert excud.*



## X X.

Cor humanum in desiderio æternitatis  
non fixum, nunquam stabile potest  
esse. S. August. Man. c. 25.

**Q**ui pacem stabilem, diesq<sub>3</sub> puros,  
Qui mentis requiem cupis perennem,  
Nequidquàm trabeam, sacrosq<sub>3</sub> fasces,  
Gazas, & meritas cruore lauros,  
Et tinctas Tyrio togas veneno  
Venaris miser, & deoscularis;  
Nequidquàm dominae tuæ lepôres,  
Formam, cæsariem, genas, & ora,  
Et flexos varijs modis capillos  
Laudas, & gemis, & stupente mundo  
Istas ore canis, lyrâq<sub>3</sub> nugas.  
Nàm nec promerita cruore lauri,  
Nec blandi dominae tuæ lepôres  
Dabunt, & nebulis dies remotis,  
Et menti requiem beatio rem.  
Ingesto tua crescit arca nummo?  
Nigras Autolyçi verêre dextras,  
Fortuna tibi vel rotam nouerca.  
Regi proximus ambulas, superbo

Tumens syrmate, liberas per vrbes?  
Quò te blanda magis leuauit aura,  
Hoc magis volucrem verè casum.  
Nil fixum, nihil his tenaxq<sub>3</sub> terris.  
Non sic in medio carina ponto  
Ventorum furias tumultuantùm,  
Et saui trifidos Iouis furores  
Recens passa labat, ruitq<sub>3</sub> in omnes  
Naoclêro sine dirigente partes;  
Quàm cor innumero rotatur aestu,  
Quàm cor innumero feritur ictu,  
Inconstans magè Proteo, vel ipsis  
Inconstans folijs magis caducis.  
Fuluum Iuppiter, in sinu, metallum  
Quod fudit Danaës, tibi refundat;  
Quod tangis pretium Mida coaquet,  
Tethys vtraq<sub>3</sub> te pauescat vnum,  
Miser semper eris, magisq<sub>3</sub> plures  
Lictores animo fouère perges,  
Quò sortem tibi plus fauère credes.

O! mi-

O! misera fors hominis, cum hoc perdidit ad quod factus est, & inuenit miseriam, ad quam factus non est. S. August. Man. c. 31.

**A**ddita iam fuerat vasto manus 'ultima  
celo;

Terraq<sub>3</sub> iam plenis tota virèbat agris.

Cùm Deus imposuit , modò quem formàrat,  
Adàmum,

Fons vbi quadrifidas voluit amenus aquas.

Ille operum finis, tanti decus ille laboris,

Hoc poterat faustos ducere in orbe dies.

Quidquid enim pontus , quidquid vastissima  
tellus

Continet, aërio quidquid in orbe fuit,

Subdiderat primo facilis Deus omne parenti:

Muneris hoc magni pondus, & instar erat.

Vidisses omni positâ feritate leones

Sternere se, Domini molliter ante pedes.

Vidisses raucis blandiri motibus vrsos;

Innocuas coram, ludere, rege tigres.

Nàm Deus hunc , celi , & terræ nascentis  
origo,

Plenum deliciis iusserat esse locum.



*Carpite, mandarat, sapient quæcumq<sub>3</sub> palato.*

*Ex facili, quam vos vultis, habête dapem.*

*Hîc lactis fontes, ibi profluit ebrîus amnis:*

*Hîc pleno currunt deflua mulsa specu.*

*His citrus in syluis pandos fert pondere ramos:*

*Istis luxuriat Palladis arbor agris.*

*Deniq<sub>3</sub> quidquid in hoc vernat viuitq<sub>3</sub> virêto,*

*Subiectum vestris vsibus esse volo.*

*Ne tamen ex istâ (semel hoc, iterumq<sub>3</sub> iubebo)*

*Arbore, vel primis tangite poma labris.*

*Illibata mihi maneat, sic impero! nàm mors*

*Præsens, & scelus est, vel tetigisse semel.*

*Sic magnus fuerat iusto DEVS ore locutus,*

*Indulgens reliquis largiter esse bonis.*

*Liuidus hoc fluctu rerum Stygis incola nigra,*

*Mortifero, tectus prodijt, angue, caput.*

*Prodijt, & blandis adiens sermonibus Euam,*

*(Aptior hæc armis pars quia visa suis)*

*Quis vetat eximios, inquit, decerpere foetus;*

*Aureaq<sub>3</sub> ambobus poma probare labris?*

*Ah! ferus, & vobis nimium crudelis, & hostis,*

*Delicias tales qui malè cumq<sub>3</sub> negat.*

*Nouit enim primis fuerint, vbi mansa labelis,*

*Vos fore consimiles, tempus in omne,*

*Dij.*

*Credite*

*Credite , nil tantis , nisi liuor , honoribus obstat :*

*Hoc timet , hoc istis legibus ille cauet.*

*Quare si vestris vultis benè credere rebus ,*

*Mandite : quid modicū mala probasse nocet ?*

*Dixerat orator catus hæc , vafer , atq; bilinguis ;*

*Et visus verbis Attica Musa suis.*

*Quid facient ? soluent magni mandata Tonātis ?*

*Hinc timor , ex aliâ parte trahebat honor.*

*Victus honore timor , capiunt tandem arbore  
fructum :*

*Hei ! mihi quàm multis flebilis ille fuit.*

*Nam D E V S apricum dum fortè perambulat  
hortum ,*

*Iam medium calido sole tenente diem :*

*Ficulnis illum folijs se nubere vidit ;*

*Monstrabat subitus hæc tegumenta pudor.*

*Vidit , & horribili succensus crimine , dixit ,*

*Quis membris suasit querere texta tuis ?*

*Quis vitare meos tantâ formidine vultus ?*

*Ah ! scelus , ah ! generis certa ruina tui.*

*Hoccine iussa Deūm facere est ? seruareq; leges ?*

*Ocius his , miseri , vertite terga locis.*

*Ite procul , lappas inter , tribulosq; , ferasq; ,*

*Det spinas tellus , quæ dedit antè rosas.*

*Antè poli flammæ , ponti numerabitis vndas ,*

*Quàm mala , per longos quæ patienda , dies.*

*Hæc*



*Hæc fuit in nostros sententia dicta parentes ;  
Vnum nunc luimus , posthuma turba , scelus ,*

COR HVMANVM IN DESIDERIO  
AETERNITATIS NON FIXVM,  
NVNQVAM STABILE POTEST  
ESSE. *Man. c. 25.*

**I**N his caducis , & transitorijs , in quibus animæ affectus captiui tenentur, veram requiem inuenire non valet : quoniam tantæ est dignitatis , vt nullum bonum, præter summum bonum, ei sufficere possit. *Man. c. 25.*

Quando anima te habet, plenum est desiderium eius , & iam nihil aliud quod desideret exterius restat. *Sol. c. 30.*

Cum enim sis summum, & omne bonum, non habet quod desideret amplius, sed possidet te omne bonum. *Ibid.*

Cùm autem creaturam desiderat, continuam famem habet, quia nihil est quod eam impleat, nisi tu ad cuius imaginem est creata. *Ibid.*

Cur



Cur ergo per multa vagâris homuncio, quærendo bona animæ tuæ, & corporis tui? Ama vnum bonum, in quo sunt omnia bona, & sufficit. *Man. c. 34.*

Quamdiu miser iactabor in fluctibus mortalitatis meæ clamans ad te DOMINE, & non exaudis? *Sol. c. 36.*

Anima tantæ est dignitatis, vt nullum bonum, præter summum bonum, ei sufficere possit. *Man. c. 25.*

O gaudium, super gaudium, gaudium vincens omne gaudium, extra quod non est gaudium? Quando intrabo in te, vt videam DEVM MEVM, qui habitat in te? *Sol. c. 35.*

O æterna veritas, & vera charitas, & chara æternitas, tu es DEVS MEVS, tibi suspiro die, ac nocte, tibi inhio, tibi intendendo, ad te peruenire desidero. *Med. c. 35.*

Hinc



*Hinc pascor a vulnere, hinc lactor ab vbre.*

*Guil. Collaert excud.*

## X X I.

Hinc pascor à vulnere , hinc lactor ab  
vbere.

**V**luimus , ô Pean ! hinc lacteus effluit imber ,  
Plaga meas illinc promit hiulca dapes.  
Si iaceam , præstò est nostro medicina dolori :  
Si valeam , pascor vulnere , lacte fruor.  
Vexat me malesana fames ? ad vulnera curro :  
Torret anghela sitis pectora : posco sinum.  
Quas ego delicias audis hic sugo labellis ;  
Quod datur hinc epulum , quod datur indè  
merum !

His Latia cedunt , his Graia fercula mensa :  
Hec magni præstant mellea vina Iouis.  
Tunc ego vel rex sum , vel rege beatior omni ;  
Tantus inest epulis gustus , honosq̃ tuis.  
Currite lacteoli , mea flumina , currite fontes ,  
Flumina pectoribus deliciosa meis.  
Currite , nam primo Phœbi venientis ab ortu ,  
Nil vobis vsquàm dignius orbis habet.  
O ! pleno quoties hilarastis gutture venas ;  
Cum niuens tales depluit imber aquas.  
O ! poto quoties satiaastis sanguine pectus :  
Et stupuit tantam mens mea luxuriam.



Purpurei querant opsonia Persica reges,  
Et Ganimedæâ Cacuba digna manu.

Ostrea venentur sub viroq<sub>3</sub> natantia ponto,  
Et quæ diuerso sole falerna calent.

Hic cibus, hic potus meus est, hic nobile nectar,  
Hic plena ambrosijs pabula delicijs.

Quid melius? rigat ora Parens, dat vulnera  
Natus:

Hic epulas vltro porrigit, illa merum.

Quò me cumq<sub>3</sub> traho, sequitur me tessera amoris:

Quò me cumq<sub>3</sub> fero, symbola amoris eunt.

Hac liceat statione mori! sin' viuere detur,

Excubias pernox hac statione traham.

Non benè consortes epulis patiemur in illis;

Nec socium reges, nec mea castra ferunt.

Riualem procul hinc, procul hinc arcebimus  
hostem:

Ne clepat hic latites, ne clepat ille dapes.

Positus in medio, quò me ventam  
nescio.

**Q**uò feror? incertum quis me sic auocat  
astus?

En pereò in medijs, Tantalus alter, aquis.

Hinc

Hinc mihi vina fluunt, hinc lactea flumina, &  
illa

Dulcia sunt animo, nec minus illa meo,  
Delicias nec libo meas: quid sannio rides,  
Et danda hellebori iugera plura refers?  
Ardeo tam suaves epulas, sed subtrahit horror,  
Obiectans remoram sensibus vsq<sub>3</sub> meis.  
Ibo tamen, timida laxabo repâgula frontis,  
Ibo, meis succum quærere, melq<sub>2</sub> labris,  
Pande mihi roseos, IESV, tua viscera, fontes,  
Mellifluumq<sub>3</sub>, canam, pande MARIA si-  
num.

Viscera sacra tument, sed & vbera lactea turgēt,  
Illa dapes nobis, hæc bona vina dabunt.

Fallimur, an costis magno torrente meracum,  
Fallimur, an mammislympida vena fluit?  
Ecquis id nostras reficit, satiatq<sub>3</sub> medullas?

Arida quis vino recreat ora sacro?  
Me prope despumat roseis vindemia costis:

Me prope virginei flumina lactis eunt.

Quò vadam? sapit hoc nostro, sapit illa palato;  
Copia me tantas distrahit inter opes.

Nescio quâ cremor ille tamen dulcedine pectus  
Pellicit, & roseo me magè fonte trahit.

Et VIRGO blandum teneris subridet ocellis,  
Et fontes laxat, mellea tota, suos.

Ergo



Ergo niuem liquidam, niueum prensabo Lyaum;  
 Hoc moribunda ruam perditus ora mero.  
 O! furia, ô! tristes animi cessate querela,  
 Dam curas sepelit, gemmea lympha, meas.  
 Adiuro te tristis hiems, adiuroq<sub>3</sub> venti,  
 Aemula ne tantis obstrepat aura bonis.  
 Tuq<sub>3</sub> diu Titan, tardoq<sub>3</sub> allabere curru,  
 Si nostras cernis non inimicus opes.  
 Alipedes cessa stimulo properare caballos;  
 Puncta, voluptati, paucula trade, meæ.  
 Iam plenis hausi dulcissima pocula venis,  
 Totaq<sub>3</sub> iam vegeto corpore fibra salit.  
 Purpureus tamen imber adhuc me pellicit, & se  
 Ut gustem, multis me vocat vsq<sub>3</sub> modis.  
 Dii Superi, quis me felicior? ecce pudoris  
 Vix sum lacte satur, cum noua messis adest.  
 O Amor, ô & vita meæ certissima vitæ,  
 Fax etiam in gelido viua futura specu,  
 Magne Deus, tenuem promas è pectore guttam:  
 Quid tota erumpunt flumina? gutta sat est.  
 Non peto sanguineum cordis mare, non peto magni  
 Pectoris effluuium nobile, gutta sat est.  
 Ah! si gutta meo sedeat vel parua palato;  
 Tam magno si me, sidera, rore beent:  
 Elicet exsultim curram, saliamq<sub>3</sub>, canamq<sub>3</sub>,  
 Donec, deposito corpore, funus ero.



HINC PASCOR A VVLNERE, HINC  
LACTOR AB VBERE.

**S**Vb vmbra illius , quem desideravi,  
Secce lætus sedeo , & fructus eius dul-  
cis gutturi meo. *Med. c. 25.*

Assumis mentem meam , D O M I N E  
D E V S , super alta iuga montium , ad areo-  
las vsque aromatum , & collocas me in  
loco pascuæ , super riuulos aquarum.  
*Man. c. 9.*

Dulcis C H R I S T E , bone I E S V , resplen-  
de mihi , accende me , illumina , & san-  
ctifica vas tuum , vt ad salutem animæ  
meæ manducem cibum carnis tuæ , qua-  
tenus manducando te viuam de te , vi-  
uam per te , perueniam ad te , & repau-  
sem in te. *Man. c. 11.*

O dulcedo amoris , & amor dulcedi-  
nis , comedat te venter meus , & nectare  
tui amoris repleantur viscera mea. Cha-  
ritas , D E V S M E V S , mel dulce , lac niueū,  
cibus,

cibus, & gaudium, fac me crescere in te,  
vt sano palâto possis manducari à me.  
*Man. c. 12.*

Tuta, & firma requies est infirmis, &  
peccatoribus in vulneribus Saluatoris.  
Securus illic habito, patent mihi viscera  
per vulnera. *Man. c. 21.*

Per has rimas licet mihi gustare, quàm  
suavis est Dominus DEVS, quoniam re-  
uêra suavis & mitis, & multæ misericor-  
diæ est. *Ibid.*

In omnibus aduersitatibus non inue-  
ni tam efficax remedium, quam vulne-  
ra Christi. In illis dormio securus, & re-  
quiesco intrepidus. *Man. c. 22.*

Omnis spes, & totius fiduciæ certitu-  
do, mihi est in pretioso sanguine eius qui  
effusus est propter nos, & propter salu-  
tem nostram. *Med. c. 14.*

Meritò mihi spes valida in illo est,  
quod sanabit omnes languores meos.  
Mul-

Multi enim, & magni sunt iidem languores mei; multi sunt, & magni, sed amplior est medicina tua. 10. *Confess. c. 43.*

Tu famelicorum satietas æterna danda esurientibus. *Sol. c. 22.*

Quomodò nos amasti, Pater bone, qui filio tuo vnico non pepercisti, sed pro nobis impijs tradidisti eum; quomodò nos amasti? 10. *Conf. c. 43.*

Ecce DOMINE, iacto in te curam meã, vt viuam, & considerabo mirabilia de lege tuâ: tu scis imperitiam meam, & infirmitatem meam, & sana me. Ille tuus vnicus in quo sunt omnes thesauri sapientiæ, & scientiæ absconditi redêmit me sanguine suo. 10. *Conf. c. 43.*





*Inimicus nos tee tetendit ante pedes  
nostros laqueos infinitos. Sol. c. 16.*

*Guil. Collaert excud.*

## XXII.

Inimicus noster tetendit ante pedes nostros laqueos infinitos, & omnes vias nostras varijs replêuit decipulis. S. August. Sol. c. 16.

**H**Ei! mihi quàm varijs trames scatet iste periclis:

*Et tamen hac cogor, per loca, ferre gradum.*

*Cyprius innumeros vbi casses abdidit auceps.*

*Abdidit innumeras, Cypria mœcha, plagas.*

*Promittunt equidem suaues venientibus escas.*

*Sed captos miris mactat vterq; modis.*

*Si brevis in toto callis foret vnicus orbe,*

*Quô regerem rectos, & sine fraude, pedes.*

*Ocius hâc peterem properanter limina celi;*

*Limina tot votis, tamq; petita meis.*

*Ast aliam (sic sunt vita nigra tempora) donant*

*Non mare, non amnes, non mihi terra viam.*

*Insidijs nam cuncta scatent, seu deniq; terram,*

*Seu freta prospectu metior ipsa meo.*

*Præstaret seuis prædonum cingier armis;*

*Montanas auido pascere dente lupas:*

*Quàm semel inuolui transfennis turpiter istis,*

*Quas multo celant, turba maligna, dolo.*



Mitius est illis siquidem genus omne ferarum:

Predonum, Paphiâ, mitior ira, manu.

Tragula quàm multos hac illaqueâuit Amantes,

Quàm multos, largo qui crepuère mero;

Si tenui fortasse velis percurrere versu,

Ilias est chartæ magna futura tuæ.

Hic miser, heu! quondâ captus Laandreperiſti,

Cum foret ante oculos, Sesta puella, tuos.

Hic Pari, Sigæ gelidis in vallibus Idæ,

Astrinxit laqueo te, Cytherea, suo.

Quarè me tanta fixum est non credere fraudi:

Quò plus artis inest, hoc magè cautus ero.

Antè caput nostrâ cadet a ceruice reuulsum;

Quàm te, prostibuli turpis alumna, sequar.

Exsanguis lethale gelu prius ibit in artus;

Quàm me diuitijs ludere, munde, que as.

Carior, & multò vitæ pretiosior aura est;

Quâ semel extinctâ, postea nulla redit.

Si tamen hos inter debemus tendere casses,

Qui patrij petimus mœnia clara poli:

O bone Dux vitæ, mea Lux, bone mētis Achates,

Occultas aperi, te præcunte, vias.

Te sine Cymmerio fuscant Styx omnia velo:

Decipulasq; tegit, cauta Voluptas, suas.

Pande, precor, fraudes, & tecta pericula; magnos

Sic Superos inter, pars bona semper agas.

Per-



Perdit quod viuit, qui te Deum non diligit. S. August. Man. c. 14.

**V**ides, vt atri fulminis in modum  
 Labatur etas, vtq<sup>3</sup> citum diem  
 Trudat dies, pellatq<sup>3</sup> noctem  
 Nox tacito properata passu?  
 Alata non sic tela Iouis cadunt,  
 Non sic meatus per liquidos poli  
 Aut hasta stridens, aut lacerto  
 Pulsa volat Scythico sagitta.  
 Longâ quid ergo mollis inertia, &  
 Graui veterno torpidus, optimos  
 Vitæ fugacis tam nocenter  
 Vsq<sup>3</sup> dies finis auolâre?  
 Et mente brutâ plenus, & ebrius  
 Caput veratro est, qui cariem vltima  
 AEtatis, & facem caduci  
 Temporis ingenue reseruat  
 Menti offerendam: polline, Cypriam  
 Iuuenta placet, decrepitos, ait,  
 Senecta cum vellet capillos,  
 Furfure tunc faciemus astris.  
 Ah! insolentis nequitia virum:  
 Fracto quid auo denique colliges,

Præter laborantes acutis  
 Articulos, stomachumq; morbis?  
 Nunc est agendum, nunc prece feruidâ  
 Pulsandus æther, nunc locus, & tuæ  
 Tempus saluti, dùm virenti  
 Canities procul est morôsa,  
 Et sanguis imis floret in ossibus  
 Intaminatus. Quid residem tenet,  
 Luditq; mentem? certa nunquàm  
 Hora homini reditura transit.  
 Olim exolêto si veniat tibi  
 Aetas, citato quæ properat pede,  
 Ausu virili tùm valebis  
 Aethereas superare nubes?  
 Hac arte nullus fidereas petit  
 Innixus arces, nullus adoreâ  
 Vdos coronatus capillos,  
 Exitialem Acheronta fugit.  
 Capax laborum, quam teris, area est,  
 Nunc hora palmæ, nunc meriti locus;  
 It vita, quid morâre? magnum est  
 Quæ fluit hora, diesq; lacrum.

INIMICVS NOSTER TETENDIT ANTE  
PEDES NOSTROS LAQVEOS INFI-  
NITOS, ET OMNES VIAS NOSTRAS  
VARIIS REPLEVIT DECIPVLIS. *Solil.*  
*cap. 16.*

**T**Entamur tentationibus quotidie,  
DOMINE, sine cessatione tentamur,  
quotidiana fornax est. *10. Confess. c. 37.*

Ecce, DOMINE DEVS MEVS, mundus  
totus plenus est concupiscentiarum la-  
queis, quos parauerunt pedibus meis, &  
quis effugiet hos laqueos? *Sol. c. 12.*

Et ideo, DEVS MEVS, ad te clamamus,  
libera nos ab aduersario nostro quoti-  
diano, qui siue dormiamus, siue vige-  
mus, siue comedamus, siue bibamus o-  
mnibus modis instat die ac nocte, frau-  
dibus, & artibus, nunc palam, nunc oc-  
cultè sagittas venenatas contra nos diri-  
gens, vt interficiat animas nostras. *Sol.*  
*cap. 16.*

Quò magis quis est in tenebris, eò  
H 3 minus



minus videt laqueos in viâ suâ , & ideo minus cognoscit , & idcirco sæpius rapitur , & cadit in eis. *Sol. c. 17.*

Versutus est enim Domine iste hostis, & tortuosus, nec facile deprehendi possunt circuitus viæ eius, nisi tu illumines. *Ibid.*

Inimicus vt occîdat semper vigilat sine somno , & nos vt custodiamus nos nolumus euigilare à somno. *Sol. c. 16.*

Hæ sunt vmbrae tenebrarum quibus operior in hac abyssu caliginosi carceris huius; in quâ prostratus iaceo donec aspi-ret dies, & inclinentur vmbrae. *Sol. c. 12.*

Nunc Redemptor te precor, per te ad-iuua me, ne corruam in conspectu aduer-sariorum meorum captus laqueis eorum, quos parauerunt pedibus meis, vt incur-uent animam. *Ibid.*

Quis est homo qui suam cogitans in-firmitatem audet viribus suis tribuere  
casti-

castitatem , atque innocentiam suam?

2. *Confess.*

In his tentationibus positus certo  
quotidiè aduersus concupiscentiam , &  
quis est Domine , qui non rapiatur ali-  
quantulùm extra metas necessitatis ? 10.  
*Conf. c. 32.*

Libera me , Domine , & animam meam  
ab omnibus insidijs inimici , & conserua  
me in tuâ voluntate. *Med. c. 40.*

Venit tentator tenebrosus vt est , &  
vt eum despicerem , tu me confortasti.  
*Sol. c. 16,*







*O Amor qui semper aedes, et nunquā exstingueis,  
accende me totum igne tuo. S. Aug. Man. c. 10.*

*Guil. Collaert excud.*



## XXIII.

○ Amor qui semper ardes, & nunquam  
extingueris, accende me totum igne  
tuo. S. Aug. Man. 6. 10.

**N**on peto Mygdonijs mea sit domus alta  
columnis,

Effuso madeat, grandis vt aula, mero:

Non peto Phaacas superent viridaria syluas,

Alcinoi felix vt mihi vernet ager:

Non peto Persarum thesauros, non peto arenas

Gemmifer Inde tuas, aurifer Herme tuas;

Hoc vnum (pulcro seu Sol me spectat ocello,

Seu pernox tacitos Cynthia ducit equos)

Flagito, Seraphicis caleat mea pectora flammis,

Pectora Bistoniâ frigidiora niue.

Ah! magnos quoties, istis dum tabeo curis,

Procubui, totis noctibus, ante Deos:

AEmulus electro, vitroq; simillimus amnis

Labitur, inflexo, prata per vda, pede:

Quem supra myrtus protendit plurima ramos,

Cetera florigero gramine terra viret.

Non semel hic, magno perfusus pectora fletu,

Quid votis, dixi, posset obesse meis?

*Quæ desiderijs sunt ista repâgula nostris?*

*Quæ fortuna, precor, quod mihi crimē obest?*

*An quod amore vaco? vel si calor æstuat intus,*

*Languida, permodico, vena, calore salit.*

*Hoc reor, æthereo, quærit quia lapsus Olympo,*

*Non nisi flamminiomas, Spiritus ille, fibras.*

*Nunc quia colluie scelerum mea pectora foetent,*

*Cænosum Deus hic horret adire locum.*

*Sol nouus auratum quoties caput extulit vndis,*

*Arbor, & herba nouis ignibus vsta virent.*

*Et glacie, & niueis durata cacumina crustis,*

*Continuò Zephyro dulce calente fluunt.*

*Tum terram tepidis fœcundat amoribus æther;*

*Cunctaq; fœtificis rura maritat aquis.*

*Nos autem nullis dignantur sidera flammis:*

*Sic vitæ lex est tristis, & asprâ meæ.*

*O! Amor, arfisti rutilâ qui lampade semper,*

*Nec meta est faculis, quam vereâre, tuis:*

*Da, precor, in nostro radiant ita pectore flammæ,*

*Vt solet in vestro fulgere flamma choro.*

*Hoc lacrymæ, nostris vberrima pabula curis,*

*Hoc gemitus, animi nuntia signa, petunt.*

Tuta , & firma requies peccatoribus in  
vulneribus Saluatoris. S. Aug. Man. c. 21.

**N**emo mihi credet, pede quā mea vita sinistro,  
Ex quo vitali flamine vescor, eat.  
Nondūm vestibat lanugo Cydonia malas;  
Fortia cum cœpi bella mouēre manu.  
Imò ( fide maius ) veniens genitricis ab aluo,  
Alcides gressi iam nouus, arma, puer.  
Qui fuerint hostes queris? nihil acrius illis,  
Armis, ingenio, calliditate, dolo.  
Nam Venus illecebris, & gazis Plutus, & ipsa  
Styx, summis in me viribus acta, ruit.  
Hactenus, vt cautes studui tot frangere motus:  
Nunc vires superant hostica turba meas.  
Aspice quā fœdis pateant laniatibus ora;  
Dextera quā multis, læuāq; cæsa locis.  
Aspice quā crebris lacer est meus vmbro sagittis:  
Et vacat are caput, & vacat ense latus.  
Area quā tanti feruent incendia belli,  
Si vis me paucis dicere, mundus hic est.  
Sapē quidem fuso palmam portauimus hoste:  
Sapē dedi victas turpiter ipse manus.  
Sic vtriq; fuit variabilis alea belli:  
Sed mihi Mars visus dura nouerca magis.



Nā patulū quoties eduximus agmen in aquor,  
Aduersōq<sub>3</sub> stetit frons inimica viro:  
Pœnē Stygis rector (pudet, heu! pudet ista fateri)  
Pœnē Venus semper clara trophæa tulit.  
Hīc magnis quondam steterunt munimina fossis,  
Præsidium trepido, perfugiumq<sub>3</sub> mihi,  
Classica Lethæi quoties sonuere manipli,  
Et fudere suam, castra inimica, manum;  
Vndiq<sub>3</sub> sed multo tandem ruit ariete vallum:  
Vix paruus, qui me protegat, agger adest.  
Nuper fulgebat primo super aquore Titan;  
Egerat & toto sidera clara polo:  
Feruentem è speculâ cum vidi milite campum,  
Et coniuratos in mea fata viros.  
Tunc ego demissis animoq<sub>3</sub>, & turpiter armis,  
Hâc, dixi, non est in statione salus.  
Excedam dum fata sinunt, nec turpe putabo  
Me trepidum castris insinuare nouis.  
Hæc ubi dicebam, laniati corpore toto,  
Ante oculos subiit, tristis imago Dei.  
Et dixit, quod te luctu deperditus effers?  
Hic bonus, ostendens vulnera, vallus, ait:  
Innumeri hoc tuti latuērunt aggere, nulla  
Spes quibus, auxilio deficiente, fuit.  
Aspice cinxit Amor quàm pectora fortiter; omni  
In quibus excubias nocte, dieq<sub>3</sub> gerit.

*Hoc ergo te conde loco , nil tutius ; isto*

*Dormi, nil posset mollius esse, toro.*

*Sic ait, abiectumq; metu me sustulit illic,*

*Hostica qua sacrum diffidit hasta latus.*

**O** AMOR, QVI SEMPER ARDES,  
ET NVNQVAM EXTINGVERIS,  
ACCENDE ME TOTVM IGNE  
TVO. *S. Aug. Man. c. 10.*

**O** Amor, qui semper ferues, & nun-  
quàm tepescis, accende me! Accen-  
dar inquam totus à te, vt totus diligam  
te. Minus enim te amat, qui tecùm ali-  
quid amat, quod non propter te amat.  
*Sol. c. 19.*

**O** Amor, qui semper ardes, & nunquàm  
extingueris, dulcis CHRISTE, bone IESV,  
accende me totum igne tuo, vt totus dul-  
cedine amoris tui plenus, totus flammâ  
tuæ charitatis vaporatus, diligam te DO-  
MINVM MEVM, dulcissimum, & pulcher-  
rimum. *Man. c. 10.*

**O** Lux, quæ semper luces, & nunquàm  
ob-



obfuscaris, illumina me. Ignis sancte  
quàm dulciter ardes, quàm secretè lu-  
ces, quàm desideranter aduris. Væ ijs qui  
non ardent ex te. *Sol. c. 34.*

O Lux beatissima, quæ non nisi à pur-  
gatissimis oculis videri potes sana oculos  
meos, vt sanis oculis te contempler, quem  
non nisi sani oculi intuentur. *Ibid.*

Dulcis CHRISTE, bone IESV, reple  
semper, quæso, cor meum inextinguibili  
dilectione tui, continuâ recordatione  
tuâ, adeo vt sicut flamma vrens, totus ar-  
deam in tui amoris dulcedine, quem &  
aquæ multæ in me nunquàm possint ex-  
tinguere. *Med c. 35.*

Pondus meum amor meus, eò feror,  
quocumque feror. Dono tuo accendi-  
mur, & sursum ferimur, inardescimus, &  
imus. 13. *Confess. c. 9.*

Lux quæ illuminas omnia tota si-  
mul, semel, & semper, absorbe me in  
claritatis abyssum, vt videam vndique  
te



te in te, & me in te, & cuncta sub te.  
*Sol.c.13.*

Quia tui valida est vt mors dilectio,  
abforbeat, quæso, mentem meam ab  
omnibus quæ sub cælo sunt, ignita &  
melliflua vis amoris tui, vt tibi soli inhæ-  
ream, solâque tuæ suauitatis memoriâ  
pascar. *Med.c.35.*

Rex MEVS, extingue in me desideria  
carnis, & accende ignem tui amoris.  
*Med.c.1,*

Amo te, DEVS MEVS, amore magno,  
magisque te amare cupio. Da mihi amem  
te semper quantum volo & quantum de-  
beo. *Med.c. 35.*



*S. Augustinus Pater Patrum, Doctor Doctorum,  
abyssus Sapientie. Possid. epist. ad Mac.*

*Guil. Collaert excud.*

XXIV.

S. AVGVSTINVS Pater Patrum. Doctor.  
 Doctorum, abyssus sapientiæ. Possid.  
 epist. ad Maced.

**Q**visquis, AVRELI, fidibus, vel acri  
 Tibiâ credit memorare laudes,  
 Ille stellato Phaëtontis axem

Ducere celo,

Ille ceratis liquidum secare  
 Aërem pennis putet; atq; magni  
 In cauo vastas puteo locare

Aequoris vndas.

Namq; spumosum velut æquor, omni  
 Parte quod fundo caret, atq; ripâ;  
 Sic inexhaustâ fuit ille rerum.

Plenus abyssso.

Ingeni excedens acie sagaci  
 Ceteros, quantum rapidi minister  
 Fulminis, turmam reliquam volantûm,

Lumine præstat.

Quô nihil maius, numerisq; cunctis  
 Pienius mundo Superi dedere,  
 Nec dabunt, etsi redeant in orbem.

Prisca.



*Prisca virorum*

*Turba magnorum : grauiore plectro*  
*Qui sacras quamuis resonent ad aras,*  
*Tu PATER docto superabis ore*

*Aureus omnes :*

*Laureâ frontem redimite castâ ,*  
*Seu graues nodos, salebrasq; densas*  
*Expedis nobis , & amara dulci*

*Melle perungis :*

*Seu canum tetram rabiem latrantûm,*  
*Vimq; dentatæ Stygis, & furores*  
*Impios multo fodis, enecasq;*

*Inclyte ferro.*

*Nec parem certè tibi, nec secundum*  
*Vlla cognouit, neque noscet atas,*  
*Aureo cuius sine fine manat*

*Amnis ab ore.*

*Tu poli lampas radiosa, densas*  
*Quæ fugat toto nebulas Olympo :*  
*Tu pruinôsæ varius refulgens*

*Arcus in auro.*

*Tu micæ vernum quasi liliætum*  
*Purius primâ niue; tu rosarum*  
*Messis, & gemmatus onyx liquenti*  
*Plenus amômo.*

Intellectus acumine, ingenij perspicuitate, disputandi acrimoniâ, inueniendi copiâ, differendi subtilitate, monstrum quodam in naturâ fuit AVGVSTINVS. B. Thomas à Villâ-nouâ.

**I**mmortale decus sacra palestra,  
 Nature vltima vis, & vnus omne,  
 Quod votis Superos rogamus omnes,  
 Seu formam video, ingeniq; nunquàm  
 Exhaustum pelagus, pauens, & excors,  
 Et linguâ quasi destitutus asto.  
 O Sol, ô! pater, & sator diei,  
 Quod tuis iubar emicat quadrigis?  
 Quæ suauis magè delicata vino,  
 Et puro magè præferenda nardo,  
 Dulci roscida mella ab ore manant?  
 O monstrum vitio carens, ô! ingens  
 Torrens eloquij, ô diserta Siren,  
 Et verum genus Atticæ Camæna,  
 Et verum Latie genus Siliada,  
 Cuius sedit & illa, & illa labris,  
 Et paruum subitò imbuere pectus.  
 Tu felix olea, virensq; germen,  
 Nunquàm non graue prominente baccâ.  
 Vitem quis neget esse te, perennes

Vndè

Vndè carpinus hinc, & hinc racèmos?  
 Auro subrutilans rosètum, & ostro;  
 Vernis ebria lilièta lymphis?  
 Certè totus es ista: quodq<sub>3</sub> possunt,  
 Quod possunt quoq<sub>3</sub> non loqui Camœna.  
 Salve lux sine nube, vera cali  
 Fulgentis facies, & absq<sub>3</sub> fundo,  
 Et vagis sine fluctibus profundum.  
 Salve vas solidum aureo metallo,  
 Sabæo redolens acerra fumo.  
 Tu sacri basis, & columna templi;  
 Tu nostris panaces parata morbis.  
 Quis dignè referat tuos honores  
 Hunc quem cernimus æmuli decorem?  
 Irim cùm pluuiò relucet auro,  
 Describent citius, poliç<sub>3</sub> flammæ,  
 Quàm proferre queant tuos honores,  
 Enarrare tuos stylo decôres.



S. AVGVSTINVS PATER PA-  
TRVM, DOCTOR DOCTORVM,  
ABYSSVS SAPIENTIAE. *Possid.  
epist. ad Maced.*

**C**ertè quidquid dici potuit, & subli-  
mi ingenio de Scripturarum san-  
ctarum hauriri fontibus, à te disertum  
est. *D. Hier.*

Si sapientia lux est, quis in Ecclesiâ  
Dei ita lucet vt AVGVSTINVS? A So-  
le omnia astra lucent, ab AVGVSTINO  
omnes qui post ipsum fuerunt Docto-  
res sapientiæ lumen accipiunt. B. THO-  
MAS A VILLANOVA.

Habuit sapientiam sicut arênam ma-  
ris; sicut enim arêna maris innumerabi-  
lis est, sic & libri eius innumerabiles  
sunt. *S. Prosper.*

Sicut

Sicut stellæ lumen à Sole recipiunt;  
 sic omnes Doctores scientiam recipiunt  
 ab AVGVSTINO, *Remigius Antifiodor.*

Ex labijs eius sermo ignitus, fauo  
 dulcior, lacte suauior, balsamo pretio-  
 fior mirâ copiâ distillat. B. THOMAS A  
 VILLA-NOVA.

O copiôsum sapientiæ flumen, fœcun-  
 dius Nilo, & Danubio redundantius ! ô  
 vasculum sapientiæ capacissimum ! ô  
 immensum diuinorum secrêtorum pe-  
 lagus ! ô quem te memorem PATER  
 AVGVSTINE ! omnis laus inferior te est.  
*idem.*

Si delicioso cupitis pabulo faginari,  
 S. AVGVSTINI opuscula legite ; & ad  
 comparisonem siliginis illius, nostrum  
 furfurem non quæratis. D. GREG.

Intellectus acumine, ingenij perspicui-  
 tate, disputandi acrimoniâ, inueniendi  
 copi-

copiâ, differendi subtilitate, monstrum  
quoddam in naturâ fuit A V G V S T I N V S.  
B. T H O M. A V I L L A N O V A.

A V G V S T I N V S subtilius omnibus vo-  
lans omnia reserauit, & ideo meritò An-  
gelus non naturâ, sed gratiâ nuncupatus.  
*S. Paulin.*







*Triumphus S. Augustini.*

*Guil. Collaert excud.*

XXV.

D. A V G V S T I N O de deuictâ  
Hælesi.

**F** Allimur, an curru nouus æthera Victor e-  
burno,

Tempora Phœbæâ virgine nexus, adit?

Ecquis, iò Pæan, vasti super atria cæli,

Ecquis iò, clarâ voce, triumphe sonat?

Non hîc edomitâ Bromius Gangetide terrâ,

Lauriger, adiunctis tigribus, astra petit:

Non fragilem maior molitur Atrida trium-  
phum,

Truncandus patrios, heu! miser ante Deos.

Non ardens sceptris, rerum insatiâta vorago,

Festâ coronatis Roma triumphat equis,

Sed superas victor scandit PATER AVREVS  
arces,

Impositis Erebi monstra premens pedibus.

Aulæis festiua micant delubra superbis:

Semina iactatis erubuitq; rosis.

Hic Arabum messes, Syrios liquat alter odo-  
res,

Huius Achæmenios halat acerra focos.



Hostica spectatis spolia , & de Dite superbo  
 Exuias, pompæ fercula longa sacræ?  
 Cernitis anguineos vt eat demissa capillos,  
 Terribiles spirans HÆRESIS ore minas?  
 Vincula grauant ærata caput , tamen vsq<sub>3</sub> fe-  
 rôcit:

Tetraq<sub>3</sub> de sauo corde venena spuit.  
 Ponè subit MANES, scelerumq<sub>3</sub> PELAGIVS  
 author,

Tabida demissis squallidus ora comis.  
 Vt frendent , oculisq<sub>3</sub> vibrant hostilibus ignem,  
 Laurigeras præiens fœdus vterq<sub>3</sub> rotas!  
 Infelicem animam ponant , temerâre Deo-  
 rum

Discant impurâ relligione metum.  
 Hostia tam periura sacras iàm iàm imbuat  
 aras :

Non est Tarpëis dignior vlla focus.  
 Tu quoq<sub>3</sub> nequitia semen DONATE peribis;  
 Donasti socio qui mala verba gregi.  
 Eia triumphales vmbrent tua tempora lauri;  
 Omnis , MAGNE PATER, victima fusa  
 iacet.

Victima fusa iacet, furuâ quam protulit aluo  
 Styx nigra , Tartareum sugere suêta me-  
 rum.



Eximys hæc est victoria digna triumphis,  
 Cæsus vbi vnus viribus, hostis obit.  
 Cùm rueret Carthâgo decem succensa diëbus,  
 Magno Scipiada pars quota laudis erat ?  
 Partem plebeius, partemq; triarius, huius  
 Excidiÿ haud paruam, si benè reris, habent:  
 At tua, MAGNE PATER, seposita est laurea  
 ab omni

Compare, Palladiâ laurea parva manu.

Si cuncta corporis membra verterentur  
 in linguas, adhuc non essem suffi-  
 ciens ad laudandum tantum Patrem,  
 & Doctorem. Possid. Episc. ad Maced.

VT teneras inter violas, purissima mella,  
 Prata per, & colles, dadala sugit apis:  
 Sic inter flores, inter violaria Amoris,  
 Lecta meâ sunt hæc mollia ferta manu.  
 Quæ coram, PATER ALME, tuis modò sisti-  
 mus aris:

Munera sunt merito si modò digna tuo.  
 Est impar fortuna meis conatibus, vnde  
 Carpere quas possum, cogor egênus, opes.  
 Hoc saltem timidam recreatq; , inuatq; Ca-  
 menam;

Conari in magnis, & bene velle, pium est.

Ergo libens studiū spectā donaria nostri,  
 Et modulos, venæ languidioris opus.  
 Sic nisi se merito gauderent carmine Diui,  
 Quæ foret æthereo sat lyra digna choro?  
 Eōs quoties mea fumat acerra vapores,  
 Et fero supremis lilia flaua Dijs;  
 Si dicant, quid vane pŷs altaribus infers?  
 Maiestas tales nunquid anhelat opes?  
 Assyrio nunquid vesci nos credis odore;  
 Quod magnos pascat stactea myrrha Deos?  
 Non tamen hæc faciunt, tanta est clementia,  
 verūm

Exiguo gaudent se quoq<sub>3</sub> honore coli.  
 Dantur in auratâ Cynareia gramina lance:  
 Dantur & in paruis thurea grana focis.  
 Agnaq<sub>3</sub> tam lactens castas maclatur ad aras,  
 Quam de cornigero capta iuuenca grege.  
 Et Pater Oceanus riuos capit ipse mino-  
 res:

Et Triuiæ cordi est vnica bacca Deæ.  
 Iuppiter (istâ fides priscis si danda poëtis)  
 Stramineam subiit, non semel, ipse casam.  
 Et posito fastu, cepit discumbere mensâ;  
 Vilis vbi cunctum fecerat herba cibum.  
 Vsq<sub>3</sub> adeo veteres facilem finxere, bonumq<sub>3</sub>;  
 Vsq<sub>3</sub> adeo comis creditus ille Deus.

Cum



Cùm fugeret regis vires, ensemq<sub>3</sub> Pelasgi,  
 Quæsiuit sitiens Persa tyrannus aquas.  
 Sed deserta siti regio, solatia nulla,  
 Arenti nullam terra ferebat opem.  
 Fortè tamen miles limosam casside lympham  
 Attulit, & fesso præbita lymp<sup>h</sup>a duci.  
 Iuravit sibi nil melius, nil gratius vnquàm,  
 Hanc vbi gustavit rex, potuisse dari.  
 Nos quoq<sub>3</sub>, MAGNE PATER, tenuem Per-  
 mesidos vndam,  
 Sertaq<sub>3</sub> non vllò compta decore damus.  
 Carpe libens, nec nos vultu aspernare seüero:  
 Qui tuus est reliquis, sit mihi notus amor.  
 Cantabunt alijs, quibus haud inuidit Apollo,  
 Virtutes venâ diuitiore tuas.  
 Et te Theiologi referent caput esse Lycæi;  
 Te columnen fidei, perniciemq<sub>3</sub> Stygis.  
 Te PATREM dicent, à quo ceu fonte perenni,  
 Doctorum sacris ora rigantur aquis.  
 Hæc alijs grandi resonabunt pectine Vates:  
 Si possint laudes tangere fortè tuas.  
 Namq<sub>3</sub> tuæ tam magna fuit facundia lingue,  
 Ingenij quondam flumina tanta tui:  
 Vt citius calthæ Siculâ referantur in Hyblâ,  
 Quot breue Mopsopiæ ver populantur a-  
 pes:



*Quot conchas habet Oceanus, quot fertilis  
hortus*

*Cultori reddit punica poma suo;  
Quàm tua promerito referant encomia ple-  
tro;*

*Et Suâdæ innumeras mellifluentis opes.*

D. AVGVSTINO DE DEVICTA  
HÆRESI.

**O** Firmissimam Ecclesiæ columnam!  
ô magnum fidei propugnaculum!  
meritò proinde ab Ecclesia malleus  
Hæreticorum nuncupatus. B. THOMAS  
A VILLANOVA.

Doctor excellentissimus AVGVSTI-  
NVS, defensor fidei nostræ, in diuinâ me-  
ditatione semper assiduus, metu mortis  
intrepidus, destruxit sacrilegos, atque su-  
peravit Hæreticos. S. Hilarius.

AVGVSTINVS est columna & firma-  
mentum veritatis, & verè columna nu-  
bis, in quâ thronum suum posuit sapien-  
tia Dei. Rupert.

Do-

Doct̃or eximius beatissimus A V G V S T I N V S, debellator Hæreticorum, decurrit tanquam fons purissimus nullâ fœce pollutus. *Cassiodor.*

Quæ virtus, quæ gratia defuit A V G V S T I N O ? Si diuina sapientia quæritur, quasi stella matutina in medio nebulæ, & quasi luna plena in diēbus suis lucet, & quasi sol refulgens in templo DEI: si ingenii acumen, quasi cypressus in altitudinem se extollens: si decor virtutum, quasi vas auri solidum ornatum omni lapide pretioso: si charitatis ardor, quasi ignis effulgens; si deuotionis feruor, quasi thus ardens in igne: si fructus animarum, quasi oliua pullulans; si religionis institutio, quasi plantatio cedri in monte Libano, sic circa illum multitudo innumera Religiosorum steterunt, & omnes filii huius magni Aaron. B. THOM. A. VILLANOVA.

O fidus maximum, A V G V S T I N E PATER, quantum Ecclesiam DEI tuâ sapientiâ illustrasti! quantum tuâ præsentia errorum.

errorum tenebras effugasti! nunc enim te authore, te magistro, ita omnia sunt lucida, ut errare non possit, nisi qui ex industriâ velit hallucinari. *ibidem.*

Sicut sol in lumine excedit omnes planetas; ita AVGVSTINVS omnes Doctores excessit, in exponendis scripturis.  
Remig.

I N D E X



# I N D E X.

## Liber Primus.

I.

### ANATHMA.

**M**ihi acclamabatur præ multis coætaneis, & conlecto-  
ribus meis. *S. August. 1. Conf. c. 17.*  
Folio 4.

I I.

Quid enim sum mihi sine te,  
nisi dux in præceps ? *S. August.*  
*4. Conf. c. 1.* fol. 11.

Tu DEVS vidisti de longinquo  
lapsantem in lubrico. *4. Confes.*  
*cap. 2.* fol. 12.

I 5

Reti-

# INDEX.

## III.

Retinebant me nugæ nugarū, & vanitates vanitatū. 8. *Conf. c. II. f. 19.*

Excesserant caput meum vepres libidinum, & nulla erat eradicans manus. 2. *Conf. c. 3. fol. 21.*

## IV.

Instâbas in occultis meis DOMINE, flagella ingeminans timoris, & pudoris. 8. *Conf. c. II. fol. 27.*

## V.

Sic ægrotâbam & excrucîâbar miser, voluens, ac versans me in vinculo meo. 8. *Conf. c. II. fol. 33.*

Mater pro me quotidie tibi rigabat terram sub vultu suo. 5. *Conf. c. 8. fol. 35.*

Ea-

# I N D E X.

## V I.

Fames mihi erat intus ab interiori cibo teipso DEVS MEVS.

3. *Conf. c. 1.* fol. 41.

Circumstrepêbat me vndique fartâgo flagitiôsorum amôrûm.

3. *Conf. c. 1.* fol. 44.

## V II.

Quamdiu ? quamdiu ? Quare non hâc horâ finis turpitudinis meæ ? 8. *Conf. c. 12.* fol. 49.

Suspirâbam ligatus non ferro aliêno, sed meâ ferreâ voluntate.

8. *Conf. cap. 5.* fol. 51.

## V III.

Tolle lege, Tolle lege. 8. *Conf. c. 12.* fol. 57.

Tu non poteris, quod isti, & istæ ? 8. *Conf. c. 11.* fol. 59.

Ra-



# I N D E X.

## I X.

Rapiunt indocti cælum, & nos cum doctrinis nostris vbi volutamus? in carne & sanguine. 8. *Conf. cap. 8.* fol. 65.

Volutabar in cœno platearum Babylonix, tanquàm in cinnamomis, & ynguentis pretiosis. 2. *Conf. cap. 3.* fol. 67.

## Liber Secundus.

### X.

**E**Cce cor meum DEVS, ecce cor meum quod miseratus es in imo abyssi. 2. *Conf. c. 4.* fol. 73.

Serò te amaui pulchritudo tam antiqua, & tam noua, serò te amaui. 10. *Conf. c. 27.* fol. 75.

Quis

# I N D E X.

## XI.

Quis accepit manum meam,  
vt ex tenebris quas amabam me  
educeret? *Sol.c. 37.* fol. 81.

Tribue mihi vt laudet te cor  
meum, & lingua mea, & omnia  
ossa mea. *Man.c. 5.* fol. 83.

## XII.

Inebria cor meum sobria ebrie-  
tate amoris tui. *Med.c. 37.* fol. 89.

Quid tibi sum ipse vt amari te  
iubeas à me, & nisi faciam iras-  
caris mihi? *1. Conf.c. 5.* fol. 90.

## XIII.

Percute DOMINE hanc men-  
tem piâ cuspide dilectionis tuæ.  
*Med.c. 37.* fol. 97.

Bone

## I N D E X.

Bone IESV fac vt sicut flamma  
vrens totus ardeam in tui amoris  
dulcêdine. *Med. c. 35.* fol. 99.

## X I V.

Amor vbi venerit ceteros in se  
omnes traducit, & captiuat affe-  
ctus. *Man. c. 18.* fol. 105.

Quæ cantica, quæ cantilênæ,  
quæ melodiæ ibi sine fine decan-  
tantur! *Man. c. 6.* fol. 107.

## X V.

Fecisti nos ad te, & inquiêtum  
est cor nostrum, donec requiescat  
in te. 1. *Conf. c. 1.* fol. 113.

Tædeat me dulcis IESV gaude-  
re sine te, & delectet contristari si-  
ne te. *Med. c. 7.* fol. 115.

Polum



# I N D E X

## X V I.

Polum penetrabo mente, & desiderio tecum ero. *Man. c. 14.* f. 121.

Sit mihi nomen tuum IESU refrigeratio, & memoria tui reconciliatio. *Med. c. 7.* fol. 123.

## X V I I.

Fons vitæ da sitienti animæ meę sæper bibere ex te. *Med. c. 37.* f. 129.  
Possideam te beatitudo sempiterna, possideam te in medio cordis mei. *Sol. c. 1.* fol. 130.

## X V I I I.

Amor lubricæ ætatis motus, actusque leues coercet. *Man, c. 19.* fol. 137.

Melius est mihi non esse, quam sine IESU esse. *Med. c. 39.* fol. 139.

Li-

# I N D E X.

## X I X.

Libros de SS. *Trinitate* quos suscep-  
ceperat, S A V G V S T I N V S Pueruli  
monitu relinquit. fol. 145.

## X X.

Cor humanum in desiderio  
æternitatis non fixum, nunquam  
stabile potest esse. *Man. c. 25.* fol. 153.

O misera fors hominis, cum hoc  
perdidit ad quod factus est, & in-  
uênit miseriam, ad quam factus  
non est. *Man. c. 31.* fol. 155.

## X X I.

Hinc pascor à vulnere, hinc  
lactor ab vbere. fol. 191.

Positus in medio, quò me ver-  
tam nescio. fol. 192.

Ini-

# I N D E X

## X X I I.

Inimicus noster tetendit ante  
pedes nostros laqueos infinitos, &  
omnes vias nostras varijs repleuit  
decipulis. *Sol. c. 16.* fol. 169.

Perdit quod viuit, qui te DEVM  
non diligit. *Man. c. 10.* fol. 171.

## X X I I I.

O Amor qui semper ardes, &  
nunquam extingueris accende  
me totū igne tuo. *Man. c. 10. f. 177.*

Tuta, & firma requies peccato-  
ribus in vulneribus SALVATO-  
RIS. *Man. c. 21.* fol. 179.

## X X I V.

S. AVGVSTINVS PATER PA-  
TRVM, Doctor Doctorum, abyf-  
sus sapientiæ. *Possid. Episc ad Mac.*  
fol. 187.

## X X V.



## I N D E X.

Intellectus acumine, ingenij  
perspicuitate, disputandi acrimo-  
niâ, inueniendi copiâ, differendi  
subtilitate, monstium quoddam  
in naturâ fuit A V G V S T I N V S.  
*B. Thomas à Villâ-nouâ.* fol. 189.

## X X V.

D. A V G V S T I N O de Deuictâ  
Hæresi. fol. 196.

Si cuncta corporis membra ver-  
terentur in linguas, adhuc non es-  
sem sufficiens ad laudandum tan-  
tum Patrem, & Doctorem. *Possid.*  
*Episc. ad Maed.* fol. 193

## E I N I S.

Licentia Reu. admodum Patris Prouin-  
cialis ordinis Eremitarum S. AVGV-  
STINI per Germaniam  
Inferiorem.

**V**T FLAMMVLÆ AMORIS *per Patrem*  
F. MICHAELEM HOYERVM *ad pyram*  
S. P. N. AVGVSTINI *accensa*, Versibus &  
Emblematis exornatæ, typis edantur, & in  
mundum spargantur; iuxta voluntatem eius,  
qui dixit: Ignem veni mittere in terram,  
& quid volo nisi vt ardeat? facultatem da-  
mus. Actum Louanij in erêmo nostra Augusti-  
niana 9. Kal. Sept. Anno Cl. Ic. xxviii.

Fr. IOANNES AVGHEMIVS.  
Prouincialis.

A P P R O B A T I O  
*Censoris.*

FLAMMVLÆ hæ AMORIS quibus cor  
S. P. AVGVSTINI totaliter ardebat in  
sponsi sui dulcedine, versibus & Emble-  
matibus exornatæ per F. MICHAELM  
HOYERVM, *Ordinis S. Augustini*, quando-  
quidem doceant nos amore & desiderio  
Dei deponere onus carnalium deside-  
riorum & terrenarum concupiscentia-  
rum, meritò publicam lucem aspicient.  
Datum Antuerpiæ 3. Septembr. Anno  
Domini M. DC. XXVIII.

ZEGERVSVAN HONTSVM  
*Canonicus & Pœnitentiarius Antuer-  
pien. Librorum Censor.*



---

---

A N T V E R P I Æ


Apud Henricum Aertsium.

Anno 1628.

---


---



















172  
187

120, S<sup>12</sup>, A-I<sup>12</sup>







SPECIAL

87-B

16226

THE GETTY CENTER  
LIBRARY



